

# APOCALYPSE, KAPU YA YIYA

## KITINI YA III



Matondo na nge Mpangi Neville. Mfumu kusakumuna nge mpe. Mpe mbote, milongoki ya Biblia. Mpe wapi mutindu muntu nyonso ke kuwa na suka yayi? Mbote, mu banza. Amen. Ya kele mutindu ti. . . yayi wandaka mwa nkufi na kusamuna ti beto zolaka tuba ti beto zolaka vwanda awa na suka yayi, samu ti mu vwandaka ve. . . nzila ya munu kuzabanaka ntete ve mpe ntangu kaka mu zolaka katuka. Mpe ba me kubika yayi ntangu yayi ti ya ke salama na bangonda sambanu yina ke landa, mbote, na yina, mu me banza ti beto ke sala mbote na kuzwa lukutakanu na suka yayi samu ti ya ke vwanda na ntangu mosi ntete mu vutuka dyaka, landila mutindu mu me zaba; mu banza na automne yayi.

<sup>2</sup> Mpe mu ke. . . awa beto ke kwenda sabala ke kwiza yayi kuna na Beaumont, na Texas, kisika beto ke banda kuna sabala yina ke landa mpe kuzwa balukutakanu pene bilumbu nana to kumi kuna na kimvuka ya bantu yina kele bawu mosi mpe mabuundu yankaka. Ya kele kieleka ya kusimba na mabuundu ya *Nkumbu ya Yesu* kuna na Beaumont, na Texas, kisika beto kuzwaka lukutakanu ya nene mwa ntangu me luta, kaka na manima ba bakaka foto *yayi*. Mpe bawu. . . mu zaba ti bawu kubakaka wagon kuna na, mu banza, ba-wagon makumi zole na sambwadi. . . to masini na ba-wagon makumi zole na sambwadi na yawu, na kukwiza na lukutakanu na Beaumont. Ya kele kisika mfumu ya mbanza kutambulaka mpe lutaka na babala-bala, mpe bawu nyonso. Beto kuzwaka ntangu mosi ya nene na Beaumont, mpe beto ke na kuvutukaka sabala yayi ke landa. Mpe kuna beto wandaka banza na San Antonio, kasi beto ke kuzwa ntangu mingi ve samu na kuna, mu banza na kuvutuka ya beto.

<sup>3</sup> Mpe beto ke kwenda kuna kubanda na Phoenix, na Los Angeles, na Long Beach. Mpe na manima beto ke vutuka, kana Mfumu zola, kuvutuka na Côte Ouest, kumata na Virginie mpe na Caroline du Sud. Kuvutuka kuna na Bloomington, na Illinois. Mpe katuka kuna na lukolo Lane Tech High School, na sabala ya nsuka ya Ngonda ya yiya, na Bantu ya Mumbungu ya Miklisto. Mpe na manima mu ke katuka kuna samu na kukwenda na Colombie Britannique du Nord, tii Alaska, mpe kuvwanda kuna tii Ngonda ya sambanu. Mpe, kuna, beto ke na kutula kivuvu ti beto ke kuzwa ntangu mosi ya nene.

<sup>4</sup> Na kusambilaka ti kufyongonina ya. . . yina mu vwandaka na yisi ntangu fyoti samu na mpaku, samu na dibuundu awa,

ke suka na ntangu yina. Mpe kuna beto ke . . . Mu ke lenda kukwenda na bayinsi yankaka kuna kana ya salama, kaka na Ngonda ya sambanu, yina ke sala kaka yawu mbote samu na Afrique; samu na Ngonda ya sambanu, Ngonda ya sambwadi, mpe Ngonda ya nana, na—na Afrika. Na yawu mu kele na nsatu ya bisambu ya beno.

<sup>5</sup> Mpe beto ke na kuingilaka nkwizulu ya Mfumu. Nyonso yayi ke vwanda “kana ya vwanda luzolo ya Mfumu,” beno me mona. Beto zaba ve, Yandi lendaka . . . Yayi kele na kutula bantwadusulu ve, beto kuzwaka kaka bambokolo nyonso kintwadi mpe me sambila na zulu ya yawu, me lombamba Mfumu, “Wapi nzila beto ke kwenda?” Mpe—mpe ya ke monana mutindu, na yina, mu ke bika yawu nyonso ve na munu mosi, mu ke bika bayankaka kubanza na yawu, kusambila samu na yawu. Mpe kuna ya ke monana mutindu ti beto nyonso na kumona kele ya kutwadisa na kukwenda na wesete, na sude mpe na wesete na ntangu yayi. Na yawu kuna beto kuzwaka bambokolo ya bisika nyonso, na yawu beto bandaka kaka. Mpe kisika ya ntete yina kubwaka na ntima ya munu vwandaka to Beaumont to San Antonio. Na yawu beto talaka, mpe beto vwandaka na bambokolo na bisika nyonso zole. Mpe . . .

<sup>6</sup> Beto bokilaka mosi na Beaumont. Mpe na yina ti bawu vwandaka na mabuundu makumi yiya na zole yina ke salaka kintwadi, ya ba Pentecotiste ya Kuvukana mpe nyonso yina, beto banzaka ti na amphithéâtre ya nene ya ke vwanda mbote mingi samu na kupesa bawu na kutala bilumbu kumi na kisika ya kupesa bawu tanu mpe tanu na konso kisika. Mu banza ti kana beno vukisa yawu mutindu yina yina ya kele mbote mingi. Mpe dyaka, ya kele na bantu mingi—mingi kuna kele na nsatu na Beaumont mpe kuna na kizunga ya pitiloyi na Texas kuna, mpe na yawu beto ke na kuingila ntangu ya nene na Beaumont.

<sup>7</sup> Mpe, ntangu yayi, beto me kwendaka ntete ve kisika ya kele na ba-centre ya nene mpe bisika ya nene. Kasi beto ke meka na kukwenda mutindu Mfumu ke twadisa beto na kukwenda, ata mutindu fyoti to mutindu nene, kaka mutindu Mfumu ke twadisa. Ntangu yayi, na ntangu nyonso, Yandi lendaka pesa beto mbokolo ya *Macédoine* mpe beto ke bika bilanga ya kulonga ntangu nyonso samu na nyonso Yandi ke bokila beto na kusala, na kisika nyonso.

<sup>8</sup> Mpe beto ya kieleka me sepela ntangu ya mbundana na ziunga ya Ndinga ya Nzambi na beno bantu ya mbote. Mu ke na kivuvu ti beno ke vwanda ya kukwikama ntangu yayi mpe ke kwiza na dibuundu mpe ke tumama na malongi ya Biblia na nzila ya mpangi ya beto ya bakala awa, Mpangi Neville, yina mu ke longwa beno na bunene ti kele kisadi ya Mfumu Nzambi, mpe ke na kutambulaka na mudindu mpe mudindu na Nzambi, mpe mu kele na nsayi mingi samu na yawu.

<sup>9</sup> Mpe dibuundu ya fyoti, mu ke lomba beno na Nkumbu ya Mfumu Yesu na kukula na lemvo ya Nzambi, na kukangama beno mosi mpe na kutala na Calvaire ntangu nyonso, kubasisa misisa nyonso ya ndudi na ntima mpe moyo ya beno, ti Nzambi lendaka sadila beno na ntangu nyonso. Kana beno ke na kuwa na kusala kima mosi, to luzayikisu to kima kukwiza na beno na mutindu ya ngitukulu, kima na mutindu ya kukebisa to kima mosi, beno sala keba! Satana kele na mayela ya yimbi mpe kukota mosi ya malembe mutindu yandi lendaka vwanda. Beno me mona? Beno tula yawu na Ndinga ya Nzambi mpe beno yufula pasteur ya beno. Beno me mona?

<sup>10</sup> Mpe beno ke tala makabu mpe nyonso yankaka kumata na dibuundu, mpe kusala ya makabu yayi. Ntete beno bika yawu kukota na kusalu mpe nyonso, ya ntete. . . Kana beno ke kuwa yawu kubweta na ntima ya beno. . . Ntangu yayi, mbeni kele kieleka na mayela ya yimbi. Beno me mona? Mpe ya kele kaka yina ke kabulaka mabuundu konso ntangu na bitini-bitini, kele dikabu ya kieleka yina ke na kusalaka yimbi. Beno me mona? Kima mosi yina Nzambi ke na kumekaka na kusala, mpe ke na kusalaka yimbi, ya ke kaka—ya ke sala kaka na malembe. . . Ya ke talisa kaka beno ve mpasi, kasi ya ke kabula dubuundu ya muvimba. Beno me mona? Beno tala yawu, beno lutisa yawu mpe na nzila ya Biblia, na manima kutesa yawu mpe kumona kana ya kele Nzambi to ve. Beno landila kaka na kutesa mpe kumeka yawu, beno mona kana ya kele kaka kieleka na nzila mpe kieleka na Ndinga. Na yina beno kele ya kulunga, beno me mona.

<sup>11</sup> Ntangu nyonso yina Ndinga ke tuba yawu ke vwanda awa, ti ya ke sala kieleka mutindu yayi, beno vwanda kaka na yawu. Beno kwenda ata mbala mosi ve, ata yina muntu nyonso ke sala, mutindu kieleka ya ke monana kuvwanda. Kana ya ke lakisa ve na Masonuku kubanda Genèse tii Apocalypse, beno bika yawu swi. Beno meka ata siansi mosi ve, beto kele na bilumbu ya nsuka ntangu Satana ke na kuvunaka kaka mutindu yandi lendaka sala.

<sup>12</sup> Beno lemvo kila munu kana mu ke na kumekaka na kubaka kisika ya mfumu; mu kele mfumu ve. Kasi mu ke tala beno mutindu Paul tubaka bilumbu na manima kuna samu na dibuundu ya yandi kilumbu mosi, “Beno kele bambwetete na yimpu ya munu.” Ntangu mu ke sabuka na simu yankaka yina, mpe kukutana na beno na mutindu ya nkembo yina, Mu zola ti beno kutelama kuna samu na kupesa nsemo mutindu bambwetete na yimpu ya munu. Beno me mona? Mpe mu—mu zola ti beno vwanda kuna, mu zola kuvwanda kuna.

<sup>13</sup> Mpe mu ke bambuka moyo na vision ya munu ntangu mu monaka Mvwandulu ya Mfumu, to bantu ya Yandi kuna na Yinsi yina ya nkembo, Mu talaka bisika nyonso, mu tubaka na bawu. . . Mpe ba tubaka na munu ti Yandi ke sambisa munu

ntete na nzila ya Nsangu ya mbote yina mu longaka. Mu tubaka, “Kaka kieleka mutindu Paul kulongaka Yawu!”

14 Mpe mafuku ya bantu yina kubokaka, “Beto ke na kupemaka na zulu ya yawu!” Beno me mona? Beno me mona. Ntangu yayi, mu zola ti ya vwanda mutindu yina. Mpe beto ke kutana kuna kilumbu mosi.

15 Mpe ata mbala mosi ve ti Nzambi fidisaka Mpangi Neville mpe munu na kuvwanda bamfumu, ata fyoti ve. Beto kele kaka bampangi ya beno, beno me mona, milongisi na Nsangu ya mbote. Na yawu beto nyonso sala kintwadi.

16 Mpe ntangu yankaka kana—kana kima mosi ke sala ba bokila yandi to—to kutuba dyambu mosi samu na yawu, ba me bokila to kima mosi landila yawu, mpe muntu yina kele na dikabu kumanga yawu, beno bambuka kaka moyo. . . kumanga yawu, beno bambuka moyo, dikabu vwandaka ya kusungama ve. Ya vwandaka ve Nzambi na kubanda. Mpeve ya Nzambi ntangu nyonso kele ya kukubama na masembo, ya kele mbote mpe ya kulemvuka, ya luzolo. Beno me mona. Kana yandi telama mpe kutuba, “Mu ke sala yawu na mutindu nyonso,” beno zaba mutindu bantangu yankaka. . . Beno bambuka kaka moyo, bampeve ya lunangu kele ya Nzambi ve. Beno me mona? Na yawu samu na yinki kubaka kima yankaka ntangu nyonso, ntoto ya muvimba, kele ya kufuluka na Nkembo ya Nzambi, beno me mona, ngolo ya kieleka ya Nzambi. Samu na yinki beto ke baka kiyingilu? Beto me kwenda ntama mingi na kilumbu ntangu yayi; kasi, beno bambuka moyo, Biblia ke tuba ti yandi ke kota mutindu. . . kaka na mutindu ya mayela ya yimbi mutindu yandi lendaka vwanda, mpe kuvuna bantu ya kieleka ya Kusolama kana ya lendaka salama. Beno me mona?

17 Mpe, ntangu yayi, bantangu yankaka beto ke banzaka ti beto kele bantu ya Kusolama, mpe mu banza ti beto kele, kasi beto vwanda kaka ya kusungama na Biblia. Mpe kuna kana nyonso kele ya kusungama na Masonuku, mpe na nzila na Masonuku, na kunataka Nkembo na Nzambi mpe lukumu ya dibuundu, mpe nyonso yina, na yina beto zaba ti ya kele ya Nzambi samu ti Biblia ke lakisa yawu. Kasi kaka kuzonza ya beto ve ke lakisa yawu, ya ke sala ata mbote ve, ya ke kubwa.

18 Na yawu kana kima mosi me bula beto, ata ti ya ke monana kieleka, kana ya kele mbote ve, ve Masonuku, beno kwenda ntama ya yawu na mbala mosi; samu ti ya—ya kele na Mosi ya kieleka yina ke na kuingilaka, beno me mona.

19 Na yawu, beno sambila ntangu yayi. Mpe ntangu nyonso, mpe na nyonso beno ke sala, beno sambila samu na munu. Beno sambila samu na munu samu ti beto ke na kukota na bilanga ya kulonga ya bambala ya nsuka, samu na munu. Beto ke na kwendaka ntangu yayi. . .

<sup>20</sup> Mpe, beno bambuka moyo, bima ya nene ke na kusalamaka, ya kele ya kuzabanaka ve na kati-kati ya yinza. Yesu kwizaka, zingaka, kufwaka, mpe pesaka munkayulu, vutukaka na Nkembo, mpe mafuku ya bantu vwandaka zaba ata kima ve samu na yawu. Beno me mona? Ya kele mutindu fololo ve, yinda, nene; “Yandi kwizaka na baya Yandi Mois,” beno me mona. Mpe. . . “Yandi yina kele na dikutu, ti yandi kuwa yina Mpeve ke tuba na mabuundu.” Na bantu ya ngaanda ve, “na Dibuundu.” Ya kele Dibuundu yina ke kuzwa kuningana ya Yawu.

<sup>21</sup> Mu vwandaka banza mutindu yankaka na yawu tii kilumbu mosi Yandi tubaka na munu; vutulaka munu na Ndinga mpe kutala mutindu bapofete nyonso zonzaka na ntangu Jean ke kwiza, yandi tubaka, “Bisika ya zulu ke kulumuka, mpe bisika ya yisi ke zangama.” Mpe mutindu ngolo ya Nzambi ke sala! Mpe. . . “Myongo nyonso ke dumuka mutindu mwa bankombo ya babakala, mpe makasa ke bula maboko ya bawu.” Mbote, yina vwandaka talana mutindu ti kima ya kieleka zolaka salama. Beno me mona? Mpe ntangu yawu kusalamaka, yinki kusalamaka? Kiboba mosi basikaka na ntoto ya kuyuma, kukondwa ntembe ti na mandefu yina me basika bisika nyonso mpe na kitini ya ntama ya mpusu ya dimeme ya kufuka yandi. Ya vwandaka ve na bima ya mbote kuna na ntoto ya kuyuma. Yandi vwandaka kuna kubanda ntangu yandi vwandaka na bamvula yivwa, mpe kuna yandi vwandaka na makumi tatu. Yandi me basika na ntoto ya kuyuma, na kilo nyonso, ke longa kubalula ntima, ya kutelama na poto-poto na makulu ya yandi, na kutala, na simu ya Jourdain. Mpe ya kele ntangu bisika ya kuzanguka kukulumukaka mpe bisika ya yisi kuzangukaka. Beno me mona? Ya kele. . .

<sup>22</sup> Beno fwana kuzwa lubakusu ya kimpeve. Beno bambuka moyo, Nzambi na zulu ya ntoto yayi, ata mbala mosi ve salaka mpe ata mbala mosi ve ke sala, kuzinga na kati ya bima ke lezima. Yandi ke teleminaka yawu. Yandi ata mbala mosi ve ke. . . Bansangu ya nene ke vwanda ata mbala mosi ve “samu na kusala ya nene *yayi-mpe-yayi* mpe *yayi-mpe* . . .” Mu ke salaka ve mutindu yina. Bisadi ya Yandi ke salaka ve mutindu yina. Bima ya Yandi ya kulezima mpe nkembo kele ya zulu.

<sup>23</sup> Mazono, to bilumbu zole me luta, mu vwandaka kwenda na Kentucky, kuna na Kentucky na nkundi ya munu ya mbote, Mpangi Banks Wood, kuna vwandaka na kento mosi ya pulusu ya kutelama kuna, mpe yandi tubaka, “Bakala, beto ke sala mbote na kunata ditoma malembe,” yandi tubaka, “yandi ke sakanaka ve.”

<sup>24</sup> Mpe mu tubaka, “Yinga, ya kele kieleka.” Mu tubaka, “Na ntangu yinsi ke kumaka na kisika babakala mafuku ke na kusalaka ve mpe ti bawu fwana baka bakento, na kusala bawu bapulusu mpe kufidisa bawu na ngaanda kuna, minati taxi mpe bima ya mutindu yina, ya kele mosi ya mvindu ya nene na

yinsi ya beto.” Yandi kele na kutala na mingi ya kusala kuna na mutindu—mutindu lapin na kati ya nzungu ya mafuta. Beno me mona? Ya ke kaka—ya ke kaka—kaka ve kisika ya yandi. Mpe mu tubaka, “Ya vwanda kwamisaka munu kieleka yimbi, kasi ntangu yayi mu me banda na kubambuka moyo ti, ‘Mbote, kukondwa ntembe, yayi kele—yayi kele ve kimfumu ya beto, beto kele ve ya yinza yayi.’” Bawu kele. . . beno. . .

<sup>25</sup> Samu na yinki bakento (bakento ya beto) ke vwandaka ve na nsuki ya bawu—ya bawu nkufi, mpe rock-and-roll, mpe bima nyonso yayi? Mbote, bantu ke kwendaka na mabuundu ya ntangu nyonso mpe nyonso, ke banza, “Ya kele nyonso ya kulunga.” Samu na yinki? Ya. . . bawu—bawu kele ba-Americanin; bawu kele ba-Americanin, bawu kele na mpeve ya Amerique. Beto kele ve ba-Americanin, beto kele Miklisto. Beto ke zinga. . . mpeve ya beto kele ya Kimfumu yankaka. Kana mpeve ya beto vwandaka ya kimfumu yayi na yina beto ke sambila na bima yayi, kuna beto ke sambila minkunga nyonso yayi ya mvindu mpe ke sambila rock-and-roll nyonso yayi. “Kisika nyonso ntima ya beno kele, kuna kele bimvwama ya beno.” Mpe bimvwama ya beto kele na zulu. Na yawu kuna beto ke na kukwendaka na Kimfumu.

<sup>26</sup> Yayi kele yinzo ya beto ve, beto ke na kuzingaka kaka awa ntangu fyoti na kumeka na kubasisa bantu yankaka ya yinsi yina kele na ngaanda na mpimpa. Mpe na kukwendaka na mbanza mosi mpe mu banza mu ke sala campagne na mbanza ya muvimba, sabala mosi to bilumbu kumi, samu na moyo mosi na ngaanda kuna; mosi, kaka mosi ya kutelama na ngaanda kuna.

<sup>27</sup> Beno lenda tuba, “Lukutakanu me vwanda lunungu ya nene, mafunda tanu kwizaka na autel”; ya lendaka vwanda ve na mosi ya bawu yina me kuzwa mpulusu, ata mosi ya bawu ve. Beno me mona? Mpe ya lendaka vwanda. . . Beno lendaka banza kuna, “Kaka bantu zole me kwiza na autel”; kasi mosi ya bawu lendaka vwanda musanga ya ntalu. Beto ke kwendaka kaka na mwa maza. Nzambi ke basisaka mbisi, Yandi zaba yina kele mbisi mpe yina kele ve.

<sup>28</sup> Na yawu, beno me mona, beto ke longaka kaka. Mpe beno bambuka moyo ti beno ke na kusalaka kima mosi na tabernacle yayi. Kasi beno bambuka moyo ntangu nyonso na yayi, “Mameme ya Munu zaba Ndinga na Munu.” Mpe Ndinga ya Nzambi kele Ndinga na Yandi.

<sup>29</sup> Mu vwandaka banza kilumbu yankaka yina mutindu bantu yayi yina ke tubaka ti ya vwandaka ata mbala mosi ve. . . Denomination mosi ya mabuundu vwandaka tuba, “Kubeluka ya Nzambi vwandaka kieleka ve. Ata mbala mosi ti dikabu ya kubeluka ya Nzambi kupesamaka na muntu kana na Santu Paul to bantumwa, ba kumi na zole na kivinga ya zulu. Ba pesaka bawu dikabu kubeluka ya Nzambi, mpe kaka yina. Yina sukisaka yawu.”

30 Kasi, beno me mona, na nzila ya dese ya kitoko yina Mpangi Willie, na lweka awa, salaka kieleka mbote samu na beto, singa ya fyoti yina me lutila na nzila ya mabuundu nzila nyonso. Mu ke kukiyufula yinki denomination yina ke tuba na disolo ya dibuundu, na yina me tala Irénée, na yina me tala Santu Martin? Mpe ba-martyr nyonso yina na nzila ya bansungi, bankama ya bamvula na manima ya lufwa ya bantumwa, kuzonzaka na bandinga mpe belusaka bambevo mpe vumbulaka bantu ya kufwa mpe salaka bimangu, dibuundu ya muvimba. Mu ke kukiyufula wapi mutindu samu na bawu, kana ya vwandaka kaka samu na bantumwa?

31 Beno me mona mutindu yawu kele ya fyoti? Bawu kele ve na lubakusu ya kimpeve, kaka yina. Beno me mona, “Mpofo! Ya kufwa na disumu mpe bayimbi!” *Disumu* zola kutuba “kukondwa lukwikilu.” Kima nyonso na kati ya kukondwa lukwikilu kele disumu. Kana muntu kele na mwa diplome yinda *mutindu yayi* (Doctorat ya Theologie, Lisansie zole, Doctorat ya Philosophie, Doctorat ya Droit) mpe ke tuba “ya kele ve na kima mutindu kubeluka ya Nzambi to mbotika ya Mpeve-Santu,” muntu yina kele ya kufwa na disumu. Yandi lendaka vwanda na lenda ya kubangula mitindu nyonso ya mansweki na kati ya Biblia, kasi luzingu ya yandi ya kieleka (kimbangi ya yandi) ke talisa ti yandi kele ya kufwa. Yandi kele ya kufwa na disumu mpe ke salaka yimbi samu ti yandi kele musumuki.

32 Disumu kele kukondwa lukwikilu. Muntu nyonso fwana . . . Disumu, ya kele ve kusala pité mpe kunwa makaya mpe kubina mpe—mpe kulandila mutindu yina. Yina kele disumu ve, yina kele binama ya kukondwa lukwikilu. Kasi mukwikidi . . . Ata ti kana muntu ke kunwa malafu ve, ke kunwa makaya ve, ke sala bima yayi ve, me tubaka ata mbala mosi ve dyambu ya yimbi, ke zitisaka Balutumu Kumi nyonso, yandi lendaka vwanda dyaka musumuki ya mvindu, beno me mona, kaka mutindu ya lunga yandi lendaka vwanda. Kana yandi ke manga ngolo nyonso ya Nzambi, yandi kele musumuki! Mpova *disumu* kele “kukondwa lukwikilu.” Ntangu yayi, beno tala kaka, beno mona kana ya kele kieleka to ve. Muntu ya kukondwa lukwikilu na Ndinga ya Nzambi, yandi kele musumuki mpe lenda kota ve Kimfumu ya Mazulu.

33 Ntangu yayi, oh, mu banzaka na yina na suka yayi, na kubaka yawu na zulu ya munu mosi landila luzolo ya Mfumu, landila lutumu ya Mpeve-Santu, na kukwiza dyaka awa na tabernacle mpe na kutala kubumba beno bangunga zole to tatu. Kasi mu zola kusukisa na buku ya Apocalypse kapu ya 4 nte mu kwenda. Mpe ntangu yayi mu banza ti ya ke lembisa beno ve, mu banza ti ya kele—ya kele nkembo samu na beno. Mu banza ti ya kele kima yina ke sala beno mbote mpe ke sadisa beno na bilumbu ke kwiza.

34 Mpe ntangu yayi mu banza...Mu tubaka na Billy na kukwiza awa na suka yayi mpe kukabula bakalati ya bisambu kana ya vwandaka na banzenza na kati ya beto, samu ti beto ke kwenda, mpe...ntangu yayi, mpe mu zaba ve ntangu beto ke vutuka. Nzambi kaka zaba yawu. Mpe mu vwanda zola...mu banzaka na kutala na lukutakanu ya nsuka kana...mpe ntangu yandi bokilaka munu kuna pene—pene ya ngunga yivwa mpe yandi tubaka, “Papa, ya kele na mwa bantu ya kusambila. Mu me yufula bawu, kasi” yandi tubaka, “ya kele bantu yina—ya kele bantu yina ke kwizaka na dibuundu ntangu nyonso.”

35 Mu tubaka, “Na yina kukabula ve bakalati ya bisambu, beno me mona.” Mu tubaka, “Samu ti ya kele bantu...Kana beto sambila samu na bambevo na suka yayi, beto ke bokila bantu mpe beto ke sambila samu na bawu.” Kasi mu tubaka, “Kana ya—ya kele bantu yina ke kwizaka na tabernacle yina beto zaba...Ve, mu zola ya vwanda mwa nzenza.”

36 Mpe yandi tubaka kuna, na yina yandi basikaka mwa baminuti fyoti me luta ntangu yandi kutanaka munu ya kutelama na ngaanda kuna, yandi tubaka, “Mbote, mu me kabula mwa bakalati ya bisambu.” Yandi tubaka, “Kaka bantu fyoti kuna, mu me kabula bakalati ya bisambu.” Yandi tubaka, “Nge lenda sala nyonso yina nge zola.”

37 Mu tubaka, “Mbote, beto ke mona mutindu nsangu ke kwendila, kumona kisika beto kele, mpe kuna beto ke sala yawu. Mu...”

38 Yandi tubaka, “Mbote, bantu mingi vwandaka zola kuzwa bakalati ya bisambu, kieleka, kasi” yandi tubaka “bawu vwandaka bantu yina kele kuna na dibuundu.” Beno me mona?

39 Mbote, beto zaba ti Nzambi kele Nzambi. Mpe, oh, kaka bima yina Yandi ke salaka! Oh, alo-alo ke dilaka konso ntangu, samu na mambu ya mutindu-mutindu ya bantu, bantangu yankaka kaka mambu ya fyoti, mpe mutindu Nzambi ke pesaka mvutu na kisambu!

40 Mu ke kukiyufula kana mama ya ntwenya yina to bakala ya yandi kele awa bayina me katuka New Albany, bayina nataka mwana yina vwandaka kangisa kupema, samu na pneumonie, mpimpa yankaka yina na yinzo ya munu na ngunga pene kati-kati ya mpimpa, to ngunga mosi? Kuna, mbote. Wapi mutindu bébé? [Bakala mosi na kati ya dibuundu me tuba, “Ok!”—Mu.] Mbote, mbote, mbote mingi.

41 Beno bika kaka mu talisa na beno, beno me mona, ti ya kele kima yina beno zolaka zaba ve, yina ke tambulaka ve kana Mpeve-Santu ke tuba. Fred Sothmann, mpangi ya beto ya bakala ya ntalu, Fred; Mu vwandaka me kuwa yandi kutuba “Amen” ntama mingi ve, kasi mu me zaba ve kisika yandi kele. Wapi kisika yandi kele? Yandi kele awa? Awa, kaka awa, Mpangi Fred Sothmann. Mpe samu na kulakisa mutindu ya kele mpasi



ve. . . Yandi vwandaka na Mpangi Welch Evans, mu banza, mu zaba ve. Ba vwandaka na remorque kuna; ba kangaka myelo mpe Fred zimbisaka bafungula, mpe bawu vwandaka sosa yawu bisika nyonso mpe lendaka ve kutala yawu kisika mosi. Mpe Mpangi Welch vwandaka kwiza. Na yawu kilumbu kumaka yina yandi zolaka kwiza mpe nyonso, bawu lendaka ve kutala fungula kisika, na yawu yandi bokilaka na yinzo, yandi tubaka, “Mpangi Branham, wapi sika kele bafungula? Wapi kisika beto lenda mona yawu?”

<sup>42</sup> Ntangu yayi, ya lendaka yitukisa bayankaka ya beno, samu na muntu na kuuyufula mutindu ya kyuvu yina. Kasi beno vingila kaka fyoti, beno bambuka moyo na bana ya babakala ya Kis bayina vwandaka sosa ba-mulet? “Na yawu kana mu vwandaka na dikabu na diboko ya munu, mu zolaka nata yawu mpe kumona yandi. . . kulomba, kupesa yawu na profete, mpe mu banza ti yandi ke tuba na beto wapi kisika kele ba-mulet yango.” Beno ke bambuka moyo na yawu?

<sup>43</sup> Mpe na yina bawu vwandaka tambula na bala-bala bawu kutanaka na profete. Yandi tubaka, “Beno ke na kusosaka ba-mulet yina.” Yandi tubaka, “Na yina, beno vutuka na yinzo,” yandi tubaka, “bawu me vutuka yimeni.” Ya kele kieleka?

<sup>44</sup> Mu sambilaka. Fred na kutambulaka fyoti mpe lokotaka bafungula. Kaka yina. Beno me mona?

<sup>45</sup> Mpangi Ed Daulton, wapi kisika nge kele? Wapi kisika Ed Daulton kele? Mu zaba ti yandi kele awa kisika mosi, mu me mona yandi ntama mingi ve. Oh, na manima. . . yandi yayi. Yandi kuwaka munu na nzila ya interphone to na systeme ya kuwa na yinzo. Nkokila yankaka yina beto kuzwaka mbokolo mpe Mpangi Ed vwandaka na mpasi ya nene. Mu vwandaka zola kusadisa yandi. “Ve,” yandi tubaka, “Mu zola kaka ti nge lombaka na Nzambi.” Mu lombaka Mfumu na kusadisa yandi. Mpe kilumbu yina landaka kento ya yandi kubokilaka munu, ti muntu kusadisaka yandi. Mbote mingi. Ya kieleka, Mpangi Ed?

<sup>46</sup> Beno me mona, Yandi kele kaka Nzambi. Kaka yina, Yandi kele kaka Nzambi. Beno me mona, Yandi kaka. . . Ya kele kaka ntangu nyonso kubanda kisika mosi na yankaka, kisika mosi na yankaka. Ata mutindu kele dyambu, Yandi kele Nzambi. Beto ke kwendaka ve bisika, kusala matalana samu na bima yango, beto fwana sala yawu ve. Beno bika ve diboko ya lubakala to diboko ya kikento kuzaba yina ke na kusalaka diboko ya lubakala. Beto ke zonzila yawu na kati-kati ya beto kasi beto ke zonzila yawu ve kisika yankaka. Samu ti ya kele lunangu, mutindu, “Nzambi kaka lenda sala yawu samu na muntu mosi.” Yandi ke sala yawu samu na muntu nyonso yina—yina ke kwikila na Yandi. Ya kele kundima, lukwikilu! Nyonso yina—nyonso yina beno zola kusala, ata yina mabanza ya beno kele, beno nata yawu na Nzambi. Yandi—Yandi—Yandi—Yandi ke kubikaka

nyonso. Ya kele kieleka ve? Na yawu Yandi ke pesaka mvutu na bisambu. Yandi kele. . . Nzambi kele Tata yina ke pesaka mvutu na kisambu.

47 Ntangu yayi, na yawu kuna. . . mu vwandaka banza, na kusukisaka na balukutakanu ya nsuka yayi mpe nyonso yankaka, mutindu beto vwandaka. . . mutindu beto ke salaka yawu, beto ke kuzwa—beto ke kuzwa mu banza ndambu ya kumona ya mabanza na nsuka ya lukutakanu, kana Mfumu zola, mpe ya lendaka vwanda na kati-kati ya ntangu ya lukutakanu. Beto zaba kaka ve yina Yandi ke sala. Mu zola yawu mutindu yina. Beno kubika kima mosi ve, beno bika kaka Yandi kusala mutindu Yandi zola kusala.

48 Ntangu yayi, beno baka kapu ya 4 ya Buku ya Apocalypse, mpe beno kanga montelete.

49 [Mpangi-bakala mosi ke tuba na Mpangi Branham—Mu.] Yinga. Yinga, mpangi ya bakala. [Mpangi ya bakala me banda na kupesa kimbangi. Kisika ya mpamba na bande.] Kieleka, mu ke kwikila yawu. Kieleka, mu ke kwikila yawu.

50 Beno tala, Mpangi Welch Evans, mu banza ti ya kele yandi ya kuvwanda kaka kuna na manima. Beno bika munu. . . Na yina beto ke na kubakaka Apocalypse 4.

51 Awa ntama mingi ve, beno nyonso kuwaka mpe tangaka na bazulunale na yina me tadila bibumpulu yayi na Louisville bayina ke yibaka matoma yayi, bawu ke nataka yawu na Kentucky na kisika mosi, tkieleka na nswalu. Mpe na Kentucky beno kele na nsatu ve ya kuzwa mukanda, ba ke sala beno mosi na Kentucky. Na yawu beno fwana kaka. . . kima kaka beno fwana kusala kele kunata yawu kuna mpe kutekisa yawu. Na yawu bawu ke nata matoma yayi mpe ke kotisa yawu mpe bawu ke lenga dyaka yawu, mpe bawu ke basisa matoma yango mpe ke tekisa yawu. Nyonso yina beno fwana kuzwa kele numelo ya yinzo ya beno mpe—mpe bawu ke sala beno mukanda. Na yawu bawu ke nata kaka ditoma na bala-bala mpe ke nata yawu kieleka na nswalu mpe ke kotisa yawu na magazini mosi kisika mosi, ke soba kaka kima nyonso, beno me mona, mpe—mpe ke lenga dyaka yawu mpe nyonso, ke basisa yawu mpe ke tekisa yawu. Ya kele na rezo ya yawu, mpe ya kulutila bisika nyonso na Etats-Unis, mpe ya nene—ya nene ya yawu kele na Kentucky. Mu tangaka mukanda na zulunale awa ntama mingi ve na yina me tadila yawu.

52 Mbote, Mpangi ya bakala ya nene, ya ntima ya mbote, ya ntalu Evans mpe dibuta ya yandi, ke nataka ditoma nzila nyonso katuka Macon, na Georgie, tii awa konso Lumingu samu na kuwa Nsangu ya mbote. Oh, wapi mutindu ya kukwikama, wapi mutindu ya bankundi ya kieleka! Na manima bawu ke kwendaka kudya na Cafeteria Miller kisika. . .

53 Mu ke na kusalaka ve nsamunu samu na Miller, kasi kieleka mu banza ti bawu kele na madya ya kulutila mbote na Kentucky; na Louisville, na Kentucky, na mutindu nyonso. Na yina me tala . . . Mu ke na kuzonzila ve na bayinzo ya beno mosi bisika mu kudyaka kuna, ntangu yayi, mu ke zola tuba samu (beno zaba) na bisika na ngaanda. Mpe mu kudyaka mpe, kuna. Mu lenda dikisa dibuta ya munu kuna na ntalu ya fyoti kulutila ti mu lenda dikisa bawu na yinzo. Ya kele kieleka.

54 Na yawu kuna mu kwendaka kuna, mpe na yawu Mpangi Evans yandi kwendaka na kati mpe yandi bakaka kima ya kudyaka mpe bikaka ditoma ya yandi na ngaanda kuna. Ntangu yandi basikaka (na bilele ya yandi nyonso) mpe dibuta mpe bawu nyonso, ya vwandaka ve na ditoma to kima mosi. Yawu nyonso kwendaka. Mbote, mawa na muntu yayi, Mpangi Evans kele muntu mutindu beto nyonso, yandi kele na mwa mumbungu kuna, yandi ke bongisaka matoma, ke sumbaka bimbambala mpe ke bongisaka yawu. Yandi kele muntu ya mawa, mpe yandi ke bakaka mbongo ya yandi samu na kukwiza awa samu ti yandi ke kwilikaka na mutindu yayi ya Nsangu ya mbote. Mu ke sambila ti Nzambi ke fidisa bawu muzabisi kuna kisika mosi, samu na kusadisa bawu kuna na yinsi yina.

55 Ntangu yayi, Mpangi Evans kumaka na kisika, yandi zabaka ve kima ya kusala. Yandi bokilaka bapulusu mpe bawu lendaka ve na kutala yawu. Na yawu yandi kwizaka na yinzo, yandi mpe Mpangi Fred mpe bayankaka, beto vwandaka na kivinga mpe zonzilaka na yawu. Mu tubaka, “Ntangu yayi. . .” Ya kele mutindu beto ke salaka, beto ke vwanda na kivinga, ke tala yinki salamaka, mpe na manima beto ke kwenda na Nzambi. Na yawu ntangu beto lombaka Mfumu, “Na kuvutula muntu yina vwandaka na ditoma, ti kuvutula yandi mpe kuvutula yandi manima, ata kisika yandi vwandaka.”

56 Bantangu mingi bawu ke nataka yawu na ziunga ya Bowling Green to kisika yankaka, bawu ke basisa kaka yawu na kisika ya kuningana awa, beno me mona, samu bawu lenda . . . tii bawu ke lenga dyaka yawu mpe ke bongisa yawu. Ya vwandaka ditoma mosi ya mbote, mu banza fourgonnette. Ya vwandaka yawu, Mpangi Evans? Ya vwandaka fourgonnette.

57 Na yawu, mpe kuna yinki salamaka, beto fukamaka mpe sambilaka. Mpe Mfumu pesaka beto kimbangwi, ya vwandaka nyonso mbote mingi, nyonso vwandaka mbote. Na yawu na manima ngolo ya Mfumu kwizaka na beto. Mpangi Evans kubasikaka mpe bandaka na kukwenda, yandi kutwadisamaka na kubaka nzila mosi.

58 Yandi vutukaka kaka awa na Jeffersonville. Ba yibaka ditoma na Louisville; awa vwandaka ditoma ya yandi kuna na mwa lusanse ke lunga na kunata yawu. . . oh, na lweka yankaka ya yina, nataka yawu kuna kieleka pene ya Bowling Green mpe

vutukaka. Bawu basikaka na ditoma, telemisaka ditoma, bikaka fungula na kati, kwendaka kaka mpe bikaka yawu ya kuvwanda kuna, kaka awa na Jeffersonville kisika yandi zolaka tala yawu; na Louisville ve, awa na Jeff., vutulaka yawu nzila nyonso.

<sup>59</sup> Beno zaba, Mfumu lenda sala bandeke kutumama na Yandi, Yandi lenda sala bantu kutumama na Yandi, Yandi lenda sala mbeni ya Yandi kutumama na Yandi. Yandi . . . Yinga, tata, Yandi kele Nzambi. Awa vwandaka ditoma ya yandi na kima mosi ve vwandaka kondwa, kaka pene ndambu ya lusanse kisika yandi zolaka kuma na Bowling Green, mpe Mpeve-Santu zolaka tuba, “Baluka! Vutuka kuna mpe nata ditoma yango na Jeffersonville. Tula kaka yawu awa na bala-bala, mpe telemisa yawu kaka *awa*, (samu ti Mu ke fidisa kaka yandi na ziunga ya nzila *yayi* mpe na zulu ya nzila *yayi* samu na kutala yawu).” Ya kele kieleka, Mpangi Welch? Ya kieleka. Beno me mona.

<sup>60</sup> Yandi kele Nzambi! Yandi ke pesaka mvutu na bisambu, Mpangi Roy. Yandi kaka . . . Ya kele, Mpangi Slaughter, ya kele kaka kima mutindu mosi, ntangu Yandi belusaka yimbwa ya nge ya fyoti. Mpe mu zaba ti Yandi ke belusaka, ti Yandi ke pesaka mvutu na bisambu, ti Yandi ke salaka dyaka bimangu, Yandi kele dyaka Nzambi, Yandi ntangu nyonso vwandaka Nzambi, Yandi ntangu nyonso ke vwanda Nzambi!

Yandi—Yandi kele Nzambi na zulu ya yinzo,  
 (Yinki ya kele, yina mpangi ya bakala yina  
 ke yimbaka awa na dibuundu?)  
 Nzambi na kati ya kikuku, Nzambi kuna na  
 ferme,  
 Nzambi na kati ya tomabilu, Yandi kele  
 Nzambi bisika nyonso,  
 Yandi kele Nzambi nzila nyonso—nyonso  
 kisika yayi mpe yayi, Nzambi.

<sup>61</sup> Oh, mutindu ya kele kitoko mingi! Kana beto kota na kulonga na manima ya mwa ntangu fyoti mpe beto ke kota ve na dilongi yayi.

Mbote mingi, beto kulumusa bayintu ya beto na mwa ntangu fyoti samu na kisambu.

<sup>62</sup> Tata ya Mazulu yina me fuluka na lemvo, beto zola mingi Ndinga ya Nge ya Santu ti bantima ya beto ke pela kaka na kati ya beto, ntangu beto zaba ti Mpeve ya Nge ke kulumuka na kati-kati ya beto mpe kuna ke zonza na beto, mpe bantima ya beto ke tandama mpe ke simba Yawu. Mpe beto ke monana kaka mbote mingi na zulu ya Yawu, Mfumu.

<sup>63</sup> Mpe na kuzaba ti na ngunga yayi ya mpimpa kisika potopoto mingi kele. . . Mutindu profete tubaka, “Na bilumbu ya nsuka ya ke vwanda na nzala,” kima ya mutindu yayi, “samu na dimpa mpe maza ve, kasi samu na kuwa Ndinga ya kieleka ya Nzambi; mpe bantu ke zyeta katuka esete na wesete, node

mpe sude, na kususaka na kutala Ndinga ya Nzambi ya kieleka.” Ndinga! Yinki kele Ndinga? Yesu kele Ndinga, “Ndinga kumaka nsuni mpe zingaka na kati ya beto.” Samu na kumona katalana ya kieleka ya Ndinga ya Nzambi katalana landila Masonuku mpe kusalama, ti, mutindu bantu zolaka zyeta mpe kusosa mpe ke kondwa kumona Yawu. O Nzambi, beto kele na kyese mingi, kyese mingi ti beto talaka Yandi bamvula me luta, ntalu samu na ntima ya beto, mpe na kumona ti beto kele ata fyoti ve na kati ya poto-poto.

<sup>64</sup> O Nzambi, Nge tubaka, “Bawu yina ke zaba Nzambi ya bawu ke sala mambu ya nene na kilumbu yango.” Mpe bubu yayi beto kele na bilumbu ya nsuka, ke na kumona mambu nyonso yina Yesu tubaka ke salama, katalana kaka na kati-kati ya beto. Bidimbu ya kieleka, mambu ya nene, bimangu kusalama, na kusalaka yawu kaka mutindu Yandi salaka yawu. Mutindu Yandi tubaka, “Mutindu yawu vwandaka na bilumbu ya Sodome, mutindu mosi yawu ke vwanda na nkwezulu ya Mwana ya muntu.”

<sup>65</sup> Mpe, Mfumu, ti Nge bika beto, na nzila ya Mpeve-Santu, kukuma na Ndinga yango mpe kuzwa bima yango ya kieleka mpe kukanga yawu na Calvaire, na nzila ya Ndinga, mpe kumona ti na kati ya Yandi beto kele na nyonso. Mpe bimvwama mpe balusakumunu mpe nkembo mpe nyonso ke kwenda na Yandi Yina kele ya kulunga, yina kwizaka baka Buku na diboko ya kibakala ya Yandi yina vwandaka na zulu ya Kiti ya kimfumu, mpe vwandaka na zulu ya Yawu Yandi mosi, samu ti Yandi kufwaka kubanda mbandukulu ya yinza.

<sup>66</sup> Beto me zonzila na Yandi na suka yayi, Tata. Beto ke sambila ti Nge ke sakumuna bantima ya beto. Ti Mpeve ya Yandi kusala na kati-kati ya beto mpe kusakumuna beto, mpe kupesa ngolo na kimbangi ya beto, mpe belusa kimbevo na kati ya beto, mpe pesa beto lemvo ya lunungu.

<sup>67</sup> Mpe, Nzambi, na yina mu ke kwenda kuna na bilanga ya kulonga na kukutana na mbeni, ti mu zaba ti mu kele ya kukeba konso ngunga na kisambu. Oh, mutindu mu ke tala na nkebolo yina, ntangu mbeni ke belama, kasi mu zaba ti nkebolo kele ya kutelama samu ti bamama mpe batata, mpe bana ya babakala mpe bana ya bakento, Baklisto, ya kubutama dyaka na kimbangi, bantu ya kukangama na Mazulu kele ya kufukama ke na kusambilaka, “O Nzambi, pesa mpulusu!” Mpe, Tata, beto ke sambila ti Nge ke bika beto kukwenda kuna na bandilu ya mbeni mpe kununga konso moyo ya ntalu yina ke na kuingilaka. Sala, Mfumu, mpe basisa bawu na mpimpa na Nsemo. Samu ti beto me lomba yawu na Nkumbu ya Yesu. Amen.

<sup>68</sup> Ntangu yayi, na kapu ya 4 ya Buku ya Apocalypse. Beto manisaka kapu ya 3, mpe ti beto vwanda na mwa buzitu mpe mu ke meka ve na kukanga beno ntangu ya yinda. Kasi na kapu

ya 3 yayi, Dibuundu kwendaka na zulu mutindu kifwanukusu, ntangu ba zangulaka Jean. Dibuundu kwendaka zulu, mpe kubanda ntangu yina ya ke na kusalaka na Israel, tii Nkwizulu dyaka. Beno ke mona ve mutindu ya kele? Bantu bubu yayi, yinki bawu ke tubaka, “Kima ya nene ke ningisa yinza ya muvimba mpe nyonso.” Yina kele masonuku ve! Ve, tata. Kima yina ke landa kele kukwenda ya Dibuundu. Beno tanga na bansungi ya dibuundu, beno ke mona yina . . .

<sup>69</sup> Ntangu yayi, bima yankaka yina ke salama, kele na ntangu ya Mukembo ya Makwela ntangu Dibuundu kele na Nkembo. Nzambi ke vutuka na mambu ya nene ke sala, bimangu ya yinza ya muvimba mpe nyonso, na nzila ya ba-Juif, ke kwenda ata fyoti ve na Dibuundu.

<sup>70</sup> Na kapu ya 3 ke suka bansungi ya Dibuundu. Ya kele kieleka. Mpe bansungi ya Dibuundu ke suka na mwa nkonga mosi ya fyoti yina beto ke tala . . . Beno kuwa kaka awa. Mu—mu me tanga dyaka yayi na suka yayi, ya me pasula kaka munu ntima, kisika mpe nkadulu ya Klisto na nsuka ya nsungi ya Dibuundu, beno tala kubanda nzila ya 20 tii nzila ya 22 ya Apocalypse 3. Beno banza na yawu Klisto, na nsuka, kisika Yandi kele! Wapi kisika Yandi kele na nsuka ya nsungi ya Dibuundu? Na ngaanda ya dibuundu ya Yandi, ba-denomination mpe ba-credo me losa Yandi na ngaanda. Wapi mutindu kele nkadulu ya Yandi? Yandi ke na kumekaka na kuvutuka na kati. Ya kele nkadulu ya kyadi!

<sup>71</sup> Na yina beto monaka awa, “na manima ya bima yayi,” yandi kuwaka Ndinga yina vwandaka zonza na yandi ti . . . Oh, yinki ya vwandaka? Mpeve me katuka na ntoto. “Na manima ya bima yayi,” me banda kapu ya 1te, to—to nzila ya 1te:

*Na manima ya yayi mu talaka, mpe, tala, kyelo vwandaka ya kuzibuka na mazulu: . . .*

<sup>72</sup> Apocalypse 4:1, na manima Dibuundu me kwenda, kuna Kyelo me zibuka. Mpe beto me lutila na nzila ya nyonso yina mpe me tala ti ya vwandaka Klisto, vwandaka Kyelo. Mpe Ndinga mosi yina vwandaka tambula na kati-kati ya minda sambwadi ya wolo vwandaka mpe Ndinga mosi yina yandi kuwaka na Mazulu, kutuba, “Mata awa.” Jean kwendaka na zulu. Ya vwandaka monikisa kukota ya Dibuundu na Enlevement.

<sup>73</sup> Jean kwendaka na zulu na Kimpeve, ba nataka yandi na Mazulu mpe yandi monaka bima nyonso yina Nzambi silaka mpe tubaka na bilandi, “Yinki ya kele samu na beno kana yandi zinga tii ntangu mu ke kwiza?” Yandi monaka nkwizulu ya Mfumu mpe yina ke salama. Yandi monaka na zulu ya ntoto yina zolaka salama na zulu ya ntoto tii na Enlevement ya Dibuundu, mpe ba matisaka mpe lakisaka yandi kaka yina ke salama na Millenium. Oh, ya kele mbote ve?

<sup>74</sup> Ntangu yayi, beto bikaka yandi Lumingu me luta na kapu 4 mpe na nzila ya 4.

*Mpe na ziunga ya kiti ya kimfumu vwandaka na bakiti yiya mpe makumi zole: mpe na zulu ya bakiti mu monaka bakuluntu yiya mpe makumi zole ya kuvwanda, ya kulwata bilele ya mpembe; mpe bawu vwandaka na zulu ya bayintu ya bawu bayimpu ya wolo.*

<sup>75</sup> Ntangu yayi, beto talaka ti bayayi vwandaka bakuluntu. Ata mbala mosi ti ba me tulaka *kuluntu* Wanzio to Kivangu mosi. Ya kele bantu ba me vulusa, bakuluntu! Samu ti bawu. . . Bakiti ya kimfumu, bayimpu, mpe lutumu ke talaka ata mbala mosi ve, Bawanzio. Kasi bayimpu mpe bakiti ya kimfumu, na nyonso, kele samu na bantu. Mpe bakuluntu yayi vwandaka na bayimpu mpe vwandaka ya kulwata bilele mpe vwandaka ya kuvwanda na bakiti ya kimfumu. Mpe beto talaka bawu kuna na lweka yankaka ya Masonuku ti bawu vwandaka bantumwa kumi na zole mpe bawu vwandaka batata kumi na zole. *Makumi zole mpe yiya* ya bawu, yina zola kutuba “makumi zole na yiya”: bantumwa kumi na zole, bankooko kumi na zole.

<sup>76</sup> Mpe, beto talaka, mpe mbanza yina katukaka na Nzambi kuna na Mazulu. . . Na manima ntoto me pasuka mpe nyonso me kuma bitini-bitini mpe kima mosi ve me bikana na zulu ya ntoto kana kaka mbombi ya volcan (ya kele nyonso yina ke bikana), ya ke vwanda dyaka ve na mubu. Mubu ke yuma.

<sup>77</sup> Mutindu mu vwandaka zonza na muntu nkokila yina me luta, to mazono, na kisika mosi, ntoto mbala mosi vwandaka ya kutelama mutindu *yayi*, ya kutelama, na ziunga ya mwini, tiya nyonso vwandaka mutindu mosi na zulu mpe na yisi. Na bilanga ya bangalasi ya ba-Anglais, kana ba timuna nkama na makumi tanu ya bame tele mpe ba ke mona maba. Ya kwizaka na mpamukunu, kukangisaka yawu mutindu réfrigérateur bubu yayi. Mutindu kima ya beno yina ke *kangimisaka*, mpe nyonso yina, mpe *frigo* ya beno mpe yina ke kangimisaka samu na kubumba ba-fraise mpe bima bamvula mpe bamvula mpe bamvula ke kwiza. Beno me mona? Ya kele mutindu mosi ya vwandaka na ntangu yina. Na nswalu kuna kwizaka kubebisa ya kufuluka ya maza mpe kuna fulusaka ntoto ya muvimba na maza. Mpe ntangu ya salaka, mangolo ya atomique ningisaka yawu na ngaanda ya ba-orbite ya yawu, mpe ya kangamaka mpe ya me vwanda kuna. Beno me mona? Beno timuna mpe beno lenda tala yawu, kuna na ziunga ya bisika ya node ya ntoto mpe nyonso, bayinti ya maba mpe nyonso. Ya ke lakisa ti ya vwandaka zinga mbala mosi na mutindu ya mbote, kuna. Kasi awa ya ke vutuka.

<sup>78</sup> Ntangu yayi, kisika Nzambi kuzwaka maza yina, ntangu Genèse kubandaka, Genèse 1, “Ntoto vwandaka ya kukondwa mutindu, mpe ya mpamba, mpe maza vwandaka na zulu ya mudindu. Mpeve ya Nzambi vwandaka tambula na zulu ya maza mpe tubaka, “Ti nsemo kuvwanda.” Na yina Nzambi kabulaka ntoto mpe maza, yina salaka ntoto. Kasi ntoto nyonso

vwandaka ya kufuka. Ntangu yayi, yina Yandi salaka, Yandi salaka kaka . . . na nzila ya ba-atimosifere, Yandi salaka kaka . . . atimosifere kele . . . Ba-atimosifere kele ya kifuluka na mipepe mpe oxygene, mpe nyonso yankaka. Na yina Yandi zangulaka kaka yawu na ntoto mpe kabulaka yawu. Ya vwandaka ve na mubu na zulu ya ntoto kuna. Nzambi vwandaka tula maza na ntoto, mvula vwanza kubwa mpe ve. Yandi vwandaka tula yawu maza na nzila ya bayinto mpe nyonso, ya irrigation. Na yina ntangu Yandi . . . Kima kaka Yandi salaka kuna . . .

<sup>79</sup> Ntangu muntu basisaka yawu na orbite ya yawu, na lweka mosi, yinki salamaka? Yina nataka yawu na . . . tiya na yisi *awa*, mpe madidi na zulu *kuna*. Mpe tiya mpe madidi, yinki ke vukana? Beno tala yawu awa na banela kaka ntangu yayi, tiya na kati awa mpe madidi na ngaanda. Beno me mona mutoki? Mpe mvula kele kima ve kasi mutoki, kutukuta. Mpe maza kele bombi. Mpe kuna na yina ntangu ya . . .

<sup>80</sup> Mu ke zolaka nkunga yina:

Nge ke tandaka diboko ya Nge, Mfumu ya  
ntalu, na bilanga,  
Ke tandaka diboko ya Nge ya mbote na  
bilanga;  
Mfumu, Nge me mwangisa yinto,  
Me telemisa mongo,  
Oh! Mfumu, bumba diboko ya Nge ya ntalu na  
zulu ya munu.

Nge salaka matuti, salaka matuti yina ke  
pesaka mvula,  
Na mvula me sala mubu,  
Na mubu me nata matuti  
Samu na kupesa beto luzingu ya kulutila;  
Nge ke simba ntoto mpe mazulu na lutumu ya  
Nge, Mfumu,  
Oh! Lemvo bumba diboko ya Nge ya ntalu  
na zulu ya munu. (Oh, mutindu nene! Yinga,  
Nzambi ya Mazulu.)

<sup>81</sup> Na yina na ntangu yayi ya nene, ya ke na kuvutuka mutindu *yayi* na ntangu yayi, mpe Yandi salaka beto nsilulu, “Maza dyaka ve, kasi tiya na ntangu yayi!” Na kisika ya kulosa yawu . . . Bawu losaka ntoto ntama na mwini, mpamba ve, yawu kumaka madidi. Kana beno losa yawu na kati ya mwini, ya ke yokama. Mpe kaka mutindu Yandi bebisaka yawu na maza mpe tulaka mukyama na zulu, Yandi “ke sala dyaka yawu ve,” ntangu yayi, Yandi me pesa nsilulu Yandi ke “yoka yawu!” Na yawu kuna beno ke kuma na kisika ya disumu mpe nyonso ke kenga na meso mpe mvindu nyonso . . .

<sup>82</sup> Mpe bilumbu fyoti me luta mu vwanza nata mpunda na matiti. Na yina mu vwanza mwana ya fyoti ya bakala mu



vwanda banzaka, ke baka babuku ya munu ya histoire mpe ya geographie mpe vwandaka banza na bandimba ya nene ya wesete. “Kilumbu,” mu tubaka, “Mu ke zinga kuna na ngemba mpe na malembe kisika disumu kele ve, mpe mu ke tambula na bilanga mpe mu ke zomba mutindu ba-Indien. Mpe mu ke—mu ke zinga kuna, luzingu ya ngemba, bilumbu nyonso ya luzingu ya munu.” Kasi ntangu yayi ya kele. . . mindele me kwenda kuna. Kisika mundele ke kwendaka, disumu kele na yandi. Yandi kele muntu ya kulutilla nene yina ke kufwaka bantu mpe ke kufwaka bantu nyonso na zulu ya ntoto, ya kele mundele. Yandi kele kimpumbulu na kati ya bantu nyonso!

<sup>83</sup> Awa ntama mingi ve na zulunale (Mpangi Thom awa, ya Afrique), Mu monaka kitini ya zulunale basabala zole me luta, mu banza ya vwandaka, mpe yandi tubaka. . . bawu vwandaka tuba, “Kana ba-Américain kuzwa dyaka muswa ya kukwenda na Afrique, na bamvula kumi katuka ntangu yayi nkosi ya nene ya Afrique ke kufwa nyonso, banzawu.” Bimpumbulu yayi ke kubula kaka bisika nyonso bawu lenda. Foto ya babakala zole vwandaka meka na kusimba mosi ya bakala yina vwandaka ya kulwala. Ya ke talana mutindu maza ya meso ke na kubasika na meso ya bawu. Ba vwandaka zola ve. . . babakala vwandaka zola ve kento yina kufwa. Mpe mosi na mosi vwandaka simba yandi na lweka ya yandi, mutindu *yayi*, na kukangaka yandi na kubwa na yisi. . . na ntoto. Ba kubulaka kaka kukondwa kubika. Muntu yina ke kubula kima mutindu yina zolaka vwanda ve na munduki na diboko ya yandi. Ya kele kieleka. Yandi kele ve na mabanza ya mbote samu na kusadila yawu.

<sup>84</sup> Ntangu yayi, ya me kuma mwa bamvula me luta, mu vwandaka meka kutwadisa mwa mameme, ya wapiti, na nkundi ya munu ya mbote, Mpangi Roy Roberson mpe bawu kuna, ntangu mu vwandaka twadisa kuna na Colorado; zabaka ti beto vwandaka na mameme ya mbote. Jeff mpe munu vwandaka na bawu na zulu kuna bamvula mpe bamvula, pene ya bayintu makumi nana ya wapiti ya mameme. Ba bikaka bayankaka ya bantu ya bilo yayi ya Denver kukwiza kuna ya kulwata bakupe yayi ya zouave, mpe ba-bottine ya bansinga. Bazombi yayi. Hmm! Awa bawu me kwiza kuna, nkonga, na matoma ya jeep mpe bima ya mutindu yina, me kota na kizunga ya beto kuna.

<sup>85</sup> Mpe mu vwandaka nata ba-wapiti yayi na lweka yankaka ya mongo na manima ya bawu, pene ya bakilometele zole to tatu, mpe bawu vwandaka vukana. Beno fwana bika bawu ve kumwangana, babakala ya nene ya bankuluntu mpe nyonso; kana be no sala ve, beno ke mwangisa mameme ya beno. Ba kele kaka mutindu kukulisa bibulu to nyonso. Bibulu fwana vwanda mutindu mosi na beto. Ya kele cible ve. Kana beno zola kukubula cible bawu fwana vwanda na mulonga awa samu na kukubula bawu. Ya kele kieleka. Ya kele nsoni na kufwa bima mutindu yina. Ya kele disumu, ya kele yimbi!

<sup>86</sup> Mpe mu tangaka nkama mpe makumi zole na tatu ya kukubula ya munduki ya masini, mutindu, na kukubulaka yawu na mukongo ya yawu. Mpe suka yina vwandaka landa, Mpangi Banks Wood awa na munu, kumataka na mongo, mu tangaka bisika ya menga makumi yivwa. Bawu zabaka kima ve na yina me tala kuzomba; beno lendaka kubula kibulu ya nene mutindu yina, beno zola bula yandi mudindu mingi samu na kufwa yandi. Mpe bawu vwandaka kubula kaka mutindu yina, “pan, pan, pan,” na kukubulaka na mosi mpe na yankaka. Kieleka, bawu ke kufwa. Mpe yinki ke vwanda . . . Na manima nkisi me kota bawu, kana beno tala bawu bawu kele dyaka mbote ve, bawu me beba kaka; mpe bangoy-ngoy, ba-coyote mpe nyonso, ke kudya bawu. Bisika makumi yivwa ya menga, bibulu ya babakala ya nene, na makulu ya nene *yina*, mpe menga vwandaka basika na nswalu na kutala basentimetele makumi tanu ya mabulu yina salaka minduki ya bawu. Ba zolaka pesa ve muswa na kimpumbulu mutindu yina na kuvwanda na munduki na diboko. Ya kele kieleka. Yandi kele ve na mabanza ya mbote samu na kusadila munduki. Oh, ya kele mpasi, disumu na kusala mutindu yina.

<sup>87</sup> Ya kele kima ya boma, kasi ba-Americanin kele mutindu yina. Canada, beno bantu ya ntalu ya Canada! Kana Amerika kulandila na kukwenda, Canada ke vwanda yisi mutindu Amerique, na manima ya mwa ntangu fyoti. Beno kwenda bisika nyonso ya bandilu ya Canada, mpe beno ke kuzwa atimosifere yango ya Amerique. Amerique yayi kele kento ya kindumba ya bayinsi. Ya kele kieleka yina yandi kele, mpe yandi ke vwanda yimbi kulutila ntangu yayi. Yandi ke na kukumaka na nsuka ya yandi! Biblia ke zonzila na kubeba ya yandi, ke tuba mutindu yandi ke vwanda. Amerique: yisi, me bola, mvindu, ata kima ya mbote ve. Ya kele kieleka mbote. Yandi me vwanda yinsi ya nene. Yandi me nata Nsangu ya mbote. Yinki me sala yandi mutindu yandi kele? Samu yandi me manga Nsangu ya Nsangu ya mbote, mpe me losa Kieleka. Yandi ke pesa boma. Yandi ke kuzwa yawu, beno vwanda na boma ve. Mu monaka yawu na vision mutindu ME TUBA MFUMU! Ya ke na kwiza. Yandi ke futa samu na disumu ya yandi.

<sup>88</sup> Na manima ntangu Amerika vwandaka Amerika, yandi vwandaka yinsi ya nene. Ya kulutila nene yina yinza me zaba tuka Israël, vwandaka Amerika, kasi kieleka yandi me sumuka yandi mosi ntangu yayi. Yandi me manga Nsangu. Yandi me baka kima yankaka ve kasi kaka . . . Ntangu yayi yandi me kuzwa yandi mosi . . . Beno lenda mona kisika yandi kele ntangu yayi. Muntu nyonso zaba yawu, na kupona ya nsuka yandi me talisa kisika yandi kele ya kutelama na kimpeve. Uh-huh. Yandi zaba ve.

<sup>89</sup> Ntangu yayi, bakuluntu yayi ya kuvwanda na zulu ya kiti ya kimfumu na bayimpu ya bawu. Ntangu yayi, nzila ya 5, beto ke banda:

*Mpe na ngaanda ya kiti ya kimfumu basikaka balusyemo... banzasi... bandinga: mpe kuna vwandaka na minda sambwadi ya tiya yina vwandaka ke yokama na ntuala ya kiti ya kimfumu, ya kele Bampeve sambwadi ya Nzambi.*

<sup>90</sup> Oh, mu zola yayi! Beno ve? Oh, mu ke tala kaka mutindu kazaka ya munu me lunga munu, beno zaba. Mu kaka... ntangu... Oh, mu zola kutuba na kazaka ya kimpeve, kieleka, beno zaba. Mbote mingi.

<sup>91</sup> “Na ngaanda ya Kiti ya kimfumu.” Beto zonzila na Kiti ya kimfumu yayi awa baminuti fyoti. Yayi vwandaka ve Kiti ya kimfumu ya kyadi. Kiti ya kimfumu ya Kyadi me suka; ata kyadi kele ve, ya kele kukondwa kyadi. Wapi mutindu beto ke kwenda... Wapi mutindu kiti ya lufundusu ke vwanda kiti ya lufundusu ya Klisto, kiti ya lufundusu, Kiti ya kimfumu ya Mpembe ya Lufundusu? Kuna ya ke vwanda na kyadi? Ya ke vwanda na ata ndambu ya kyadi ya kupesa. Na Kiti ya kimfumu ya lufundusu beno lendaka boka “kyadi” tii beno ke lenda dyaka ve kuboka, mpe ya kele, beno lendaka mpe kuboka ya mpamba na mupepe kisika mosi, samu ti ya kele dyaka ve na kyadi.

<sup>92</sup> *Ntangu yayi* kele kilumbu ya kyadi! Ntangu yayi, beto vutuka na Ngwisani ya Ntama awa kaka mwa fyoti mpe kutala yinki kyadi kele. Kuvutuka mpe kumona yinki salamaka na Kiti ya kimfumu yayi. Kiti ya kimfumu yayi, ya kieleka, kele kisika ya lufundusu. Mpe kuvwanda... ya kele samu na yina ti bubu yayi ya kele na kyadi, kele samu ti kiti ya kyadi kele ya kupola na ya kukatula-masumu. Menga! Mpe ntangu nyonso yina Menga kele na zulu ya kiti ya lufundusu kuna ya kele dyaka ve lufundusu, ya kele kyadi, samu ti Kima kufwaka samu na kuvwanda lufundusu. Kana beno ke mona yawu, beno tuba “Amen.” [Dibuundu me tuba, “Amen!”—Mu.] Ntangu nyonso yina Menga kele na zulu ya kiti ya kyadi, ya ke lakisa ti Kima kufwaka samu na kukanga lufundusu. Kasi ntangu Dibuundu ke zanguka, kiti ya kyadi ke kuma kiti ya lufundusu!

<sup>93</sup> Na yawu, beno zaba, na Ngwisani ya Malu-malu awa, mpe, “Mpe sanctuaire.” Ya kele kisika jury... na sanctuaire, zuzi na kiti na sanctuaire. Ntangu yayi, kiti ya lufundusu yina na kati ya sanctuaire ke kumaka ya kifuluka na mulinga. Yinki ya vwandaka? Mutindu Mongo ya Sinai, lufundusu! Kyadi me bika Kiti ya kimfumu ya Nzambi. Nzambi ke fundisa yinza kukondwa kyadi. Bantu yikwa zaba yawu?

<sup>94</sup> Kaka kima mosi Yandi ke zaba na kilumbu yina, yinki Yawu kele? Menga. Ya kele kaka kima yina ke lembisa Nzambi ya kudasuka.

<sup>95</sup> Adam mpe Eve salaka kaka tablier ya mbote mutindu ba-Methodiste, ba-Baptiste, ba-Presbyterien, to ba-Pentecotiste nyonso lendaka sala, ya vwandaka fuka kinkonga ya bawu.

Kasi Nzambi zolaka mona na nzila ya yawu, na yawu Yandi kufwaka kima mpe bakaka bampusu ya kufwa ya—ya bampusu ya niama ya kufwa mpe fukaka bawu. Menga zolaka baka kisika ya yawu. Yina sukisaka nganzi ya Yandi, Yandi monaka menga mpe vutukaka manima, samu ti kima mosi basisaka menga ya luzingu ya yawu. O Nzambi!

<sup>96</sup> Beno banza na yawu! Kima kaka yina ke vutula Nzambi manima kele Menga. Mpe ya kele kaka na Menga mosi yina ke salaka Yandi kuvutuka manima, mpe ya kele ya Mwana ya Yandi Mosi. Ntangu Yandi ke mona ti ya kele Menga ya Mwana ya Yandi Mosi, Yandi ke vutuka manima. Samu ti yina kele dikabu yina kele. . . Nzambi pesaka na Mwana ya Yandi, samu na kuvulusa bayina Yandi zabaka ntete, mpe ya ke vutula Nzambi na lufundusu ya Yandi. Kasi ntangu ba ke katula Menga yina, mpe ti bayina nyonso kuzabanaka ntete ba me bokila bawu na kati ya Nzutu ya ntalu yina, ti Dibuundu ya Yandi me yilama mpe me mata, kuna nganzi ya Nzambi kele na zulu ya bantu.

<sup>97</sup> Oh, mpangi, kuzola ve kutelama kuna! Ti mu telama na ntwala ya masini ya munduki, ti ba zenga munu na bitini-bitini, ti ba zenga munu na scie santimetele na santimele, ti nyonso kusalama (mutindu ndefi ya Binati-mpunda ya Colomb), ti bawu zibula kivumu ya munu mpe kuyoka souffre mpe nyonso yankaka na kati ya munu, mpe ti bawu zenga munu maboko mpe makulu, nyonso yina ya lendaka vwanda, kasi *ata mbala mosi* ti mu telama na Kiti ya kimfumu ya Mpembe ya Lufundusu na ntwala ya Nzambi.

<sup>98</sup> Oh, ti mu baka mwa kiti ya kimfumu yayi *awa* na ntwala ya kiti ya Klisto mpe kundima Menga ya Yandi. Mu ke nata kima ve na maboko ya munu, Mfumu.

Mu zaba yinto yankaka ve,  
Kima yankaka ve kasi Menga ya Yesu. (Yawu  
yina nyonso mu zaba.)

Yayi kele kivuvu mpe ntelamanu ya munu,  
Kima yankaka ve kasi Menga ya Yesu.

<sup>99</sup> Kukondwa ntembe ti Eddie Perronet. . . ba mangaka minkunga ya yandi. Ntangu yandi kumaka Muklisto, Muklisto ya kukwikama, bantu zolaka ve kusumba minkunga ya yandi. Kilumbu mosi yandi tubaka, “Mu ke sonika mosi, mpe kilumbu mosi. . . ti bawu ke ndima yawu.” (Mpe bantu vwandaka sosa kima ya kulutula kilumbu na minkunga ya nsambulu.) Kilumbu mosi kuna Mpeve-Santu simbaka yandi, mpe yandi bakaka biki mpe yandi sonikaka:

Ti muntu nyonso kukembisa ngolo ya Nkumbu  
ya Yesu!  
Ti bawanzio kufukama;  
Beno nata yimpu ya kintinu,  
Mpe beno byadisa Yandi Mfumu ya bamfumu.

Samu ti na zulu ya Klisto, Ditadi ya ngolo, mu  
me telama;  
Bisika nyonso yankaka kele zyelo ke dyamisa,  
Bisika nyonso yankaka kele zyelo ke dyamisa.

<sup>100</sup> Kana ti ya kele dibuundu, kana ti ya kele nkundi, kana ti ya kele mbeni, kana ti ya kele yinsi, kana ti ya kele bimvwama, kana ti ya kele bumputu, kana ti ya kele mbote, to nyonso yina ya kele, ntoto nyonso yankaka kele zyelo ke dyamisa! Ya kele kaka kima yina, na nsuka ya ke zimbana. Kasi:

. . . Klisto, Ditadi yina ya ngolo, mu me telama;  
Bisika nyonso yankaka kele zyelo ke dyamisa.  
(Beno zimba yawu na dibanza.)

<sup>101</sup> Beno tala! Beto kwenda na Lévitique 16, mpe beto tanga na manima, kuna na manima ya Biblia awa, na misiku ya Bulevi, mpe kumona awa na Lévitique—Lévitique kapu 16. Mpe kubanda na nzila ya 14 ya kapu 16. Oh, mu—mu ke zolaka kubaka ntangu ya munu na zulu ya bima yayi, kulakisa yawu. Lévitique makumi yiya- . . . to Lévitique 16:14.

*Mpe yandi ke baka ya menga ya ngombe ya bakala, mpe ke mwangisa yawu na musapi ya yandi na zulu ya kiti ya kyadi (Na zulu ya kiti ya kyadi! Beno tala mbote, beto ke kota na yayi na manima ya mwa ntangu fyoti.) . . . na lweka ya esete; . . .*

<sup>102</sup> Beno zimbana ve mpova yina “Na lweka ya esete!” Wapi kisika Yesu ke katuka? Na Esete, na dituti ya Nkembo. Wapi kisika m-w-i-n-i ke vumbukaka? Na Esete. Wapi kisika M-w-a-n-a ke vumbuka? Na esete. Wapi kisika vwandaka kiti ya kyadi? Na lweka ya esete. Samu na yinki mu me vwandisa beno nyonso na lweka yayi ya esete? Samu na yinki? Autel kele na esete. Beto ke mona yawu na manima ya ntangu fyoti, mutindu kitoko mingi ya kele, mu ke fikula yawu. Mu lombaka na bantu mingi mutindu mu lendaka na kunata mikanda mpe nyonso yankaka, samu na kuzwa bifikulu yayi na baminuti fyoti. Mbote mingi:

*. . . ke mwangisa yawu . . . na lweka ya esete; mpe na ntutu ya kiti ya kyadi yandi ke mwangisa . . . menga na musapi ya yandi bambala sambwadi.*

<sup>103</sup> Oh, ya kele kitoko ve? “Bambala sambwadi na lweka ya esete.” Yinki ya kele? Menga ke fuka Bansungi Sambwadi ya Dibundu. Alleluia! Menga ya Yesu Klisto kele kaka ya kulunga na yawu, mazono, bubu yayi, mpe kukondwa nsuka, mpe samu na konso nsungi, samu na kuvulusa musumuki nyonso, belusa konso muntu ya kubela, nungisa konso kimangu, konso kidimbu. “Bambala sambwadi,” ntama kuna na Ngwisani ya Ntama, bankama kumi na yiya mpe makumi yivwa ya bamvula ntete Klisto kwiza. Beno banza na yawu! Kidimbu, “bambala sambwadi ke . . .”

*Na manima yandi ke kufwa nkombo ya bakala . . . na munkayulu ya disumu, ya kele samu na bantu, mpe ke nata menga ya yandi na . . . na kati ya vwale, kusala na menga yina mutindu yandi salaka na menga ya ngombe ya bakala, . . . mpe ke mwangisa yawu na zulu ya kiti ya kyadi, mpe na ntwala ya kiti ya kyadi:*

*Mpe yandi ke sala kukatula-masumu na kisika ya santu, samu . . . na mvindu ya bana ya Israel, mpe samu na masumu ya bawu na bayimbi ya bawu nyonso: mpe yandi ke sala mutindu mosi samu na tabernacle ya dibuundu, yina ke zingaka na kati-kati ya bawu ya kele na kati-kati ya —ya mvindu ya bawu.*

104 Yinki ya vwandaka? “Kiti ya kyadi.” Wapi kisika ya kele ntangu yayi? Mpe kuna na kati ya nzasa vwandaka na yinki? Musiku. Mpe na musiku, kufwa lutumu mosi vwandaka kufwa kukondwa kyadi. Kasi na yina ti beno zolaka kuzwa kyadi, menga zolaka vwanda na zulu ya autel. Ba vwandaka mwangisa menga na kiti ya kyadi. Mpe kiti ya kyadi kele autel kisika beno ke fukamaka mpe ke lombaka kyadi. Nzambi ke manga ti beto katula yawu na mabuundu ya beto, autel ya mutindu ya ntama kisika bantu vwanda fukamaka mpe ke lomba kyadi ya Nzambi. Mpe kyadi kele kimvwama, mpe ke basikaka ya mpamba katuka Menga ya Mfumu Yesu. Ntangu yayi, mpe, yina kele kyadi. Ya kele kiti ya kyadi.

105 Kasi beno ke tala awa, ti ya vwandaka ve kiti ya kyadi, samu ti ya vwandaka na “bansemo mpe banzasi mpe bandinga.” Ya kele ve na bansemo mpe banzasi na lemvo. Yina kele lufundusu.

106 Beto baka Exode, kapu 19 ya Exode mpe nzila ya 16. Exode, kapu 19 ya Exode, mpe beto banda na nzila ya 16:

*Mpe ya salamaka . . .*

Beno kuwa yina . . . ntangu Nzambi kulumukaka na zulu ya Mongo ya Sinai:

*Mpe ya salamaka na kilumbu ya tatu na suka, ti ya vwandaka na bansasi . . . nsemo, mpe dituti ya nene na zulu ya mongo, mpe ndinga ya mpungi vwandaka kieleka ngolo; (Yinki kele ndinga ya mpungi? Ya kele archange.) na yawu ti bantu nyonso yina . . . (Beno kuwa!) . . . bantu nyonso . . . vwandaka na camp kutekitaka.*

107 “Lufundusu!” Fiou! Bawu tambulaka kuna mpe Nzambi pesaka bawu lemvo ya kuluta, kasi bawu lombaka musiku. Bawu . . . Nzambi zolaka ti bawu kuvwanda dibuundu yina ke yambaka muntu nyonso; bawu zolaka kusala denomination na yawu, kima ba zolaka tula ntembe, na kisika ya kulanda kaka Nzambi mpe kuzinga na yisi ya lutumu ya Yandi, na yisi ya ngolo ya Yandi. Lemvo pesaka profete, lemvo pesaka kukatula-masumu (mwana-dimeme), lemvo pesaka bima nyonso yayi, mpe

dyaka bawu zolaka lufundusu. Ba vwandaka zola kima bawu zolaka sala.

108 Nzambi tubaka, “Tula bawu kintwadi, Mu ke sala bawu kuzaba yinki ya kele. Mu ke lakisa bawu yinki ya kele.” Beno tanga! Beno kuwa! Mpe ndinga ya mpungi vwandaka kuma nene mpe nene ti ya ningisaka ntoto. Beno me mona yina lufundusu kele. Mu zola yawu ve. Beno pesa munu lemvo!

109 [Mpangi Fred Sothmann me tuba, “Mpangi Branham?—Mu.] Mpe. . . [Mpangi Branham?”] Inga? [“Yinki vwandaka Disonuku ya nsuka yina—yina nge me tanga?”] Ya vwandaka Exode, kapu 19 mpe nzila ya 16, Mpangi Fred. Exode 19:16.

110 Ntangu yayi, beno tala nzila ya 17:

*Mpe Moïse kubasisaka bantu na camp samu na kukutana. . . Nzambi; (Oh, la la! Mu zola kukutana na Yandi na ngemba, mutindu yina ve.) mpe bawu kutelamaka na yisi ya mongo. (Ntama.)*

111 Beno bambuka moyo, mongo yina vwandaka na bandilupene ya yawu. Ata kana ngombe simbaka mongo yina, yandi zolaka kufwa kaka kuna, yandi zolaka kwiza ve na Mvwandulu ya Nzambi. Mpe Nzambi. . . “Mpe Moïse kubasisaka bantu.”

112 Ntangu yayi, nzila ya 18, nzila yina ke landa:

*Mpe mongo ya Sinai vwandaka nyonso. . . mulinga, samu ti MFUMU kukulumukaka na tiya: . . . (Vwandaka pesa kaka mulinga mpe vwandaka ke yokama mutindu dibulu ya tiya.)*

113 Na yinki Yandi kukulumukaka? Na Nkembo ya Yandi ya Shekinah ve, kasi na kati ya nkele ya balufundusu ya Yandi.

*. . . mpe mulinga ya yawu vwandaka mata mutindu mulinga ya dibulu ya tiya, mpe mongo ya muvimba kuninganaka na ngolo. (Mpangi, mu ke zola ve kuvwanda kuna!)*

*Mpe ntangu ndinga ya mpungi kuwakana yinda, mpe kumaka nene mpe nene, Moïse kuzonzaka, mpe Nzambi pesaka yandi mvutu na ndinga. (Moïse kuzonzaka; bantu ve, bawu vwandaka tekita.)*

*Mpe—mpe MFUMU kukulumukaka na zulu ya mongo ya Sinai, na zulu ya mongo: mpe MFUMU kubokilaka Moïse na zulu ya mongo; mpe Moïse kumataka.*

*Mpe MFUMU kutubaka na Moïse, Kulumuka, mpe pesa balutumumu na bantu, na boma ti bawu kukwiza tii na MFUMU na kutalaka, mpe ti mingi ya bawu kufwa.*

114 [Kisika ya mpamba na bande—Mu.] Bantu ke vwanda kuna na manima ya dibuundu mpe ke seka muntu ke zonga na bandinga, to ke bina na Kimpeve; yimeni, kuvweza Mpeve-Santu, me tulama kidimbu ya kukondwa nsuka! “Muntu nyonso

yina ke zonza dyambu na kuteleminaka Mpeve-Santu ba ke lemvokila yandi ata mbala mosi ve na yinza yayi, to dyaka na yinza ke kwiza.” Beno vwanda kaka ve na kutalaka Yawu! Beno vwanda ntama na Yawu to beno ndima Yawu!

115 Beto ke sala mbote na kubika Disonuku yina. Beno landila na kutanga yawu, yina me bikana ya yawu, beno me mona yina Nzambi tubaka. Mpe bantu tubaka, “Oh, Moïse, ti nge zonza. Kubika ve Nzambi kuzonza dyaka! Beto ntangu yayi ke zola ti beto zolaka lomba yina ve.” Beno me mona? “Ti nge zonza na beto, Moïse. Ti Nzambi zonza, beto nyonso ke kufwa.” Beno me mona, Nzambi salaka kukatula-masumu.

116 Ntangu yayi, “Ndinga ya Kiti ya kimfumu.” Beno tala na Kiti ya kimfumu yayi, “ntete Kiti ya kimfumu kuvwanda bambwetete sambwadi,” Ndinga ya bambwetete. “Bandinga,” beno me mona. Ya vwandaka na mingi na kati ya Apocalypse 4 awa, to 5, beto monaka, “Mpe na ngaanda ya Kiti ya kimfumu vwandaka basika bansemo, banzasi, mpe bandinga.” Ndinga *mosi* ve; “bandinga,” mingi. Yinki ya vwandaka? Nzambi vwandaka zonza na dibuundu, na kutalanaka Yandi mosi na nzila ya Bampeve sambwadi. Ntangu muntu ya kukusa ya kieleka ya Nzambi ke zonza, ya kele Ndinga ya Nzambi! Kumanga Yawu kele kukatula minda. Beno me mona? “Bandinga,” Ndinga ya Bansungi Sambwadi ya Dibundu (awa na nsongi), bandinga na kuzonzaka na banzasi mpe bansemo.

117 Bubuy yayi ya kele mutindu mosi, “Mbote, beto ke kwikilaka ve na kutuba ‘difelo’ na chaire.” Oh, kyadi! Na yina blah! Hmm! Beto kele na nsatu ya bantu ya Nzambi, bantu yina lenda vwanda na boma ve!

118 Ntangu yayi, muntu nyonso ve lenda vwanda mulongi, kasi beno kele na ndinga. Mpe kana beno lenda longa ve bantu dilongi. . . Kana beno kele mulongi, ba me bokila beno na chaire na kulonga. Kana beno kele na yawu ve, beno kele dyaka mulongi, kasi *zinga* dilongi na bantu. Ti dilongi ya beno kuvwanda *luzingu*, mpe ya vwanda Ndinga ya Nzambi yina ke nata nsoni na bayina ke manga Yawu. Ba ke tuba, “Muntu ve lenda tula musapi na luzingu ya bakala yina to kento yina. Ba kele bantu ya mbote, ke na kuzingaka. . . Bawu. . . Kana ya me vwandaka ntete na muntu ya Nzambi, ya kele bakala yina to kento yina.” Beno me mona, beno zinga malongi ya beno. Beno meka ve na kulonga bawu kana ba me bokilaka beno ve na kuvwanda mulongi; beno ke kota na muvusu, na mutindu nyonso, mpe na poto-poto, mpe beno ke kotisa bantu na poto-poto, mpe beno ke zaba ve. . . Mbote, beno ke—nge ke bebisa bawu mpe beno mosi, mpe. Beno zinga kaka dilongi ya beno!

119 Ba ke lomba na mulongi na kulonga mpe na kuzinga dilongi ya yandi mpe. Kana beno lenda ve kuzinga Yawu, na yina beno bika kulonga Yawu. Kasi beno fwana kuzinga malongi ya beno.



120 Mbote mingi, awa vwandaka “bandinga.” Oh, mutindu beto kele na nsatu ya mafunda ya bandinga ya moyo na Jeffersonville, kidumu ya Nzambi na kudumaka na mambote mpe busantu, kuvedisa, baluzingu ya kuvedila, na kutambulaka na ntoto bubu yayi, kukondwa kifu. Yinga, tata, Miklisto ya kieleka, ya kele nzasi ke telemina mbeni. Dyabulu ke kipeke ve mutindu ngolo beno lenda looka; dyabulu ke kipeke ve bambala yikwa beno lenda dumuka to bambala yikwa beno lenda sala *yayi* to kuboka. Kasi yina ke salaka dyabulu mpasi kele kumona luzingu ya kusantisa, ya santu ya kupesama na Nzambi; kana ba tuba kima na yandi, kubokila yandi nyonso, yandi ke vwanda kaka mbote mutindu yandi lendaka vwanda mpe ke landila na kutambula. Oh, la la! Yina ke losa yandi ntama, yina kele nzasi yina ke ningisaka dyabulu.

121 Kaka mutindu, “Mbote,” beno ke tuba, “kana yandi lendaka longa mutindu Billy Graham to Oral Roberts, to muntu yankaka, mulongi ya kuzabana, yandi ke vwanda . . .” Oh, ve! Bantangu yankaka dyabulu ke sekaka kaka na yawu. Yandi ke kipeke ata fyoti ve na yawu mutindu ata kima mosi. Beno ke kuzwa nyonso ya théologie—ya théologie yina beno ke zola kuzwa mpe kulongoka nyonso ya seminere, mpe dyabulu ke vwanda kaka na manima kuna mpe ke seka na yawu. Kasi ntangu yandi ke mona Luzingu yina!

122 Beno tala na bilandi yina kuna, mwana ya kuyala na mpeve ya yimbi yina kilumbu yina na kimbevo ya nzyeta, bawu tubaka, “Basika na yandi, dyabulu! Basika na yandi, dyabulu! Basika na yandi, dyabulu!”

123 Dyabulu ya kuvwanda kuna, kutubaka, “Ntangu yayi, beno ke na kutalisaka beno mosi ve nsoni? Ntangu yayi, beno me mona yina beno ke na kusalaka? Yesu tubaka na beno, Yandi tumaka beno, na kubasisa munu. Ata mosi ya beno lenda sala yawu.”

124 Kasi, mpangi, ntangu bawu monaka Yandi kukwiza, Mosi kubelama na malembe. Uh-huh. Oh, la la! Yandi zolaka tuba kima ve. Dyabulu yina vwandaka yimeni na boma kaka kuna. Yandi zabaka ti yandi zolaka kwenda, kieleka, samu ti kuna kwizaka Luzingu; kaka dilongi ve, kasi Luzingu. Yandi tubaka, “Basika na kati ya yandi.” Oh, la la! Yina sukisaka yawu! Na malembe; Yandi zabaka yina Yandi vwandaka zonzila, Yandi zabaka yina Yandi vwandaka sala.

125 Ntangu yayi, “Bandinga,” bandinga ya bampungu sambwadi, vwandaka bandinga ya bambwetete sambwadi, minati-nsangu sambwadi. Kasi ntangu yayi beno tala mbote awa:

*. . . mpe . . . minda sambwadi . . . na ntwala ya kiti ya kimfumu, ya kele Bampeve sambwadi ya Nzambi.*

126 “Minda sambwadi.” Beto fikula fyoti awa, Kiti ya kimfumu, kisika ya santu, dibuundu. Mpe kaka awa vwandaka (mosi, zole, tatu, yiya, tanu, sambanu, sambwadi) bambwetete

sambwadi, minda sambwadi, minati-nsangu sambwadi, Bampeve sambwadi; ya ke zola kutuba nyonso ve ti Nzambi kele na kati ya Bampeve sambwadi, kasi “bakumonisama sambwadi ya Mpeve-Santu mosi.”

<sup>127</sup> Wapi kisika kele Mpeve-Santu? Awa na Kiti ya kimfumu, ke sema na mosi na mosi ya nsungi ya dibuundu. Nsungi *yayi* ya dibuundu ke talisa na mutindu *yayi*, bandinga ya Nzambi, Yesu Klisto mutindu mosi mazono, bubu yayi, mpe kukonda nsuka. Beno me mona, sambwadi, ya vwandaka “bandinga.” “Mpe minda sambwadi ya tiya,” Bampeve sambwadi, “yina kele Bampeve sambwadi ya Nzambi.”

<sup>128</sup> Beno bambuka moyo na mwa Balumingu me luta beto kumaka kuna na yawu, na diama ya nene? Mpe ya kele ya kuzenga na mutindu ya kuswaswana samu na kulakisa tiya mpe minda ya yawu. Ya kele mutindu yina, “Yesu Klisto kele mbandukulu ya luvangulu ya Nzambi,” Apocalypse 1. Ya kele kieleka? Na yina na wapi ntangu Nzambi kuvangamaka? Yandi kele mbandukulu ya luvangulu ya Nzambi. Mpe Nzambi kele Seko. Ya kele kieleka? Kasi ntangu Nzambi kuvangamaka . . . ntangu kivumu ya bébé yina kusalamaka na kivumu ya mama, mwense. Mpe yandi bandaka na kukulisa ba-cellule yayi na kati ya yandi samu na kubuta mwa bébé yayi, yina vwandaka mbandukulu ya luvangulu ya Nzambi, “Samu ti Nzambi kumaka nsuni mpe zingaka na kati-kati ya beto, mpe kumaka *Emmanuel*, ‘Nzambi na beto,’ mbandukulu ya luvangulu ya Nzambi.”

<sup>129</sup> Na yina na Musanga ya nene yina basikaka na fundu-fundu . . . samu ti ba salaka Yandi na fundu-fundu. Ya kele kieleka? Yandi kudyaka madya mutindu mu ke salaka, Yandi kudyaka madya mutindu beno ke salaka. Yina, fundu-fundu ya nzutu, Yandi kumaka calcium, potasse, pitilojo, nsemo ya yinza, kasi na kati ya Yandi kuzingaka Nsemo ya Seko. Kukondwa ntembe ti bantu ya ndwenga tubaka na Mbwetete, “Ntwadisa beto na Nsemo ya nge ya kulunga.”

<sup>130</sup> Bawu vwandaka lakisa kaka Nsemo ya Nsemo ya kulunga. Mpe kuna Yandi vwandaka, Nsemo ya kulunga ya Nzambi, mbandukulu ya luvangulu ya Nzambi. Ntangu yayi, na kati kuna vwandaka Yandi . . .

<sup>131</sup> Wapi mutindu Yandi zolaka lakisa Yandi mosi na bambwetete ya Yandi na ntoto, na manima bantu ya ndwenga kumonaka Yandi na Mazulu, mpe bawu kukuma bampeve ya nene awa na zulu ya ntoto? “Yandi lwalaka (Diama ya nene, ba zengaka) samu na masumu ya beto, kubebaka samu na masumu ya beto ya nko, kitumbu ya ngemba ya beto kubwaka na zulu ya Yandi, na bamputa ya Yandi beto kubelukaka.” Yinki Yawu vwandaka sala? Kulakisa!

<sup>132</sup> Muntu nyonso yina ke tuba kele kisadi ya Nzambi, yina ke manga kubeluka ya Nzambi mpe ngolo na Yandi, ke na kuzwaka

ve nsemo ya yandi na Diama yina, ke na kuzwaka ve nsemo ya yandi na Kiti ya kimfumu yina. Samu ti Yawu ke lakisa Yandi mutindu mosi mazono, bubu yayi, mpe kukonda nsuka na nzila ya bambwetete sambwadi mpe Bansungi Sambwadi ya Dibuundu.

<sup>133</sup> Oh, lukumu na Nzambi! Mu banza ti ya kele ya kulunga na mulongi na kusambila Nzambi na chaire, na kuvutulaka matondo mpe lukumu mpe buzitu mpe lenda. Oh, mutindu kieleka, mutindu ya ke ningisa kaka moyo ya munu na mutindu ti mu ke kuwa mutindu mu lendaka boka, mpe kukima mpe kudumbuka na zulu mutindu mu lendaka dumuka, samu ti ya kele na Kima na kati ya munu yina me soba munu na yina mu vwandaka. Mu kele ve yina mu fwana vwanada, mpe ve yina mu zola kuvwanda, kasi mu zaba ti mu me soba na yina mu vwandaka. Kima mosi me salama, kima mosi me baka kisika!

<sup>134</sup> Mpe kutelama awa mpe kumona Ndinga yayi ya Seko yina me komba kitembo nyonso! Ntangu bawu mekaka na kuyoka Babiblia mpe nyonso, Yawu kombaka kaka mutindu mosi, samu ti Yawu ke tuba, “Mazulu mpe ntoto ke luta, kasi Ndinga ya Munu ke luta ata mbala mosi ve.”

<sup>135</sup> Awa pene-pene ya Chicago ntangu yayi, mpe Biblia mosi—mosi kele na zulu ya chaire ya dibuundu mosi. Ntama mingi na ntwala ya Mvita ya Ntete ya Yinza, missionnaire mosi vwandaka na yawu mpe muntu mosi kundimaka, mpe yandi vwandaka zola kupesa missionnaire Biblia ya yandi, yandi tubaka, “Mu lenda ve kupesa nge yayi, mama ya munu pesaka munu yayi.” Yandi tubaka, “Munu, ntangu mu ke vutuka na yinzo, mu ke tinda nge mosi.”

<sup>136</sup> Yandi bandaka kuna na kusabuka mubu mpe sous-marin ya Allemagne bulaka masuwa yina. Bawu monaka ata fyoti ve kitini ya yawu. Mpe bamvula zole na ntwala, ntama na simu, bawu monaka sanduku mosi ke kukwiza. Bayankaka ya bawu vwandaka banza ti ya vwandaka kima yina dyamaka, mpe na yawu bantu zole yina vwandaka tambula, bawu bakaka sanduku mpe zibulaka yawu. Mpe na kati kuna, kima yina kaka vuukaka, ya vwandaka Biblia yina yandi vwandaka fidisaka na missionnaire. Ya kele na zulu ya chaire awa pene-pene ya Chicago bubu yayi, na dibuundu mosi ya ba-Méthodiste. “Mazulu mpe ntoto ke luta, kasi Ndinga ya Munu ke luta ata mbala mosi ve.”

<sup>137</sup> Na ntangu ya kufuluka ya maza awa, na mvula 1937, mwa dibuundu yayi ya ntama, ntangu ya vwandaka ya ntoto mpe nyonso yina vwandaka na yawu, beno zolaka tambula na zulu ya yawu awa na—na bwatu. Maza kumataka. Mpe, mbote, na nkokila yina ntangu mu longaka Nsangu ya mbote mpe mu bikaka Biblia ya munu ya kuzibuka na chaire ntangu mu kwendaka na yinzo; mu zabisaka na ntwala ti maza ke fuluka,

Mu tubaka, “Mu me mona yawu kuteza bametele sambanu na ndambu na yinda na zulu ya Spring Bala-bala awa.”

138 Mpangi ya kiboba ya bakala Jim Wiseheart mpe bayankaka vwandaka seka munu. Nge ke bambuka moyo na yawu, Mpangi George? Mu tubaka. . . Yandi—yandi tubaka, “Oh, Billy, na mvula 1884 ya vwandaka kaka pene-pene ya basantimetele sambanu na zulu Spring Bala-bala.”

139 Mu tubaka, “Mu me mona muntu kukulumuka na mazulu, mpe me baka nkawa mosi mpe me kotisa yawu na Spring Bala-bala, me tuba bametele sambanu na ndambu na yinda.”

Yandi tubaka, “Nge kele kaka na ntima na zulu.”

Mu tubaka, “Mu kele ve na ntima na zulu! Ya kele MUTINDU ME TUBA MFUMU!”

140 Beno yufula bawu bametele yikwa ya vwandaka yinda na zulu ya Spring Bala-bala. Bametele sambanu na ndambu! Kieleka.

141 Mpe Biblia yango ya ntama na yina ba longilaka na nkokila yina. . . Ya bandaka na kunoka, maza kufulukaka mpe nyonso, mpe dibuundu ya ntama yayi. . . Bakiti kwendaka mbala mosi na zulu na plafond, Biblia kwendaka mbala mosi na plafond, nyonso kumataka awa na nzila ya maza yina vwandaka nata yawu na zulu. Chaire kwendaka mbala mosi na zulu. Mpe nyonso kukulumukaka; mpe kiti nyonso kuvutukaka na kisika ya yawu, mpe Biblia vutukaka kaka na kisika ya yawu, mpe ata maza nyonso yina, mpe ya vwandaka dyaka ya kuzibuka, na kapu mosi na kisika mosi.

142 “Mazulu mpe ntoto ke luta, kasi Ndinga ya Munu ke luta ata mbala mosi ve.”

143 Wapi mutindu Biblia yina kuzyetaka na zulu ya maza ya mungwa yina bamvula zole kukondwa mpe kubebisa bampova ya Yawu! Ndinga ya Nzambi kele kieleka. Amen.

144 Mu ke bambuka moyo na manima ya yawu, Mpangi ya kiboba ya bakala Jim Wiseheart kusepelaka mingi na yawu, ntangu nyonso yina yandi vwandaka tala mpasi na diboko ya yandi. . . Yandi kuzwaka mwa mutindu mosi ya mpasi ntangu yandi kumaka na bamvula makumi sambwadi na tanu, yandi kumaka na rhumatisme. Mpasi zolaka sala tii *awa*, yandi vwandaka kima na kuzwa Biblia, mpe vwandaka zibula yawu, vwandaka tula yawu kuna, mpasi yankaka vwanda na yisi *awa*. Mu kwendaka kuna kilumbu mosi mpe yandi vwandaka na Babiblia mingi na zulu ya yandi ti mu vwanda lenda ve kumona Mpangi Jim, yandi vwandaka kaka na Babiblia na zulu ya yandi! Yandi tubaka, “Ya kele nsilulu ya Nzambi!” Kaka yina.

145 “Mazulu mpe ntoto ke luta, kasi Ndinga ya Munu ke luta ata mbala mosi ve.”

146 Beno bambuka moyo na kiboba yina vwanda kwizaka mpe vwanda monaka munu. Mpe ata mosi ya bantu ya yandi kele awa mu banza ve. Mpe mu vwanda sadisaka yandi fyoti, beno zaba, mingi, samu ti yandi vwandaka kiboba mpe vwandaka na nsatu ya mbongo mpe yandi vwanda kulumuka. Yandi tubaka... Kilumbu mosi mu vwandaka kwenda na Canada, mu balukaka, mu kwendaka kaka kuna na mwelo, mpe yandi tubaka, “Billy, mwana ya munu ya bakala, mosi ya bilumbu yayi nge ke vutuka mpe kiboba ya Ta Jim ke vwanda dyaka ve na nzila yayi awa.” Yina vwandaka mbala ya nsuka. Ntangu mu vwandaka na Canada, mu kuzwaka télégramme; yandi kufwaka kuna na maboko ya Mpangi-kento Morgan. Ntima kangamaka yandi, mpe ba nataka yandi na nswalu na lupitalu, yandi talaka mpangi ya kento mpe kufwaka.

147 Mpangi-kento Margie, yandi kele awa na suka yayi? Yandi ntangu nyonso ke kwizaka. Beno nyonso zaba. Mosi ya mambu ya nene ya cancer kuna na Lupitalu ya ba-Baptiste ba tubaka yandi kufwaka bamvula kumi na sambwadi, ya kusonama na Dispensaire kuna, ti “kufwaka na cancer,” bamvula kumi na sambwadi me luta. Yandi ke zingaka na numelo 412 na Avenue Knobloch, ke salaka mutindu infirmiere ya kento na lupitalu awa. Oh, lemvo ya ngitukulu, mutindu mbote ya ke wakana!

148 Jim Tom Robertson, zuzi na Louisville, mpe beto nyonso zaba Jim Tom. Yawu yina nataka yandi na kukwikila na Nsangu yayi, yandi kwendaka kuna. Mpe tata ya yandi kele mosi ya bamfumu ya bantu yina kele kuna na lupitalu yina. Yandi kwendaka kuna mpe sosaka yawu, samu na kuzaba kana ya vwandaka kieleka ti yandi vwanda kufwa na cancer, mpe ti ba yambulaka yandi mpe fidisaka yandi na yinzo, mpe bawu banzaka landila yina bawu zabaka yandi vwandaka yimeni ya kufwa. Mpe tata ya yandi kusosaka yawu, mpe ya vwandaka kieleka. Mpe Jim Tom tubaka, “Ya kele luvunu; yandi kele ya kuvwanda awa na ntangu yayi, mu lendaka nata nge na yandi.”

149 Oh, oh, Yandi—Yandi kele Nzambi ya kieleka, Yandi kele ve mutindu yina? Mu ke na kyese mingi ti Yandi lenda tala na zulu ya bafoti ya beto, mutindu yina ve? Ya ke salaka beto kuzola Yandi na ntima ya beto nyonso.

150 Bakiti ya kimfumu, bansemo... Yinki? “Minda sambwadi,” to minda, to bambwetete sambwadi, yina ba ke bokilaka “Bampeve sambwadi,” na kuzolaka kutuba bakuta... bakumonisama sambwadi ya Mpeve-Santu ya Bansungi Sambwadi ya Dibuuundu na bakiti sambwadi ya kyadi samu na bantu. Bawu yayi: bakiti sambwadi ya kyadi, bakiti sambwadi, mabuundu sambwadi, bambwetete sambwadi, bakumonisama sambwadi, Bampeve sambwadi, minda sambwadi. Oh, la la, mutindu Nzambi kele ya kulunga mingi! Konso...

151 Ya kele na banumelo ya Biblia; banumelo ya Biblia kele kima ya kulutila kulunga yina kele na zulu ya ntoto. Beno lendaka kuzwa foti mosi ve kubanda Genèse na Apocalypse, na banumelo ya Biblia. Ya kele ve na kitini ya mukanda ya kusonama yina beno lendaka kuzwa ve foti ntete beno tanga banzila tatu; kasi ve na Bi- . . .

152 Bawu vwandaka meka bamvula bankama zole na kubwela flaze mosi na Kisambu ya Mfumu, to kukatula kima na Yawu. Ya kele ya kulunga! Ba lenda bwela dyaka ve to dyaka kukatula kima na Yawu. Bawu vwandaka banza ti bawu zolaka sala kisambu mwa mbote mingi. Bawu ke meka na kukomba *yayi* na kati ya Yawu, mpe kutula *yina* na kati ya Yawu, to kukatula *yayi* na Yawu; ya kele kaka mbote ve. Beno me mona, Ya kele ya kulunga! Banzila nyonso ya Nzambi kele ya kulunga.

153 Na yawu beto kele ya kulunga ve, kasi Yandi tubaka “Beno vwanda ya kulunga mutindu Tata ya beno na Mazulu kele ya kulunga.” Wapi mutindu beto lendaka vwanda yawu? Na nzila ya Menga ya ntalu ya Yesu Klisto, na kuzimbana beto mosi mpe kuzinga kaka na kati ya Yandi. Beno bawu yayi. Mutindu ntalu Yawu kele!

154 Mbote mingi, nzila ya 6 ntangu yayi kana beto kota na yawu. “Minda sambwadi.”

*Mpe na ntuala ya kiti ya kimfumu . . .vwandaka na mubu ya galasi mutindu na kitala-tala: mpe na kati-kati ya kiti ya kimfumu, mpe na ziunga ya kiti ya kimfumu, vwandaka na bibulu yiya ya kufuluka na meso na ntuala mpe na manima. (Oh, la la! Beno tala yayi!) . . .bibulu yiya ya kufuluka na meso—ya kufuluka na meso na ntuala mpe na ma- . . . (Ntangu yayi, beno vingila.) . . . na ntuala ya kiti ya kimfumu . . .vwandaka na mubu ya galasi mutindu na kitala-tala: mpe na kati-kati ya kiti ya kintinu, vwandaka yiya . . .mpe . . .ziunga ya kiti ya kimfumu, vwandaka na bibulu yiya ya kufuluka na meso na ntuala mpe na manima.*

155 Ntangu yayi, “mubu ya galasi.” Beno bayina ke . . .Mu kele . . .Yayi awa kele mingi kidimbu ve, kasi mu zola kukusuna yayi minuti mosi. Ntangu yayi, ntangu yayi beto zola kaka kulunguka awa mwa fyoti. Mubu ya galasi kele kidimbu ya kima na tempelo ya ntama, samu ti Nzambi tumaka Moïse na kutunga tempelo na ntoto mutindu yandi monaka Yawu na mazulu. Muntu nyonso zaba yawu. Mbote mingi.

156 Mpe beno bika munu kufikula kaka mwa fyoti awa, na kutuba, *awa* vwandaka nzasa na Ngwisani ya Ntama, mbote mingi, kima ke landa, ba vwandaka bokila yawu, “Kisika ya kulutila santu na ya kulutila santu.” Mpe kisika yina vwandaka landa awa vwandaka autel, ba vwandaka bokila yawu “kisika ya santu.” Mpe kaka na ntuala *awa* vwandaka na “mubu ya

kisengo,” ba ke bokila. Na bampova yankaka, ya vwandaka kisika munkayulu . . . ba vwandaka sukula—vwandaka sukula munkayulu awa ntete ti bawu ndima . . . na autel; na autel ya kisengo, to autel ya mutaku kisika ba vwandaka yoka munkayulu.

<sup>157</sup> Ntangu yayi, beto zola kutala mbote yayi awa kisika . . . kisika ya vwandaka. Mpe, ntangu yayi—ntangu yayi, na mubu yayi ya galasi . . . vwandaka na ntwala ya Kiti ya kimfumu mpe na ntwala ya kisika ya santu. Kaka . . . Ntangu yayi beno bambuka moyo, minda sambwadi ya wolo ya kutula *awa* mutindu yayi, mpe ke kwizaka na ndonga ya nene. Beno me mona? Ntangu yayi, ya kele yina ke lakisa nsemu ya kisika ya santu *awa*. Ntangu yayi, kana beno . . . ve, beno kele ve na nsatu ya kusonika yawu kana ti beno zola kaka, kasi yina kele . . . Mu ke na kima yankaka awa yina munu mosi kufikulaka, na yina mu zola kuzonzila beno. Kasi ntangu yayi, beno me mona, *yayi* vwandaka ya kubokila mubu ya kisengo; ya vwandaka nene mingi ve, ya vwandaka ya kutula na kutala na kati ya tempelo. Ya vwandaka na kutala pene-pene mutindu *yayi* awa, ya vwandaka mubu ya kisengo, ya vwandaka ndonga ya nene yina ba salaka na kisengo kisika ba vwandaka sukula munkayulu. Ntete ti ba yoka munkayulu to ba ndima yawu, ba zolaka sukula yawu.

<sup>158</sup> Oh, yina lendaka sala ve dilongi na ntangu yayi, Dokotolo. Oh, la la! Yina kele ve—yina kele ve kaka . . . Ya me bula kaka munu, “kusukula bawu.” Ntete ti Nzambi kuyamba munkayulu nyonso, ya fwana vwanda ntete ya kusukula. Wapi mutindu? Na mutindu ya emotion ve, kasi ya kusukula na nzila ya Ndinga. Ntangu yayi, beto lendaka vutuka manima mpe kubaka kisika labi yayi ya ba-Juif . . . ntangu mu vwandaka longa dilongi yina ya bamaza ya nkabwani, ngombe ya kento ya mbwaki, bamaza yina vwandaka vwanda, ti yawu kumaka bamaza ya nkabwani. Mpe ntete beto kwiza ntete na Nzambi na lukwikilu ya kieleka, beto fwana lutila ntete na bamaza ya nkabwani. Yinga, tata. Beno fwana lutila na yinki? Ndinga!

<sup>159</sup> Oh, beno bika kaka munu kumona kana mu lendaka zonga kaka samu ti beno . . . muntu nyonso kubakula yawu. Ntangu yayi, beno lwata dibanza ya beno ya kimpeve. Beno katula yimpu ya mvita mpe beno lwata dibanza ya beno ya kimpeve ntangu yayi, samu ti awa ke kwiza kima mosi. “Ya kusukula ntete ba yamba yawu na autel,” ba fwana sukula ntete yawu na bamaza ya nkabwani.

<sup>160</sup> Ntangu yayi, beno baka na munu na nswalu nyonso Ephésiens 5, beno vwanda kaka na kisika ya beno mpe beno vutuka, kaka ba-page fyoti na manima, na Ephésiens kapu ya 5 mpe nzila ya 26:

*Ti yandi lendaka santisa mpe kuvedisa yandi . . .* (Ba ke na kuzonzila, na Dibuundu.)

161 Beno me mona, ntangu yayi, beno bika munu kuvutuka fyoti na manima. Beto vutuka na nzila ya 21, na yina beno ke na kusosaka:

*Beno tumama mosi na yankaka na buzitu ya Nzambi.*

162 “Beno tumama.” Dibuundu, beno tumama na pasteur ya beno. Pasteur, tumama na dibuundu ya nge. Kana mwa coterie kutelama, kuvwanda ve na lweka mosi, tumama na dibuundu ya muvimba. Dibuundu, kana beno banda coterie mosi, beno tumama na pasteur ya beno na buzitu ya Nzambi. Beno me mona? Oh, mpangi! Hmm!

*Bakento, beno tumama na bakala ya beno, mutindu na Mfumu, (Samu ti yandi kele mfumu ya beno.)*

163 Beno yikwa zaba yawu, beno bakento? Ya kele kaka kieleka. Biblia ke tuba yawu na mbandukulu. Ya kele dyaka mutindu mosi.

*Bakento, beno tumama na bakala ya beno, mutindu na Mfumu.*

*Samu ti bakala kele yintu ya kento, mutindu mosi Klisto kele yintu ya dibuundu: mpe yandi kele mvulusi ya nzutu.*

164 Na yawu bakala kele mutindu yina. Beno nyonso zaba yawu, beno bantu ya kukwelana mpe bakulutu, to bana yina me kula mingi na kuzaba mutindu ya luzingu. Mbote mingi.

*. . . mutindu na Mfumu.*

*Samu ti bakala kele yintu ya kento, mutindu mosi Klisto kele yintu ya dibuundu: mpe yandi kele mvulusi ya nzutu.*

*Na yawu mutindu dibuundu ke tumamaka na Klisto, mutindu mosi ti bakento kele na babakala ya bawu na kima nyonso.*

*Babakala, beno zola bakento ya beno, mutindu mosi Klisto mpe zolaka dibuundu, mpe pesaka yandi mosi samu na yandi; (Beni nika yandi ve! Kana beno sala yawu, beno kele ve ya kulunga na kuvwanda bakala. Ya kele kieleka!)*

*Ti yandi lendaka . . .*

Beno kuwa, yawu yayi! Beno bakula yawu ntangu yayi:

*Ti yandi lendaka santisa mpe kuvedisa yandi na kusukula ya maza na nzila ya . . . [Dibuundu me tuba, “Ndinga!”—Mu.] Hmm!*

165 Na yina, konso musambidi yina ke kotaka ntete na Yayi fwana kwiza na nzila ya Ndinga. Ya kele na mingi yina ke kwizaka na mutindu yankaka. Mu ke kwikilaka na mwa masolo mpe bima mutindu, “mama kufwaka bamvula mingi me luta mpe yandi ke na kuvingila nge na Mazulu,” yina ke salaka mbote na



*manima* Ndinga me tulama. Bantu mingi ke kwizaka na autel samu ti bawu zola kukutana na mama ya bawu na Mazulu. Ya kele nyonso mbote, beno lenda sala yawu, kasi ya kele ve samu na yina beno ke kwizaka na autel. Beno ke kwizaka na autel na kufunguna masumu ya beno samu ti Klisto kufwaka na kisika ya beno, na nzila ya Ndinga!

<sup>166</sup> Na yina, minkayulu nyonso yina ke kwizaka ve landila Ndinga kele kuna ya kundima ve. Ya kele kieleka? (Oh, mpangi, mu ke zolaka ve kutuba yayi. Oh, mu ke zolaka ve kutuba yawu. Beno lemvokila munu samu na kutuba yawu.) Ya kele samu na yina Actes 19 kele na Biblia, “Beno kuzwaka Mpeve-Santu tuka beno kwikilaka?”

Bawu tubaka, “Beto . . . ve kana ya kele . . .”

Yandi tubaka, “Na yina, wapi mutindu beno kubotamaka? Samu na yinki beno kotaka ve na kati Awa?”

<sup>167</sup> Bawu kwizaka na mutindu yankaka na ngaanda ya Ndinga! Yandi tubaka, “Oh, beto lutilaka na formule, beto botamaka . . . Jean.”

Yandi tubaka, “Yina ke simba ve. Jean botikaka kaka samu na kubalula ntima, ve samu na lemvo ya masumu.”

<sup>168</sup> Mpe ntangu bawu kuwaka Yayi, bawu kubotamaka dyaka. Samu na yinki? Na Ndinga! “Ya kusukula na bamaza ya Ndinga.” Ndinga ke tuba, “Na Nkumbu ya Yesu Klisto!” Nyonso yina ba ke bwelaka na Yawu kele luvunu!

<sup>169</sup> Ntangu yayi, mpangi ya munu ya ntalu, mu zaba ti yayi kele bande mpe. Ntangu yayi, beno vwanda ve na ntima na zulu. Beno bika munu kutuba yayi na zola ya kinzambi, ngunga me belama kisika mu lendaka dyaka ve kukanga bima yayi, Nkwizulu me kuma pene-pene mingi. Beno me mona? “Malongi ya butatu kele ya dyabulu!” Mu ke tuba yawu **MUTINDU ME TUBA MFUMU!** Beno tala kisika ya me katuka. Ya me katuka na Lukutakanu ya Nicée ntangu dibuundu ya Katolika kotaka na kuyala. Mpova “butatu” kele mpe ve ya kutanga na Buku ya muvimba ya Biblia. Mpe na yina me tala Banzambi *tatu*, ya me katuka na difelo. Ya kele na Nzambi mosi. Ya kele kaka kieleka.

<sup>170</sup> Ntangu yayi, nge ke tuba kuna ti, “Nge ke kwikila ti bantu nyonso yayi—bayina kele ba-trinitaire kele ya difelo?” Ve, tata. Mu ke kwikila ti ba kele Miklisto. Kasi ngunga me belama, mpangi, kisika bawu kele kieleka foti.

<sup>171</sup> Muntu nyonso, na kisika nyonso, na ntangu nyonso, yina ke zola zonzila na dyambu yayi, ti yandi kwiza tala munu; mulongi nyonso, bishop, archibishop, nyonso yina beno lendaka vwanda. Mpe yayi ba ke na kubakaka yawu na bande, ya ke kwenda na bisika na yinza. Mu ke lomba na luzolo ya bumpangi, samu na muntu nyonso yina ke kuwa munu na bande yayi na yinza ya muvimba, ti kwiza na munu mpe lakisa munu kisono mosi

ya Masonuku to nzila mosi na kati ya masolo (disolo yina kele kieleka) kisika ti muntu mosi kubotamaka ntete na nkumbu ya “Tata, Mwana, mpe Mpeve-Santu” tii bawu kubongisaka na dibuundu ya Katolika, mu ke soba malongi ya munu. Muntu nyonso kubotamaka na Nkumbu ya Yesu Klisto! Mpe bampangi ya munu ya ntalu, meso ya beno kele ya kufwa na bima yayi. Beno sambila Nzambi na kupesa beno Nsemo!

<sup>172</sup> Ntangu yayi, kana beno kuzwa Masonuku na kuvwandisa yawu, mu ke vingila beno to ke vingila mbokolo ya beno. Beno kele . . . beno . . . Na manima ya bande yayi, beno ke tambula na luzolo ya beno mosi na kumanga kimpeve kana beno kwiza telemina munu ve na zulu ya yawu. Kana beno zola kuzaba yina kele Nsemo mpe yina kele mpimpa, beto lomba Nzambi. Beno bambuka moyo, mu me tuba MUTINDU ME TUBA MFUMU! Kana beno ke kwikila munu kuvwanda kisadi ya Yandi . . . Mpe kana ti ya vwandaka ve landila Ndinga, ya ke vwanda luvunu. Na yina kana ya kele ve landila Ndinga, ya kele kisalu ya beno na kukwiza sungika munu, uh-huh, beno me mona yinki ke salama. Uh-huh. Ya kele foti!

<sup>173</sup> Mu ke kwikila ti mafunda mingi ya bantu ya ba-trinitaire yina ke kwikilaka na Banzambi tatu ke vuuka, samu ti bawu zaba ve luswaswanu. Beto ke kuma na yawu na ntwala ya nsangu.

<sup>174</sup> Ntangu yayi, beno kanga ve babande ya beno mpe beno basika na kivinga ve, beno bampangi ya ba-trinitaire; beno kuwa Yayi. Kasi beno vwanda kaka swi mwa bamuniti fyoti. Beno sala yawu samu na beno mosi. Beno sala yawu samu na dibuundu ya beno. Beno me mona? Beno bika ve na kuzwa babande, beno vwanda kaka na Yawu. Beno tala Yawu na nzila ya Ndinga mpe beno mona kana Yawu kele kieleka. Biblia ke tuba, “Beno fyongonina bima nyonso.”

<sup>175</sup> Mu zaba mutindu Yawu kele ve na nsangu, mutindu mosi vwandaka Yesu, mutindu mosi vwandaka Nsangu, ntangu nyonso. Beno zolaka munu ntangu mu kwizaka mpe belusaka bambevo mpe bantu ya mpasi na kati-kati ya beno, beno banzaka ti ya vwandaka nene, bankonga ya nene mpe dibuundu ke kuma nene. Ntangu yayi, Yesu salaka kima ya mutindu mosi tii kilumbu mosi Yandi zolaka kulumuka na Kieleka. Mpe ntangu Yandi salaka yawu, ata mpe makumi sambwadi balukilaka Yandi. Mpe Yandi balukaka na bayina bikanaka, kumi na zole, mpe tubaka, “Beno mpe ke kwenda ve?”

Mpe Pierre tubaka bampova yango ya mbote mingi, “Mfumu, na nani beto ke kwenda, samu ti kaka Bandinga ya Nge kele Seko?”

<sup>176</sup> Mpe kaka Ndinga ya Nzambi kele Seko! Mpe beno kuzwa samu na munu kisika mosi yina Nzambi kuzwaka ntete muntu

mosi yina botamaka na nkumbu ya “Tata, Mwana, Mpeve-Santu.”

<sup>177</sup> Beno baka Matthieu 28:19, “Tata, Mwana, mpe Mpeve-Santu,” kisika Matthieu tubaka, “Na yawu beno kwenda, mpe beno longi bayinsi nyonso, na kubotikaka bawu na Nkumbu ya Tata, Mwana, Mpeve-Santu”? Mpe muntu nyonso yina ke banzaka ti “Tata, Mwana, Mpeve-Santu” kele nkumbu, ya ke lakisa ti ya kele na kima ke tambula mbote ve na ndongosolo ya bawu. (Ntangu yayi, mwana ya lukolo ya fyoti ke tuba na b-bishop yina ke na kuwaka *Yayi*.) *Tata* kele ve nkumbu, *Mwana* kele ve nkumbu, mpe *Mpeve-Santu* kele nkumbu ve. Ya kele *bisalu* yina ke kwendaka na *Nkumbu* (ya Tata, Mwana, Mpeve-Santu), yina kele Yesu Klisto.

<sup>178</sup> Beno bambuka moyo, yina kele na kudasuka ve, ya kele ya kutuba na zola mpe buzitu ya kinzambi, na zola mpe dibanza ya mbote samu na Nzutu ya muvimba ya Klisto kisika ba me bokila munu na bankundi ya munu ba-trinitaire (mpe bisika nyonso na yinza) na kukwiza mpe kulonga na dibuundu ya bawu. Kasi mu me tubaka yawu ata mbala mosi ve ntangu mu kele na kati-kati ya beno. Mu zola kuvwanda . . . Kana ti beno kuyufula munu, mpe mu ke kwenda na beno na dibuundu mpe ke zonga na beno na yina me tala yawu. Kasi na mantwala ya dibuundu ya beno, ya ke nata muvusu. Ya kele na beno na kuzwa Luzayikisu mpe kukwenda longi mameme ya beno, beno kele mvungi ya mameme. Mu ke na kuzonzaka na milongi. Kana beno ke bakula ve, beno kwiza, beto vwanda mpe kintwadi beto tala. Biblia ke tuba, “Beno fyongonina bima nyonso, mpe beno kangama na yina kele mbote.”

<sup>179</sup> “Mubu ya galasi,” kisika ba vwandaka sukula munkayulu . . . Mpe beto kele ya kusukula . . . Oh, beno zimbana yawu ve, beto ke vutukila yawu na manima ya mwa ntangu fyoti, “Ya kusukula na maza ya Ndinga.” Na yina beno fwana kuwa Ndinga ntete beno kota kuna, samu ti kaka na nzila mosi beno lendaka belama na Nzambi, yina kele na nzila ya lukwikilu. Ya kele kieleka? “Lukwikilu ke kwizaka na nzila ya kuwa, kuwa Ndinga,” kusukula konsiansi ya beto. Ve samu na kukutana muntu, ve samu na kukutana tata, ve samu na kukutana mama, ve samu na kukutana bébé (yawu nyonso kele kielekaka, beto ke tala yawu), kasi kima ya ntete beto fwana kwizila kele na nzila ya kubelama ya Nzambi; beto ke vwanda ya kusukula ntangu beto ke kuwa Ndinga ya Nzambi.

<sup>180</sup> Na lukwikilu beto ke tambula. *Lemvo*, “yina Nzambi salaka samu na nge.” Ya kele kieleka. Beno ke kwikila Nzambi, beno ke kwikila na Nzambi; mpe ntangu kaka beno ke nyonga, ba me lemvo kila beno yimeni.

<sup>181</sup> Mutindu mu vwandaka zonga na mpangi mosi ya bakala mazono, yandi vwandaka mwa fyoti na poto-poto na zulu ya

yaywu, mpe mu tubaka, “Tala, mpangi ya bakala, kana nge tuba kima mosi ke sala kento ya nge mpasi, na mbala mosi nge ke nyonga na kisika ya yandi, nge ke nyonga na yina nge me sala yawu, nge ke balula ntima yawu yimeni na kati ya ntima ya nge. Ya kele kieleka. Kasi beno fwana kwenda tuba yawu na yandi. Nge fwana kwenda mpe kutuba, ‘Cherie, lemvo kila munu—munu na kutuba yawu.’ Kuna beno me balula ntima ya muvimba.” Ntangu yayi, ya kele mutindu ya kele na Nzambi.

<sup>182</sup> Bakala yina ke kwenda mpe ke tuba, “Mu me sala yandi mpasi, ya ke sala ata luswaswanu ve, mu ke tuba na yandi ti mu me nyonga na kisika ya yandi, kasi kieleka mu me nyonga ve,” nge kele muntu ya luvunu. Beno me mona? Ya kele kieleka. Yina ke ndimama ata fyoti ve na Nzambi.

<sup>183</sup> Beno fwana nyonga ya muvimba masumu ya beno. Na yina ntangu beno ke zaba ti beno me nyonga samu na masumu ya beno, mpe na yina “Beni balula ntima, mpe beno botama na Nkumbu ya Yesu Klisto samu na mulemvo ya masumu ya beno, mpe beno ke kuzwa mulemvo, beno ke kuzwa Mpeve-Santu.” Beno me mona, kaka na malembe, Nzambi me sala yawu mutindu ya malembe mingi.

<sup>184</sup> Awa . . . beto me tala awa na “mubu ya galasi,” ya vwandaka mutindu na kitala-tala. Ntangu yayi, mubu ya galasi kele kidimbu ya kima, ke fwanikisa na mubu ya kisengo. Yayi kele mubu ya galasi, na Mazulu. Moise monaka yawu mutindu mubu ya galasi mpe salaka yina ba vwandaka bokila “mubu ya kisengo,” autel ya mutaku, munkayulu ya mutaku. . . autel ya mutaku, na kisika.

<sup>185</sup> Beni zaba yinki kisengo ke zonzila na Biblia? Lufundusu. Yandi salaka nyoka ya kisengo. Yinki *nyoka* ke zola kutuba? Kidimbu ya *nyoka* zola kutuba “disumu ba me fundisa yimeni,” na disamba ya Eden, ntangu, “Kinkoso ya nge ke nika yintu ya yandi; yintu ya yandi ke lwalisaka kinkoso ya nge.”

<sup>186</sup> Mpe *kisengo* ke monikisa “Lufundusu ya Kinzambi,” autel ya kisengo, kisika ba vwandaka yoka munkayulu; ndonga ya nene ya mutaku, kisika ba vwandaka sukula yawu na maza ya Ndinga. Beni me mona? Mo- . . . Elie, na bilumbu ya yandi, kubasikaka mpe talaka, mpe tubaka, “Zulu kele mutindu kisengo.” (Lufundusu ya Kinzambi na zulu ya yinsi yina ba me losa.) Oh, la la! Kisengo, mutaku!

<sup>187</sup> Ntangu yayi beto kele na “ngonda ya nene.” Mpe beno ke tala ti ndonga yayi vwandaka mpamba mpe vwandaka pwelele mutindu kitala-tala. Samu na yinki? Dibundu me vwanza yimeni ya kuvulusa!

<sup>188</sup> Ntangu yayi, ntangu yayi, beto ke tala ntama, na ntwala, ntangu basantu ya Lukwamusu ke kwiza, beto ke mona dyaka yawu ya kifuluka na tiya. Beni zaba. . . Beni ke zola kutanga yawu? Beto kwenda na Apocalypse ntangu yayi, kapu ya 15, na

nzila ya 2, mpe kutanga kisika beto ke mona dyaka tiya yayi ya mutaku. Mbote mingi:

*Mpe mu monaka wanzio yankaka...mu monaka kidimbu yankaka na mazulu,(Kieleka.) ya nene mpe ya ngitukulu, bawanzio sambwadi vwandaka...bampasi sambwadi ya nsuka; samu ti na kati ya yawu kele ya kifuluka na nganzi ya Nzambi.*

Ntangu yayi “nganzi” ya Nzambi. Beno tala mbote:

*Mpe mu monaka mutindu vwandaka mubu ya galasi ya kuvukana na tiya: (Ntangu yayi, beno tala mbote.) mpe bawu kuzwaka kununga na zulu ya kibulu, mpe na zulu ya kizizi ya yandi mpe na zulu ya kidimbu yango, mpe na zulu ya lutangu ya nkumbu ya yandi, ya kutelamaka na zulu ya mubu ya galasi, vwandaka... ba-harpe ya Nzambi.*

*Mpe bawu yimbaka nkunga ya Moïse kisadi ya Nzambi,...*

189 Oh, beno ke mona yawu? “Ntangu ya Lukwamusu.” Oh! Beno ke na kulandaka ngunga? [Dibuundu me pesa mvutu, “Ve!”—Mu.] Mbote mingi, beno kuwa, beto tala kima mosi awa.

190 Wapi mutindu beto me kwizaka? Beto fwana kwiza (Dibuundu yayi ya Bantu ya makanda) na Ndinga yayi, mubu ya galasi, maza, maza ya Ndinga (Ya kele kieleka?), kubakula Ndinga mutindu Yawu kele ya kusunama. Na yina munkayulu me yambama mpe ya kifuluka na Mpeve-Santu kubanda na kati, ke sema na nzila ya Nsemo ya nsungi yina. Kubanda yayi... Awa Yawu me basika na kisika ya santu na kati *awa*, na ngaanda ya mbwetete na kati *awa*. Beno me bakula yawu?

191 Beno tala, ntangu yayi, na nsuka ya nsungi yayi, Jean, ntangu yandi monaka mubu ya mutaku kuna, ya vwandaka “mpwelele mutindu kitala-tala.” Yinki ya vwandaka? Ndinga kubakamaka na ntoto, kuzangukaka na Dibuundu mpe ya vwandaka “pwelele mutindu kitala-tala,” ata Menga dyaka, bansungi ya Dibuundu kusukaka.

192 Ntangu yayi, na Apocalypse 15, yina bikanaka ya Nkuna ya kento, yina vwandaka basantu ya Lukwamusu bayina lutaka na Lukwamusu, ba talaka (Beno tala!) ya kutelema na mubu yayi. Mpe ya vwandaka ya kifuluka na tiya, menga, milaka ya mbwaki mutindu ke lezima, tiya ya Nzambi. Bawu kuzwaka lunungu na zulu ya kibulu (Rome), na zulu ya lutangu ya yandi, na zulu ya bisono ya nkumbu ya yandi, mpe na zulu ya kizizi ya yandi (Kuvukana ya Mabuundu), mpe me basika. Mpe na nzila ya kulonga ya Moïse mpe Elie, baprofete zole yina ke monika na Israel samu na kubasisa...nkonga ya bantu yayi, basantu yango na Ntangu ya Lukwamusu, na ntangu yina bayina ba ke kotisa, vwandaka...

<sup>193</sup> Beno me mona, Dibuundu ntangu yayi me zanguka, kasi beno bambuka moyo Kento ya yandi kele na Kiti ya kimfumu. Ntangu ya Lukwamusu. . . Zingaka na bimfumu, na ngaanda, mpe nataka bantinu ya bawu nyonso mpe lutumu ya bawu mpe nkembo na Mbanza. Na yina beto ke kuma na Apocalypse 22, beno ke mona yawu. Kana beno ke na kusonikaka yawu mpe ke na kusimbaka yawu, ntangu beto ke kuma kuna beno ke mona yina beto zola tuba. Beto kele ve na ntangu ya kusimba kima nyonso ya fyoti mpe kuvutukila yawu mpe nyonso, kasi kubaka mambu ya ngundi ya yawu. Na yina kilumbu, mu banza, kana Mfumu zola, beto ke kuzwa ntangu mingi ya kuzonzila yawu.

<sup>194</sup> Ntangu yayi, Ntangu ya basantu yayi Lukwamusu bayina ke kwiza, bayina me luta na balukwamusu ya nene. (Dibuundu ke luta ve na Balukwamusu! Beno me mona bawu vwandaka yimeni na Nkembo?) Mpe awa kele basantu ya Lukwamusu, bantu ya kusantisa bayina vwandaka. . . vwandaka ya kele ya munu mpe foti ya beno bawu kuwaka ata mbala mosi ve Ndinga. Kana bawu kuwaka Yawu mpe mangaka Yawu, bawu kwendaka na difelo; ba losaka bawu na ngaanda na kati ya mpimpa samu ti bawu mangaka Ndinga. Kasi kana bawu kuwaka ata mbala mosi ve Yawu, Nzambi kele ya kudedama, Ntangu ya Lukwamusu ke kwiza na bawu.

<sup>195</sup> Ntangu yayi, beno tala kaka minuti. Basantu ya kusukula na Ndinga mosi, samu ti ya kele autel mosi, ya kele mubu mosi ya galasi mpe Ndinga mosi. Apocalypse 2:5, Apocalypse 15: (to na kisika): 2 tii :5. Beno tala, kaka minuti. Ntangu yayi, beto me nataka ata mbala mosi ve Ndinga na bawu, ya kele samu na yina bawu vwandaka—bawu vwandaka mutindu yina. Beto nataka ata mbala mosi ve Ndinga na bawu, beto ke vwanda na kiyeka samu na yawu. Na yawu beto ke lenda ve na kusimba bantu nyonso; Dibuundu ke lenda ve (na nsungi yayi) yina kele Kieleka. Samu ti bawu ke luta na Lukwamusu, bawu kele ve Basantu yina kufwaka ntama kuna na bansungi ya dibuundu ya bawu, samu ti yandi tubaka “Bawu ke basika na Lukwamusu ya nene,” mpe Lukwamusu ya nene ke kwiza dyaka na bilumbu na ntswala, na manima Dibuundu me kwenda na Yinzo.

<sup>196</sup> Oh, beno bawu yayi! Oh, mu zola yawu! Beno kuwa! Beto kwenda fyoti ntama, mu ke zola kumona mutindu ya Ndinga yina bawu kuwaka. Ntangu yayi, beto banda dyaka na nzila ya 2 ya kapu 15.

*Mpe mu monaka mutindu vwandaka mubu ya galasi ya kuvukana na tiya: mpe bayina kuzwaka lunungu na zulu ya kibulu, . . . na zulu ya kizizi ya yandi, . . . na zulu ya kidimbu ya yandi, . . . na zulu ya lutangu ya nkumbu ya yandi, ya kutelamaka na zulu ya mubu ya galasi, vwandaka . . . na ba-harpe ya Nzambi.*

197 Ntangu yayi, beno me mona, bawu kotaka ata mbala mosi ve, kasi bawu kuwaka Ndinga. Bawu kuwaka Ndinga. Ntangu yayi, beno kuwa, beno mona mutindu ya Malongi bawu kuwaka, beno mona kana ya ke fwanana na Dibuundu ntangu yayi.

*Mpe bawu yimbaka nkunga ya Moïse kisadi ya Nzambi, (Yina kele, na manima Moïse me sabuka.) mpe nkunga ya Mwana-dimeme, na kutubaka, Nene mpe ngitukulu kele bisalu ya nge, Mfumu Nzambi ya Ngolo nyonso; (Nani kele Mwana-dimeme yina?) Mfumu Nzambi ya Ngolo nyonso; ya kudedama mpe kieleka kele banzila ya nge, nge Ntinu ya basantu.*

198 Beno me mona yina bawu zabaka ti Yandi vwandaka? Muntu ya tatu ve na butatu, kasi “Mfumu Nzambi ya Ngolo nyonso, Ntinu ya Basantu!” Beno kuwa! Beno me kubama? Nzila ya 4:

*Nani ke zitisa nge ve, O Mfumu, (na kisono ya nene M-f-u-m-u, Elohim) mpe ke kembisa . . . Nani me bikana yina ke zitisa nge ve, . . . mpe ke kembisa nkumbu ya nge ve? . . .*

199 Ba vwandaka ya kusukula na bamaza mosi yina beno ke na kuyobilaka ntangu yayi, na kuwaka Ndinga, mpe lukwikilu mpe ngolo ya Yesu Klisto kele Ngolo nyonso. Ya kele Luzayikisu nyonso ya mbandukulu. Nyonso kubumbamaka na Luzayikisu ya Nani Yesu Klisto kele, “Nzambi kumaka nsuni na kati-kati ya beto!”

*. . . Nene mpe ngitukulu kele Nkumbu ya nge, . . .*

*Nani ke zitisa nge ve . . . mpe ke kembisa nkumbu ya nge ve? nge . . . kele . . . samu nge kele kaka santu: samu ti bayinsi nyonso ke kwiza mpe ke sambila na mantwala ya nge; samu ti balufundusu ya nge me talana.*

200 Na mutindu yankaka: Beto ke mona yinki ya zola kutuba kuzwa Yawu ve, balufundusu ya Nge me talana. Na yawu awa beto me telama, beto kele ya kusukula ntangu yayi, ba me sukula beto na maza na manima beto me luta na Ntangu ya Lukwamusu. Beto me baka ntelamanu ya beto samu na Nge mpe beto ke kwikila na Nge, mpe ntangu yayi beto me telama na mubu ya galasi, mpe beto ke zitisa mpe ke kembila Nge mutindu kotalana ya Mpeve-Santu ya Nge. Mpe minda ya Nge kele kieleka mpe balufundusu ya Nge kele ya kusungama.

201 Oh, la la! Beto lendaka vwanda na zulu ya yawu sabala mosi. “Mbotika ya Mpeve-Santu,” beto fikula kima awa ntangu yayi, kaka minuti, mu kele na kima mu zola kufikula. Ntangu yayi, beto . . . samu na yinki beto ke baka kaka yawu ve kuna kisika beto kele.

202 Ntangu yayi, kana beto tala, awa kele kizizi ya nene. Ntangu yayi, awa kele Santu ya basantu. Mbote mingi. Awa kele kisika

ya santu. Mpe *awa* kele ya ntete, ntete na kukwiza kuna, ya kele mubu.

<sup>203</sup> Mbote mingi, ntangu yayi beno tala. Wapi mutindu beto ke belama na Nzambi? “Lukwikilu ke kwizaka na nzila ya kuwa, na kuwaka Ndinga ya Nzambi,” ya ke lakisa ya kulutila Santu na ya kulutila santu na munati -nsangu ya nsungi.

<sup>204</sup> Kuna na kati, mpe ti. . . Na tempelo ya Salomon, ya ke pesa kulakisa, minda yina vwandaka lakisa bansemo ya yawu na kati ya ndonga ya nene ya mutaku. Na yawu, *awa*, wanzio ya nsungi ya dibuundu ke na kulakisaka na kati ya maza yina kisika Muntu yayi kele na kati *awa*, na kulakisaka kyadi ya Yandi, Bandinga ya Yandi, lufundusu ya Yandi, Nkumbu ya Yandi. Nyonso ke talana *awa* kisika beno kele ya kukabwana na lukwikilu ya Yawu. Beno me bakula yawu?

<sup>205</sup> Beno tala mutindu kitoko yayi kele *awa*, beto vwandaka zonzila na yawu kilumbu yankaka yina. Beno tala mbote *awa*, *awa*, “Na yawu na kuvwandaka ya kunungisa, ya kunungisa na nzila ya lukwikilu.” Mbote mingi, *kisika ya zole*, na manima ya kuvwandaka ya kusukula, “ya kusantisama.” Mpe, *na manima*, “me fuluka na Mpeve-Santu.” Kunungisama, kusantisama, mbotika ya Mpeve-Santu! Beno me mona yawu? Wapi mutindu vwandaka Nsangu ya Yandi? Kunungisama na nzila ya kuwa; kusantisama kele yina beno ke salaka; mpe na kuzitisaka mingi na yina beno salaka na kuvutula matondo na yawu, Nzambi tulaka beno kidimbu na nzila ya Mpeve-Santu.

<sup>206</sup> Ntangu yayi, nge, mpangi ya munu ya Baptiste, mu zola kuyufula nge kima mosi. Beno ke tuba, “Yinki dyaka Abraham zolaka sala kasi kukwikila na Nzambi? Mpe Nzambi tulaka yawu ve na zulu ya yandi samu na ludedomo.”

<sup>207</sup> Ya kele nyonso yina yandi zolaka sala, *awa*, Yandi kwikilaka na Nzambi. Kasi Nzambi, na kundima lukwikilu ya yandi, kupesaka yandi kidimbu ya nzengolo mpe tulaka yandi kidimbu, na kulakisaka ti Nzambi zolaka pesa ku- . . . kundimaka lukwikilu ya yandi. Mpe kana beno ke ndima lukwikilu na Nzambi, mpe me tulamaka ntete ve kidimbu ya Mpeve-Santu. . . Ephésiens 4:30, kana beno zola kusonika yawu, Ephésiens 4:30, “Benoni nyongisa ve Mpeve-Santu ya Nzambi na yina beno kutulamaka kidimbu!” Mpe beno kele ya kutula kidimbu ve tii beno ke kuzwa Mpeve-Santu.

<sup>208</sup> Bilumbu yikwa ya ke vwanda? Tii reveil yina ke landa? “Tii mpulusu ya beto, Kilumbu ya kieleka ya mpulusu.” Ya kele ve na mutindu ya kukatukila Yawu. Beno lenda ve kukatukila Yawu, samu ti Yawu ke katukila beno ve. Beno me mona? “Samu ti beno kele ya kutula kidimbu tii Kilumbu ya beno ya mpulusu.” “Ya kele ve na kima na bilumbu na ntuala, kima ve bubu yayi, bampasi, nsatu, mpwila, lufwa, to kima mosi, lenda kabula beto na zola ya Nzambi yina kele na kati ya Klisto.” Paul tubaka, “Mu



me ndima yawu ya muvimba!” Beno bawu yayi! Beno bawu yayi, beno kele ya kutula kidimbu tii Kilumbu ya beno ya mpulusu.

209 Beno tala, yina ke vutula beto na Lumingu me luta—me luta. Mu kele na ntangu? Mu kaka . . . Beno tala mbote, beno tala mbote yayi, mpeve . . . mpeve, moyo, mpe nzutu. Mbote mingi, beno me mona: nzutu, moyo, mpeve.

210 Ntangu yayi, beno bika munu kukatula yawu mpe kubongisa kima awa samu na beno. Ntangu yayi, mu ke fikula kima mosi awa, Mu kuzwaka siansi ve ya kufikula yawu Lumingu me luta na yawu mu me fikula yawu awa munu mosi na kitini yayi ya mukanda ya mbwaki. Mu zola yawu samu beno bakula yawu mpe beno lenda mona yina mu zola tuba, ntangu yayi, beno bayina na bilapi ya beno. Ntangu yayi, *yayi* kele nzutu; mpe *yayi* kele moyo; mpe *yayi* kele (na kisono ya nene M-p-e-v-e) Mpeve, Mpeve-Santu. Mbote mingi. Ntangu yayi, ya kele na yina beto kele ya kusala.

211 Kana beno tala *awa*, kisika ya santu, ya kulutila Santu na ya kulutila santu; *awa* autel, kisika ya santu; mpe *awa* mubu—mubu, ya kele kisika beno ke kuwaka Ndinga, “Lukwikilu ke kwizaka na nzila ya kuwa, na kuwaka Ndinga,” nkabwani, mubu ya nkabwani. Ntangu yayi, beno tala yayi. Ntangu yayi, ya kele kaka na nkotolo mosi na kukota na kati *awa*, mpe ya kele beno fwana kwiza *awa* ntete. Ya kele kieleka?

212 Ntangu yayi, kana mu vwandaka na kisika mingi, mu zolaka tula na zulu *awa*, “bamwense.” Ntangu . . . “Madya ya Makwela,” mosi yankaka. Beno me mona mutindu muntu yayi kotaka *awa* na Madya ya Makwela, mpe yandi kwizaka na kati na mutindu yankaka? *Awa* vwandaka Mwelo. Yesu tubaka, “Mu kele Kyelo.” Mpe mesa ya makwela yayi vwandaka ya *awa* mpe bantu nyonso vwandaka vwanda na ziunga, mpe awa vwandaka na muntu mosi awa yina lwataka ve Lele ya Makwela. Mpe ntangu Ntinu kotaka, Yandi tubaka, “Wapi mutindu nge me kuma awa, nkundi ya munu? Wapi mutindu nge me kota awa?” Ya vwandaka lakisa ti yandi kotaka ve na nzila ya Kyelo yayi. Yandi kotaka kuna na nela to yandi kotaka na manima, to na nzila ya credo to denomination mosi. Yandi lutilaka ve na Kyelo!

213 Samu ti na bayinsi ya esete bawu ke salaka dyaka kima mutindu mosi, bakala ya makwela yina ke kwela, yandi ke kabula bambokolo mpe ke pesa makwela na muntu nyonso yandi ke bokila.

214 Oh, mutindu ntima ya munu ke bula dyaka mpe dyaka ntangu mu ke banza na yawu! “Muntu ve lenda kwiza na Munu kana Tata ya Munu kupesa yandi mbokolo ntete, mpe nyonso yina Tata me pesa Munu ke kwiza na Munu.” Wapi mutindu ba bokilaka beto? Ntete mbatukulu ya yinza bankumbu ya beto kutulamaka na Buku ya Luzingu ya Mwana-dimeme, samu na kumona Nsemo, samu na kuzwa Mpeve-Santu, samu kutambula

na kati ya Yawu. Bankumbu ya beto (ntangu Mwana-dimeme kufwaka) kutulamaka na Buku na ntangu mosi Nkumbu ya Mwana-dimeme kutulamaka kuna. Biblia, beto ke kuma na yawu na manima ya ntangu fyoti, ke tuba, “yandi vunaka bantu nyonso na zulu ya ntoto bayina bankumbu kele ve ya kusonama na Buku ya Luzingu ya Mwana-dimeme tuka mbatukulu ya yinza.”

<sup>215</sup> Beno tala, na yina kana yandi. . . bakala ya makwela yandi mosi, ntangu yandi telamaka na kyelo. Mpe muntu ba bokilaka vwandaka lakisa mbokolo ya yandi, na kutubaka, “Yawu yayi.”

<sup>216</sup> “Matondo.” Yandi vwandaka baka mbokolo, vwandaka tula yawu awa, mpe vwandaka lwatisa yandi robe samu ti bawu nyonso kotalana mutindu mosi. Mu zola yawu! Beno me mona? Na ngolo ya Nzambi, na kati ya Dibuundu ya Nzambi ya moyo, muntu ya bimvwama, ya mputu, ya mpika, ya kimpwanza, ndombe, mundele, ya mbwaki, ya jaune, kele mutindu mosi samu ti bawu kele ya kulwata robe na Ngolo mosi ya Mpeve-Santu. Beno me mona?

Ntangu yayi, ya ke lakisa ti yandi lutaka ve na Kyelo.

<sup>217</sup> Ntangu yayi, beno tala awa. Oh, kana muntu meka na kukota na kisika ya kulutila Santu na ya kulutila santu (ya kele muntu mosi, mulongisi mosi ya Biblia tubaka na munu), kana muntu kota kisika yayi ya kulutila Santu na ya kulutila santu na kulutilaka ve *awa*, yandi vwanda kufwa. Mwana ya Aaron bakaka tiya mosi ya nzenza kilumbu mosi, tiya mosi ya ba-denomination (na yina Yawu vwandaka ve tiya ya ba-denomination), mpe yandi kufwaka na kyelo. Ya kele kieleka? To bana ya babakala ya Eli ya vwandaka, mu banza. Bana ya babakala ya Eli kuyambaka bawu, na yina ti yandi vwandaka monikisa bana ya Aaron ya babakala yina vwandaka nganga-Nzambi.

<sup>218</sup> Ntangu yayi, ntangu yayi, ya kele na nzila mosi na kukota na nzutu. Wapi mutindu nzutu yayi kele ya kuyala? Ntangu yayi, beno tala mbote-mbote na ntangu yayi mpe beno kubika bilapi ya beno. *Awa* kele mwelo na lweka yayi ke kota nzutu nzutu: mosi, zole, tatu, yiya, tanu. Ntangu yayi, beno kele na yawu ya kufika? Ntangu yayi, mwelo ya ntete na lweka *awa* kele: kumona, kuwa nsunga, kuwa, mpe ntomo, mpe kusimba to kuwa na nzutu (to mosi ya zolaka vwanda, ya ke sala kima ve). Ntangu yayi, yina kele ba-sense ya nzutu. Ya kele kieleka? Bantu yikwa zaba yawu? Ba-sense sambanu ke twadisaka nzutu. Ntangu yayi, beto kele na moyo na manima beno me luta na nzila ya *yayi*. Ba-sense kele na ngaanda, ya kele systeme ya ngaanda.

<sup>219</sup> Ntangu yayi, na kati *awa* ya kele na mosi, zole, tatu, yiya, tanu, binama tanu na moyo. Ntangu yayi, beno zola kusonika yawu? Ya ntete kele mbanzulu, mbanzulu. Ya zole kele konsiansi.

Mpe ya tatu kele dibanza. Mpe ya yiya kuyindula. Mpe ya tanu kele luzolo.

<sup>220</sup> Ntangu yayi, beno me baka yawu nyonso? Kana ve, na yina beno zabisa munu ntangu yayi. Beno me kuzwa yawu nyonso? Beno me mona, ntomo, kuwa na nzutu, kuwa nsunga, mpe kuwa; nzutu, yina kele ya kuzibuka na nzutu.

<sup>221</sup> Mwela kele mbanzulu, konsiansi, mabanza, kuyindula, mpe luzolo, ya kele ba-sense to binama, mutindu ba-sense ya moyo. Mpe moyo kele nkadulu ya mpeve yina kele na kati, samu ti moyo ke lakisaka kaka atimosifere ya yina kele na kati ya beno. Ya ke bakaka kisika ya kusantisama, moyo kele, ya kuvwanda na kitezo mosi kuna. Mbote mingi, ntangu yayi, nyonso. . . muntu nyonso me kuzwa yawu nyonso? Mbote mingi.

<sup>222</sup> Ntangu yayi, na mwelo *yayi* ya kele kaka na mosi, mwelo mosi, yina ba ke bokilaka “luzolo ya beno mosi.” Beno kele mfumu ya yina ke na kusalamaka na kati kuna. Mpe yinki yawu ke salaka? Yinki yayi kele? *Nzutu* fwana vwanda ya kusukula, ndonga ya nene; ya kusantisama, *awa*; ya kifuluka na Mpeve-Santu, *awa*, mpe yayi me kuma dyaka kisika ya lufundusu ya Nzambi, kisika Nzambi ke vwanda na kati ya ntima ya beno, mpe kana beno sala kima ya yimbi, beno tuba, “Ooh, la la, mu me sala yimbi.”

<sup>223</sup> Bantu yankaka ke tubaka, “Ya ke fundisaka munu ve na—na kuvwanda na nsuki ya nkufi,” bakento. “Ya ke fundisa munu ve na kusala manicure to kupakula, to nyonso yina ya kele. Ya ke fundisa munu ve na kukwenda na bisika ya kukina. Ya ke fundisa munu ve na kutuba mwa luvunu ya mbote. Ya ke fundisa munu ve na kubula nsaka ya bridge.” Beno zaba samu na yinki? Beno kele na kima ve ke fundisa beno. “Yina ke nyongisa ve konsiansi ya munu.” Beno kele dyaka ve na konsiansi kulutila nyoka kele ve na luketo. Na yawu beno kaka. . . Beno kele na ata konsiansi ve, ya kele ve na kima kuna yina ke nyongisa beno. Beno kele ya yinza!

<sup>224</sup> Kasi mu ke tula beno na ntembe na kubika Yesu Klisto kukota *awa* mpe kumeka mbala mosi na kusala yawu! Mpangi, beno ke vwanda mingi ya kufundisa ti beno ke vutuka manima mpe ke ningisa yintu ya beno na kima yina kaka kieleka mutindu mu kele ya kutelama awa, samu ti Yandi kele santu. Beno kuwa, mu ke na kutanga Masonuku, “Kana beno zola bima yina kele yinza, bima ya yinza, ya kele samu ti zola ya Nzambi kele ve na kati ya beno.”

<sup>225</sup> Wapi mutindu yawu salaka? Luzolo ya beno mosi. Samu na yinki nge ke bokila yawu ‘luzolo ya beno mosi,’ Mpangi Branham?” Samu ti ya ke vutula kaka dyaka bakala mpe kento mutindu Adam mpe Eve na disamba ya Eden. Na yinki? Na bayinti zole yina! Luzolo ya beno mosi, *yayi* kele lufwa. *Yayi* kele Luzingu, luzolo ya beno mosi. Kukonda bumuntu. . .

Kimpwanza ya kusoola! Nzambi tulaka muntu ya ntete, Adam mpe Eve, kaka awa na kimpwanza ya kusoola. Yandi me tula beno kisika mosi. Mpe mutindu kaka yina beno lenda kubongisa kima yayi na kati *awa* kele luzolo ya beno mosi. Alleluia! Luzolo ya beno mosi! Beno fwana zola na kusala Luzolo ya Nzambi. Beno fwana kukikatuka luzolo ya beno samu na kubika Luzolo ya Nzambi kukota, samu ti yayi kele nzila kaka yina ke nataka na ntima.

<sup>226</sup> Oh, beno lenda kuma ya dibuundu, beno ba-Baptiste mpe ba-Presbytérien. Mpe beno ba-Methodiste mpe ba-Pèlerin ya Sainteté lendaka kwiza na kusantisama. Kasi beno fwana kuzwa luzolo ya kusala Luzolo ya Nzambi, luzolo ya beno, na kubika Mpeve-Santu kukota *awa*, samu na kubuta. “Bidimbu yayi ke landa bayina ke kwikila. Na Nkumbu ya Munu bawu ke basisa bampeve ya yimbi. Bawu *ke* zonza bandinga ya malu-malu. Bawu ke tentika maboko ya bawu na zulu ya bambevo to kubaka bima yina ke kufwaka, mpe nyonso yina. Bidimbu yayi ke landa bayina me bika luzolo ya bawu kukuma Luzolo ya Munu, mpe bisalu yina Mu ke salaka bawu mpe ke sala.” Mu banza ti beno ke kondwa Yawu ve. Ya kele na luzolo samu na kusala Luzolo ya Nzambi. Beno me mona yina mu zola kutuba?

<sup>227</sup> Beno tala awa, na kuzonzilaka na kisika ya santu, ndonga ya nene. *Awa* kele bansemo, minda (mosi, zole, tatu, yiya, tanu, sambanu, sambwadi), mosi na mosi ya yawu kele na nsemo. Wapi kisika bawu ke na kuzwaka nsemo ya bawu? Wapi kisika Nsemo ya bawu ke na kulakisaka, na wapi kisika Yawu ke na kulakisaka? Ya ke na kulakisaka ve awa na nsongi ya denomination mosi. Ya ke vutula awa na Ndinga! Ya kele bamaza ya nkabwani. Fiu!

<sup>228</sup> “Samu na kubalula ntima mpe lemvo ya masumu” (Luc 24:49) “fwana kulongama na Nkumbu ya Yandi na bayinsi nyonso, kubanda na Jérusalem.” Wapi mutindu ba longaka kubalula ntima mpe lemvo ya masumu na Jérusalem? Tii wapi sika? Yawu ke kwenda ntama na yinza ya muvimba. “Beni balula ntima,” tubaka Pierre, na Actes 2:38, “mpe beno botama na Nkumbu ya Yesu Klisto samu na lemvo ya disumu ya beno.” Nsangu yina ke kwenda na yinza ya muvimba, mpe na manima nsuka ke kwiza. Na yina nsuka ke vwanda, na manima Nsangu *yayi* me kwenda na yinza ya muvimba.

<sup>229</sup> Wapi mutindu, minda yayi awa ke na kulakisaka nsemo na lweka awa na denomination mosi ya ba-Methodiste, ba-Presbyterien, to ba-Pentecotiste? Mbote, kieleka ve!

<sup>230</sup> Ya ke lakisa *awa* mutindu “MU KELE,” ve “Mu vwandaka.” Ve bantu tatu to yiya ya kuswaswana, kasi Nzambi na kuvwandaka kuna vwandaka talana Yandi mosi na mosi ya mabuundu yina. Beno tala na manima kuna mpe beno mona yina bawu salaka (beto vwandaka me lutila kaka na disolo), bawu

vwandaka lakisa Yandi mutindu Yandi vwanaka, mutindu Yandi kele, mpe mutindu Yandi ke vwanda ntangu nyonso.

231 “Yandi yina vwanaka . . .” Kaka na ntangu Jean kuzwaka dibanza ya Yawu ya ntete, yandi tubaka, “Yandi yina Vwandaka, yina Kele, mpe Ke Kwiza, Nzambi ya Ngolo nyonso, luvangulu ya Nzambi, Alpha, Omega, Mbandukulu mpe Nsuka.” Ya kele Nsemo ya kieleka ya kulakisa. Beno ke mona Yawu? Amen! Fiu!

232 Na manima ya ngunga kumi na zole, mpe mu—mu fwana . . . Beno kuwa, beto sala nswalu samu ti beno baka yawu. Mu ke zolaka ve kubumba beno ntangu mingi, kasi mu zaba ve ntangu mu ke mona dyaka beno. Beno me mona? Mpe mu zola ti beno bakula yayi, bankundi ya munu, yayi kele Luzingu. Ntangu yayi, beno tala, mu zola tuba yawu ve samu ti mu ke na kutubaka Yawu. Kana mu—kana mu ke na kulakisaka mutindu yina ya . . . na manima mu . . . beno—beno ke bakula ve ntima ya munu. Mu ke na kumekaka ve na kulakisa, “Oh, yayi kele kaka . . . Nge kele kima ve.” Mu ke na kumeka ve na kusala yawu. Kana beno me kuzwaka ntete ve Nsemo, mu ke na kumekaka na kulakisa beno Mosi awa. Ve mosi awa na chaire yayi, Mosi kuna na Kiti ya kimfumu. Mpe Kiti yango ya kimfumu fwana kuma na kati ya ntima ya beno, na yina beno ke mona kaka kima mosi mutindu ya ke lakisa awa.

233 Awa yinki *yayi* kele? Yawu ke na kulakisaka *Yayi*. Mpe *yayi* kele Yayi, Ndinga. Ya kusukula na bamaza ya Ndinga, na Ndinga; ya kusukula (na nzila ya bamaza ya nkabwani) na bima ya yinza—yinza, na nzila ya Ndinga. Ndinga ke tuba Yandi kele mutindu mosi mazono mpe kukonda nsuka. Ya ke tuba ve, “Yandi kele mutindu mosi na nsungi ya Pentecote, kuna na bilandi, mpe kuna na nsungi ke landa Yandi me soba.” Ve, Yandi kele mutindu mosi! Beno me mona? Beno lenda sala Yawu ve kutuba kima yankaka. Beto lendaka vwanda kaka na zulu ya mosi ya bima bangunga, kasi mu banza ti beno ke na kubakula Yawu ntangu yayi. Nzambi me bokila beno, nge ke kuzwa Yawu. Ya kele yina mu ke kwikila. Mbote mingi, tata.

234 Ntangu yayi, yinki ya kele? Kunungisama, kusantisama, mbotika ya Mpeve-Santu; moyo, nzutu, mpeve; nyonso mutindu mosi. Ntangu yayi, mwinda ke na kulakisaka Ndinga. Ndinga ya kieleka ke lakisa yinki? Yinki zolaka sala mwinda yayi, kana ya vwanda kuzwa kulakisa ya yawu na Nkembo yayi ya Shekinah? Ya zolaka lakisa Nkembo ya Shekinah. Ya kele kieleka?

235 Kana beno kwenda na seminere, nsemo ya beno, beno ke lakisa seminere. Beno kuzwaka yawu na seminere ya ba-Methodiste, beno ke lakisa malongi ya ba-Methodiste. Beno ke lakisa! Kana beno kuzwaka yawu na seminere ya ba-Pentecotiste, beno ke lakisa malongi ya ba-Pentecotiste. Kasi kana beno kuzwaka Yawu na Nkembo ya Nzambi, na nzila ya divunda ya tiya . . .

236 Mpamba ve, ntangu Moïse basikaka na Mvwandulu ya Yandi, yandi zolaka tula kima mosi na zulu ya kizizi ya yandi, samu ti, bantu kutala ve yandi. Ya kele kieleka? Yandi vwandaka ya kifuluka na ngolo ya Nzambi.

237 Étienne, muntu ya kifuluka na Mpeve-Santu. Kumeka kukanga yandi, mbote, ya vwandaka mutindu kumeka na kufwa yinzo na tiya, na kilumbu ya mupepe ya ngolo; kufwa yawu tiya . . . mpe yinzo na tiya na kilumbu ya mupepe ya ngolo. Oh, mingi ya ke—mingi ya ke fula yawu, nene ya ke kuma. Samu na yinki, beno lenda kanga yandi ve. Na mbala mosi, ntangu bawu nataka yandi na ntwala ya Lufundusu ya ba-Sanhedrin, Biblia ke tuba, “Yandi telamaka kuna, kotalanaka mutindu wanzio.”

238 Ntangu yayi, mu banza ve “wanzio” mu zolaka kaka kutuba ti yandi vwandaka Kivangu mosi ya mutindu yankaka ya kutelama kuna; kasi, wanzio zaba kieleka yina yandi ke zonza. Mutindu mosi ke salaka wanzio nyonso, yuzabisi ya wanzio ya Dibundu, yandi kele na nsatu ve ya kuvutuka mpe kumona yina seminere ke banza. Yandi zaba yina Nzambi tubaka na kati ya Biblia ya Yandi, mpe ngolo na kulakisaka samu na kusiamisa ti Yandi kele mutindu mosi mazono, bubu yayi, mpe kukonda nsuka. Yandi kele na boma ve, yandi ke tuba kaka kieleka yina yandi zaba ti kele Kieleka. Mpe Nzambi na kutelamaka kaka kuna na kusimbidilaka Yawu na mutindu mosi ya bidimbu mpe mambu ya ngitukulu, mpe na Ndinga mosi. Yina kele wanzio!

239 Étienne telamaka kuna, yandi tubaka, “Mu zaba yina mu ke na kuzonzilaka.” Yandi tubaka, “Beni bantu ya yintu-ngolo mpe ya ntima mpe makutu ya kuvedila ve, beno ntangu nyonso ke teleminaka Mpeve-Santu. Mutindu batata ya beno salaka, mutindu mosi beno ke sala!” Yandi tubaka, “Nani ya batata ya beno kufwaka ve bapofete mpe na manima tunga bantoni ya bawu?”

240 Beno ba-denomination, nani ya beno me salaka ve kima mutindu mosi? Beno me mona? Beno ke tunga ba-chateau na bibaka ya mpembe mpe bayinzo ya bamvumbi mpe bima na ziunga awa, mpe na manima ke zonzila na yina me tadila Nzambi! Beno kele bayina mosi tulaka Yandi na yinzo ya bamvumbi, beno kele bayina mosi tulaka Yandi na ntoni. Ya kele kima kaka yina tulaka Yandi na ntoni kuna, ya vwandaka dibundu ya nene ya chateau ya mpembe, denominaton, Ba-Pharisien mpe ba-Saduceén bayina tulaka Yandi na kati kuna mpe na manima ke meka kutunga lubambuku samu na Yawu.

241 Beno bika mu tuba na beno ti Klisto kele Kivangu ya moyo. Yandi kele ve kima yina kufwaka, Yandi kele Kima yina “vumbukaka na lufwa mpe kele moyo ntangu nyonso.” Oh, mpangi! Kieleka! Yinki ya ke salaka? Ya ke lakisaka yinki? Ya ke lakisa awa, yinki ya ke vwanda? Ya ke ku- . . . Yinki kele kulakisa ya Yandi ya kieleka? Kuna kima ya ntete yawu ke lakisa, ke

wanda Nkumbu ya Yandi. Ya kele kieleka? Ya ke lakisa Nkumbu ya Yandi. Kima yankaka ya ke lakisa, ke vwanda ngolo ya Yandi. Beno me mona yina mu zola kutuba? Ya ke lakisa nyonso yina Yandi kele.

<sup>242</sup> Na yawu kana *yayi* ke lakisa nsungi yayi *awa*, nyonso yina Yandi vwandaka, na yina Yandi kele mutindu mosi! Fiu, nkembo! Nkembo! Yinki ya kele? Ya ke na kulakisaka Yandi mutindu Yandi vwandaka, mutindu Yandi kele, mutindu ntangu nyonso Yandi ke vwanda, samu ti ya ke na kukatuka mbala mosi na Kiti ya kimfumu ya Nzambi; Yesu Klisto mutindu mosi mazono, bubu yayi, mpe kukondwa nsuka; Nzambi mosi, Ngolo mosi, Nkembo mosi, nyonso mutindu mosi. Yandi kele mutindu mosi mazono, bubu yayi, mpe kukondwa nsuka. Oh, mpangi!

<sup>243</sup> Beto kwenda mwa fyoti na ntwala. Ntangu yayi, beto baka yina bikanaka ya nzila ya 6 yayi awa, ya kapu ya 4. Mu kele na mwa milabu ya kusonama awa na zulu ya yawu, mpe mu zola kusala nswalu mpe kukuma na yawu kana mu lenda. Ntangu yayi, yina bikanaka, na manima beno ke bika ka- . . . na manima beto ke bika nzila yayi, ya ke baluka kaka, na kutubaka yina bawu salaka. Beto tala kana beto lendaka luta kuna.

. . . *galasi* . . . *mubu ya galasi* . . . (Ntangu yayi, beto zaba yina ya vwandaka.) *na kati-kati ya kiti ya kimfumu*, . . . Bivangu *yiya* ya moyo, *bibulu* . . .

<sup>244</sup> Ntangu yayi, ntangu yayi, bantu yikwa kele na version ya Biblia ya malu-malu? Na version ya beno ya malu-malu, ya ke tuba “Bivangu ya moyo.” Mbote, mu vwanda kumiyufula wapi mutindu ti na Roi Jacques yayi awa ba ke tuba moyo. . . “*bibulu*” yiya? Mbote, mu vwandaka me baka buku ya ya bampova na Grec—na Grec, mpe kuvutuka na buku ya bampova ya Biblia mpe kutala yinki ya vwandaka zola kutuba. Ntangu yayi, beno tala yina ya kele. Ntangu yayi, beno tala mbote. Mpova ba bangulaka awa, ntangu yayi beno sonika yawu samu ti beno mpe, beno lenda sosa yawu, samu na kuvwanda ya kukwikama. Beno me mona, mu zola ti beno sonika yina mu ke tuba, mpe. . . kana beno lenda mpe zola. Mbote mingi, mbangululu ya malu-malu ke tuba, “Bivangu ya moyo,” na kati ya yawu. Ntangu yayi, beno tala mbote:

*Mpe . . . ya . . . vwandaka na bibulu yiya ya kifuluka na meso na ntwala mpe na manima.*

<sup>245</sup> Mpe ya ke landila mpe ke lakisa “*bibulu*,” yina beto ke tala na minuti fyoti. Ntangu yayi, ya ke lakisa *awa* kibulu. Beno kele na noti na lweka ya Biblia ya beno, na—na *bibulu*? Kana beno kele na yawu, beno tala na noti yina na lweka. Mu zaba ti Mulongisi Scofield awa kutulaka yawu na ya yandi. *Bibulu* ke zola tuba, yandi me kuma awa, ke tuba, “Bivangu ya moyo.” Oh, la la! Ntangu yayi, beno tala mbote. Mpova na Grec kele, “Z, o bambala zole, m” . . . to, “Z, o bambala zole, n” ya kele, “Z, o

bambala zole, n.” Ntangu yayi, na—na Grec, ba ke bokila yawu Zoon yina zola kutuba “Kivangu.”

<sup>246</sup> Ntangu yayi, ya kele ve mutindu yina . . . kana beno zola kutanga yawu ntangu yayi. Beto kele na ntangu ve. Mu zolaka tanga yawu, kasi mu kele na ntangu ve. Beno baka Apocalypse 11, 13, mpe 17. Ntangu yayi, kisika *kibulu* kele, makapu na Apocalypse 11, 13, mpe 17, ba ke bokila *bibulu* mutindu mosi; kasi *bibulu* kuna, tendulu kele “t-h-e-r-i-o-n,” *therion*. Mpova, mpova Grec *therion*, ya zola tuba “kibulu ya mfinda, ya kidi-kidi.” *Therion*, ya zola tuba “kibulu ya mfinda, ya kidi-kidi.”

<sup>247</sup> Kasi Zoon zola tuba “Kivangu,” beno me mona, “Bivangu (Zoon) yiya ya moyo.” Ve *bibulu* ya “mfinda,” *therion*; kasi, “Zoon, Bivangu ya moyo.”

<sup>248</sup> Mpe *therion* kele “bibulu ya mfinda, ya kidi-kidi.” Na bampova yankaka, kana beno tala mbote na kapu 11, “kibulu ya Rome.” Kapu ya 13, “Etats-Unis.” Kapu 17, “nyonso zole Etats-Unis mpe Rome,” mabuundu ya ba-denomination ya kuvukana na mutindu ya Katolika ke sala bawu ya kundima ve, kidi-kidi na Nsangu ya mbote. Fiu! Kidi-kidi!

<sup>249</sup> “Nkembo na Nzambi, beto me katuka na dibuundu ya nene ya ba-Methodiste, ba-Baptiste, ba-Presbytérien, denomination ya ba-Pentecotiste. Beto zaba yina beto ke na kuzonzilaka! Muntu ve ke twadisaka . . . ke tuba na beto!” Beno bawu yina. Kidi-kidi! Ya kundima ve! Ya kukondwa luzolo ya yinza! Miyekudi! Mivwenzi! Bantu zola kudasuka! Mpe bambeni ya bantu ya mbote! Na kuvwandaka na mutindu . . .

<sup>250</sup> [Kisika ya mpamba na bande—Mu.] . . . kulutila na yawu ntangu yayi. Mpe mu ke zola kaka kuzenga yawu na bitini-bitini malu-malu yayi awa, kasi mu . . . na yawu ya ke kota na bande yayi, na mutindu nyonso. Kasi beto kele ve na ntangu ya kusala yawu. Ntangu yayi, beno me bakula. Bantu yikwa ke bakula yawu? Beno tuba “Amen.” [Dibuundu me tuba, “Amen.”] Beno me mona, bayayi kele . . .

<sup>251</sup> Yinki kele *Zoon*, Z-o bambala zole-n? Bivangu ya moyo. Ba lendaka tanga yawu *Zoom*, Z, o bambala zole, n. Wapi mutindu beno lendaka tanguna yawu, “Zoon”? “Zoon,” mu ke tuba.

<sup>252</sup> Mpe *therion* kele t-h-e-r-i-o-n, *therion*, beno me mona. Na yawu ya zola tuba “bibulu ya mfinda, ya nseke.” Ya kele yina *bibulu* yango . . . Beno baka ya beno . . . beno baka buku ya beno ya bampova ya Grec mpe beno vutuka kaka mpe beno tala kana ya kele mpova mosi ve. Beno tala kuna na kati mpe beno mona. Beno baka ya beno—beno baka buku ya beno ya Grec, beno baka Emphatic Diaglott. Ntangu yayi, beno tala kana ya kele ve kieleka, ti ya kele kieleka, ya zola kutuba “kibulu ya kidi-kidi,” na Apocalypse 11, 13, mpe—mpe 17.

<sup>253</sup> Mpe awa na Apocalypse 4, ya zola kutuba “Kivangu ya moyo,” *kibulu* ve; kasi ba me bokila yawu “kibulu” kasi ya kele



yawu ve. Kima mosi na Ezéchiél 1:8, 1 tii :28, ya kele. Mu banza kukota na yawu na minuti fyoti.

Mbote mingi, “kibulu ya kidi-kidi, ya kundima ve, mfinda.” Ya kidi-kidi!

<sup>254</sup> Kasi *bayayi* kele “Bivangu ya moyo.” Yinki bawu kele? Bawu kele Bawanzio. Mu ke tuba na beno yinki, beto tanga na Apocalypse 5, kaka kuna na page yankaka. Apocalypse 5, mpe nzila ya 11:

*Mpe mu talaka, mpe . . .kuwaka ndinga ya bawanzio mingi (“bawanzio,” mingi) na ziunga ya kiti ya kimfumu (“Mpe” kele muvukisi-bampova.) mpe bibulu mpe . . . bakuluntu: . . .*

<sup>255</sup> Beno me mona, “mpe,” muvukisi-bampova. Beno me mona? Bawu vwandaka ve Bawanzio, to dyaka bawu vwandaka bakuluntu, bawu vwandaka “Bivangu ya moyo” na Kiti ya kimfumu. Oh, beno zola yayi ve? Bivangu ya Moyo! Bawu kele Bawanzio ve, samu ti yayi ke lakisa yawu kaka awa, beno me mona:

*. . .Mu talaka, mpe . . .kuwaka ndinga ya bawanzio mingi na ziunga ya kiti ya kimfumu mpe bibulu mpe bakuluntu: . . .*

<sup>256</sup> Ntangu yayi ya kele na bitezo tatu ya kuswaswana awa. Mu banza ti beno nyonso me sonika systeme yayi awa na ntangu yayi. Ntangu yayi, mu zola kulakisa beno. Ya kele na bitezo tatu ya kuswaswana na yawu, bivangu tatu ya kuswaswana (Ntangu yayi, beno tala.) na ziunga ya Kiti ya kimfumu.

<sup>257</sup> *Beno tala* Kiti ya kimfumu. Ntangu yayi, ya ntete na Kiti ya kimfumu yayi kele Bivangu yiya yina ya moyo. Na ngaanda ya yina kele bakuluntu (kaka mutindu *yina*) makumi zole na yiya ya kuvwanda na zulu ya kiti ya kimfumu, na zulu ya bakiti ya bawu—ya bawu ya kimfumu, bakiti ya kimfumu ya fyoti na yisi. Mpe na lweka yankaka yayi, kele basoda ya nene ya Bawanzio na ziunga ya Kiti ya kimfumu. Beno me mona yina mu zola kutuba? Bawu kele mosi na mosi ya kuswaswana, mosi na yankaka. *Beno tala* Bawanzio; *awa* kele bakuluntu; mpe *awa* kele Bivangu ya moyo.

<sup>258</sup> Beto bika yawu ve minuti fyoti. Beto vwanda kaka na yawu minuti fyoti, “Bivangu ya moyo.” Yinki bawu kele kana bawu kele ve Bawanzio, bawu kele ve bantu ya kuvuluswa? Yinki bawu kele? Beno ke zola kuzaba? Beno tala ntendulu ya munu. Mu banza ti ya kele kieleka; mu kwikila ti ya kele yawu. Bawu kele mikengi ya Nzambi na Kiti ya Yandi ya kimfumu. Ntangu yayi, beto ke kusuna yayi kaka na ntangu fyoti. Ntangu yayi, beno me mona, bawu kele—bawu kele Bawanzio to bantu ve. Bawu kele ve bibulu ya mfinda. Bawu kele Bivangu, “Bivangu ya moyo.”

259 Ntangu yayi, *awa kele* Kiti ya kimfumu ya Nzambi. Mpe *bayayi* kele mikengi ya Yandi. Beto tanga kaka ndambu yawu mpe kutala yawu baminuti fyoti. Beno me mona, bawu kele Bawanzio ya Nzambi to mikengi ya Nzambi na Kiti ya Yandi ya kimfumu, mpe bawu . . . Beto baka . . . kaka—kaka minuti dyaka, beto vutuka na Ezéchiel. Mu—mu kele na bima yayi ya kusonama awa, mpe mu ke zolaka kaka ve kuluta yawu, mu zaba ti yayi kele . . . [Kisika ya mpamba na bande—Mu.] Beto vutuka na Ezéchiel kapu ya 1te, mpe beto banda na nzila ya 12 tii 17, minuti fyoti.

*Mpe bawu kwendaka mosi na mosi mbala mosi na ntuala: . . .*

260 Ntangu yayi, beto ke tala na minuti fyoti . . . Mpe beno ke bambuka moyo na nzila ya 7 yayi awa, ntangu yayi, beno tala mutindu bawu kele awa na nzila ya 7 ya kapu mosi ya Apocalypse, “yiya.”

*Mpe kibulu ya ntete vwandaka mutindu nkosi, . . . kibulu ya zole vwandaka mutindu mwana ya ngombe, . . . kibulu ya tatu vwandaka na kizizi . . . ya muntu, mpe bibulu . . . yiya vwandaka mutindu bangononi . . . kibulu ya yiya . . . mutindu ngononi ke pepa.*

261 Ntangu yayi, ntangu Ezéchiel monaka Nkembo ya Nzambi, yandi monaka kima mosi yina Jean monaka. Beno ke bambuka moyo na Lumingu me luta mutindu beto talaka “Nkembo ya Nzambi,” mpe beto bakaka foto kisika Yandi tulaka Yawu na beto? Beno ke bambuka moyo na yawu? “Nkembo ya Nzambi,” kima mosi yina Ezéchiel monaka, kima mosi yina Jean monaka, awa Ya kele bubu yayi. Ya ke sala Yesu Klisto mutindu mosi na ntangu ya Ezéchiel, kima mosi yina vwandaka awa na zulu ya ntoto, Nzambi mosi yina kele awa na beto bubu yayi; mutindu mosi mazono, bubu yayi, mpe kukondwa nsuka; Yandi yina Vwandaka, Yina Kele, mpe Ke Kwiza; nkotolo ya moyo, nzutu, mpe mpeve; mubu ya mutaku (Ndinga), Muvedisi ya moyo ya beto, mpe Mufulusi na Mpeve-Santu. Kima mutindu mosi, beno me mona, kaka mutindu mosi!

262 Ntangu yayi, beno tala mbote yayi. Mbote mingi:

*. . . mpe mpeve . . . kisika bawu kwendaka; . . . ntangu yayi . . . vwandaka kwenda, bawu kwendaka; mpe bawu balukaka ve ntangu bawu vwandaka kwenda.*

263 Bawu zolaka baluka ve. Kana bawu vwandaka kwenda mutindu *yayi*, ya vwandaka kwenda mutindu muntu; na kukwendaka mutindu *yayi*, vwandaka kwenda mutindu ngononi; na kukwendaka mutindu *yayi*, vwandaka kwenda mutindu ngombe; na kukwendaka mutindu *yayi*, bawu vwandaka kwenda mutindu nkosi. Bawu vwandaka kwenda ve na kuvutuka manima! Ba zolaka kwenda na ntuala bisika

nyonso ba vwandaka kwenda, mosi na mosi ya bibulu. Ntangu yayi, yinki zola kutuba *kibulu* na kati ya Biblia? Ngolo. Mbote mingi, ya zola kutuba “ngolo.”

<sup>264</sup> Ntangu yayi:

*Samu na kifwani ya bivangu ya moyo, mpe kifwani ya bawu vwandaka mutindu makala ke na kunyengaka na tiya, mpe mutindu. . . ya. . . kifwani ya minda: ya vwandaka mata mpe kukulumuka na kati-kati ya bivangu ya moyo; mpe tiya vwandaka sema, mpe na tiya basikaka nsemo.*

Ya kele Nzambi. Na tiya vwandaka basika Nsemo; nsemo ya yinza ve, ntangu yayi, Nsemo ya Seko.

*Mpe bivangu ya moyo vwandaka kima mpe vwandaka vutukaka (Beto mona). . . Mpe bivangu ya moyo vwandaka kima mpe vwandaka vutuka, mpe mutindu kifwani ya nzasi.*

*Na yina mu talaka bivangu ya moyo, tala dikulu mosi ya kipusu na zulu ya ntoto na bivangu ya moyo, na bizizi yiya ya yandi.*

*Kifwani ya makulu ya kipusu. . . ya kisalu ya bawu vwandaka mutindu. . . ntinta ya. . . beryl: mpe bawu yiya vwandaka mutindu mosi: mpe kifwani ya bawu mpe kisalu ya bawu vwandaka. . . ya vwandaka dikulu ya kipusu na kati-kati ya dikulu ya kipusu.*

<sup>265</sup> “Yinki kele kidimbu awa, Mpangi Branham? Yinki ya kele?” Ya zola kutuba ti mikengi yayi—mikengi yayi vwandaka nzasa ya Nzambi. . . Bawu vwandaka na nzyetolo, na kubalukaka na makulu ya kipusu ntangu Ezéchiel kumonaka bawu; kasi ntangu Jean kumonaka bawu, bawu kotaka yimeni na ntelamanu ya bawu ya kieleka na Mazulu. Nzasa ya Nzambi vwandaka na ntoto, na kubalukaka na makulu ya kipusu, mutindu bawu vwandaka nata yawu katuka kisika na kisika, vwandaka zola kutuba ti ya vwandaka na nzyetolo, bawu nataka yawu nzila nyonso na ntoto ya kuyuma mpe nzila nyonso na kati ya tempelo mpe nyonso yina; kasi ntangu yayi ya me yambama na zulu samu ti nsungi ya Dibuundu me suka, mpe ya me yambama na zulu na Nkembo. Beno me mona? Ya me telama ntangu yayi, na Mazulu, na Bawanzio mpe nyonso na ziunga ya yawu. Beto ke mona bawu na manima ya mwa ntangu kukatula bayimpu ya bawu mpe kukulumusa bizizi ya bawu mpe kupesa nkembo na Yandi. Beno me mona? Ya vwandaka mikengi ya Nzambi ya tempelo, ya nzasa.

<sup>266</sup> Ntangu yayi, beno bambuka moyo na mikengi ya Nzambi ya nzasa, to kiti ya kyadi. Ntangu yayi, beno bambuka moyo. Na bantu yikwa, Jean monaka, bantu yikwa? Yiya. Bantu yikwa—yikwa *yandi* monaka? Yandi mpe, monaka yiya, Bivangu ya

moyo yiya. Ntangu yayi, beno tala mbote, bawu zole monaka vision mosi.

<sup>267</sup> Mpe yiya kele lutangu ya ntoto. Beno zaba yawu? Bantu yikwa zaba ntangu yayi ntete beto kota na yawu, *yiya* kele lutangu ya ntoto? Kieleka! Mutindu ba-Hebreux yiya . . . Ya kele ya ntoto- . . . Ya kele lutangu ya ntoto, ya “luvulusu, luvulusu.” Ntangu yayi, beno bumba yawu na dibanza ya beno, “luvulusu,” samu mu ke tubila yawu, na mwa ntangu fyoti, na ngolo mingi. Beno me mona, “Luvulusu!” Ntangu yayi, ya vwandaka na bana tatu ya ba-Hebreux na dibulu ya tiya, kasi Yina ya yiya kwizaka, ya vwandaka luvulusu. Lazare vwandaka na ndyamu bilumbu tatu, kasi ntangu muntu ya yiya kwizaka ba vulusaka yandi. *Yiya* kele ntalu ya “luvulusu ya Nzambi,” na yawu ya ke lakisa ti Bivangu yayi fwana vwanda na kima mosi samu na ntoto.

<sup>268</sup> Mu banza ti beno me kuma ve na nsatu mingi ntangu yayi. Mu banza ti nsatu ya beno ya kimpeve kele fyoti—fyoti na zulu ya nsatu ya nsuni ntangu yayi. Beno me mona? Mbote mingi.

<sup>269</sup> Ntangu yayi, beno tala, “Bawu kele na meso” (na Ezéchiel awa) “na ntwala mpe na manima.” Beto tanga kaka yawu. Beno tala awa, beno me mona. Beno ke mona awa, mu banza ti bawu zonzaka na nzila ya awa, “bibulu,” bizizi yiya, mutindu ngononi, mpe mapapu, ya kufuluka na meso na ngaanda, na kati. Beno tala awa:

*Mpe bibulu yango yiya mpe mosi na mosi vwandaka na mapapu sambanu na zulu ya yandi; . . .*

<sup>270</sup> “Mpe bawu vwandaka pepa,” mpe nyonso, “mpe vwandaka na meso na ngaanda, na kati, mpe na manima.” Ya ke zonzila na mayele ya bawu. Ba zabaka yina vwandaka, yina kele, mpe yina ke kwiza; samu ti bawu vwandaka kaka na Kiti, pene-pene mingi ti bawu vwandaka mpe ve bantu. Mikengi ya tempelo, to, mikengi ya tempelo ve (Mikengi ya tempelo, nkama mpe makumi yiya na yiya ya mafunda.), kasi yayi kele mukengi ya kiti ya kyadi, mikengi ya Kiti ya kimfumu, Kiti ya kimfumu, kaka na lweka ya Nzambi, “Bivangu ya moyo,” na lweka ya Nzambi, ya kutelama kuna. Mayele ya bawu, bawu zaba yina vwandaka, yina kele, yina ke kwiza. Bawu vwandaka na “meso na ngaanda,” na kulakisaka yina bawu zolaka mona, yina zolaka kwiza; “meso na kati,” zaba nyonso ntangu yayi; mpe “meso na manima,” yina zabaka yinki vwandaka. Yina vwandaka, yina kele, yina ke kwiza, na kulakisaka na nzila ya bansungi ya dibuundu “Yandi yina Vwandaka, Yina Kele, mpe Ke Kwiza; Yesu Klisto mutindu mosi mazono, bubu yayi, mpe kukondwa nsuka.”

<sup>271</sup> Beno simba yawu ntangu yayi. Beto ke nata kima yango na nzila ya tablo na baminuti fyoti. Beno tala yawu mbote. Ntangu yayi, kaka minuti.

272 Ya ke monikisa mayele ya bawu, mpe ya ke lakisa ti bawu zabaka, zaba. Bawu zabaka bilumbu nyonso ya ntwala mpe ya bubu yayi mpe yina lutaka, mpe nyonso na zulu ya yawu!

273 Mpe ya bawu. . . Bawu vwandaka lemba ve. Bawu ata mbala mosi ve vwandaka lemba. Bawu vwandaka na kima ve ya kusala na muntu, yandi ke lembaka. Kasi bawu vwandaka lemba ve, bawu vwandaka yimba “Santu, santu, santu! Santu, santu, santu! Santu, santu, santu, kele Mfumu Nzambi ya Ngolo nyonso! Santu, santu, santu!” kilumbu ya muvimba mpe mpimpa ya muvimba na nzila ya bansungi nyonso. “Santu!”

274 Beto vutuka kaka fyoti. Beto vutuka manima, mu kele na Disonuku na dibanza, Esaïe 6, na nswalu nyonso. Beno tala mbote! Esaïe monaka kaka kima mutindu mosi.

275 Konso vision ya Mfumu. . . Ya yina mu me tuba. Kana bavisision yina kele na beto bubu yayi kele ve kieleka na bavisions ya Biblia, na yina ya kele luvunu. Kana ya lakisa, to, luzayikisu nyonso yina ke lakisa Nzambi kima yankaka kasi yina Yandi vwandaka ntangu nyonso, ya kele luzayikisu ya luvunu. Dibuundu ya muvimba kele ya kutunga na zulu ya yawu, Matthieu 17.

276 Beto tala, Esaïe, kapu 6. Profete yayi ya ntwenia vwandaka me pema na maboko ya ntinu ya mbote, mpe yandi sumbilaka yandi mitindu nyonso ya bilele ya kitoko. Mpe yandi vwandaka profete, mpe yandi vwandaka wisana bisika nyonso. . . Kasi kilumbu mosi ntinu kufwaka, na yina yandi zolaka—yandi zolaka soba samu na yandi mosi. Na yawu yandi kwendaka kuna na tempelo samu na kusambila. Samu yandi bandaka na kubasika na kati ya kisika yina vwandaka kisika ya ntinu, na yina, samu na kuzwa. . . Ntinu yina ya kiboba ya mbote vwandaka muntu ya santu. Kasi yandi basikaka mpe monaka mutindu bantu vwandaka zinga, na yawu yandi kwendaka kuna na tempelo. Ntangu yayi, beno kuwa.

*Na mvula yina ntinu Ozias kufwaka mu monaka mpe Mfumu ya kuvwanda na zulu ya kiti ya kimfumu, ya zulu mpe ya kuzanguka, mpe nsongi ya lele ya yandi fulusaka tempelo.*

277 Nkembo! Yinki kele “nsongi ya lele ya Yandi”? Beno tala yina ya kele, “Bawanzio, Bivangu,” nsongi ya lele ya Yandi yina ke landaka Yandi. Nsongi ya lele kele yina ke kwizaka na manima, beno me mona?

*. . . nsongi ya lele ya yandi fulusaka tempelo.*

*Mpe na zulu ya yawu kutelamaka ba-seraphin: mpe mosi na mosi ya bawu vwandaka na mapapu sambanu; na zole yandi vwandaka fuka kizizi ya yandi, . . . na zole yandi vwandaka fuka makulu ya yandi, mpe na zole yandi vwandaka pepa.*

*Mpe mosi lookaka na yankaka, mpe tubaka, Santu, santu, santu, kele MFUMU ya basoda: ntoto nyonso kele ya kifuluka na . . . nkembo.*

*Mpe ntangu bapoto ya mwela kumwanganaka na ndinga ya yandi yina bokaka, mpe yinzo kifulukaka na mulinga.*

278 Oh! Oh, la la! Yina ke lakisa ti ba-vision ya bawu kele kaka kieleka na mosi na yankaka ya bantu yina. “Santu, santu, santu!” Bawu ke lembaka ve, kilumbu mpe mpimpa, “Santu, santu, santu, na Mfumu!”

279 Beto vutuka kaka fyoti na manima ntangu yayi, samu na kundima ti beto kele na bantu yayi ya kieleka. Mbala ya ntebe ba tangunaka mikengi yayi, ya kele na Genèse. Ntangu yayi, beno bambuka moyo, nyonso yina beto ke longa fwana katuka na Genèse tii Apocalypse. Ntangu nyonso yina beno ke zola kuyufula kyuvu, beno kwiza yufula munu. Beno me mona? Ya fwana vwanda Biblia nyonso, kaka kitini ya yawu ve, samu ti Nzambi ke sobaka ve! Yina Yandi vwandaka na Genèse, Yandi kele bubu yayi, mpe Yandi vwandaka na nsungi ya kati-kati. Yandi kele ntangu nyonso mutindu mosi! Beno me mona? Ntangu yayi, na Genèse, ntangu Ba-cherubin yayi. . . Ya kele mutindu yina mu ke salaka na kuzwa yawu, Mu zolaka vutuka na kutala yina bawu vwandaka na mbandukulu.

280 Beto baka Genèse 3:24, kaka mwa ntangu fyoti ntangu yayi. Genèse, kapu ya 3 mpe nzila ya 24. Beno zola Yawu? [Dibuundu me tuba, “Amen.”—Mu.] Mbote mingi. Ntangu yayi, beto banda na nzila ya 22. Mu—mu ke zolaka kaka Yayi! Yayi kele kima yina mu zola kukotisa awa, kaka mwa kima ya kubwela, kasi ya lendaka sala mbote ya muvimba kilumbu.

*Mpe MFUMU . . . tubaka, Tala, bakala me kuma . . . mosi ya beto, . . .*

281 Ntangu yayi, bampangi ya munu ya luzolo mpe ya ntalu ya bakento (Beni bika mu tula yawu mutindu yina.), beno banza ve ti mu ke na kulosa kifukulu na zulu ya kukwikama mpe lemvo, musanga ya ntalu ya bukento. Mu ke na kumeka na kulakisa awa yina kento. . . Lemvo ya beno! Mpe na beno na bande, beno bakento yina ke vwanda na kuwa bande yayi, mu ke na kumeka ve na vwenza beno, Mu kele kaka kisadi ya Mfumu samu na kunata Nsemo. Kima ya nsoni mingi mpe ya kukondwa buzitu mpe kima ya kulutula yimbi na zulu ya ntoto kele kento ntangu yandi kele muntu ya yimbi. Mpe musanga ya kulutula ntalu yina kele na bakala, kukatula mpulusu ya yandi, kele kento ya mbote. Mpe mu ke na kuzonzila na yina ya nsoni, ya kukondwa buzitu, ya kubeba. Mpe mu ke lakisa beno kaka awa na yina beto kele na yawu, mpe lendaka mpe kulakisa beno samu na yinki ti mu . . . ti Biblia ke longaka na bakento na kuvwanda ve milongi,

ba-pasteur, milongisi, to nyonso yankaka na kati ya dibuundu. Ntangu yayi, beno kuwa kaka yayi:

*Mpe MFUMU . . . tubaka, Tala, bakala me kuma . . . mosi ya beto, (Ntangu yayi, Yandi ata mbala mosi ve tubaka kento me kuma mosi, “bakala me kuma mosi.”) . . . mpe me zaba mbote mpe yimbi: . . . (Kento ve; yandi kuvunamaka. Beno ke mona yawu?)*

282 Ntangu yayi, Paul ke tuba, “Mu ke pesa ve muswa na kento na kulonga to na kubaka lutumu, kasi . . . samu ti Adam vwandaka ya ntete yina ba salaka mpe na manima Eve. Mpe Adam kuvunamaka ve, kasi kento kuvunamaka.” Na yawu yandi kumaka ve mosi ya Nzambi. Yandi zabaka ata luswaswanu ve, yandi kuvunamaka. Beno me bakula yawu? Kana beno bakula yawu, beno tuba “Amen,” na yawu mu . . . [Dibuundu me tuba, “Amen!”—Mu.]

*. . . MFUMU . . . tubaka, Tala, bakala me kuma . . . mosi ya beto, me zaba mbote mpe yimbi: mpe me zaba . . . mpe na boma ti yandi tula diboko ya yandi, mpe kubaka mpe yinti ya luzingu, mpe kudya, mpe kuzinga ya seko:*

*Na yawu MFUMU . . . basisa yandi na disamba ya Eden, samu na kugata ntoto kisika ba bakaka yandi.*

*Na yawu yandi basisaka bakala; mpe yandi tulaka na esete ya disamba ya Eden Bakeluba, mpe mbele ya kupepa . . . mbele ya tiya yina vwandaka baluka na balweka nyonso, (Beni me mona bibulu yiya? Ya kele kaka na balweka yiya yina beno lenda kwenda, beno me mona: esete, node, wesete, mpe sude. Bakeluba yayi vwandaka mbele ya tiya na kyelo ya disamba . . .) samu na kukanga nzila ya yinti ya luzingu.*

283 Samu ti kana bakala zolaka simba Yinti ya Luzingu, kuna yandi zolaka zinga seko.

284 Mpe Bakeluba yayi, mbala ya ntete ba me tanguna bawu, ba tulaka bawu na mwelo na esete ya disamba, yina vwandaka kwenda balweka nyonso yiya. Mu zolaka sala yawu fyoti mutindu yankaka na yina; Mu lendaka landa ve bantumunu ya Nzambi mpe bima mutindu yina, kasi mu—mu . . . samu ti beno zaba yina mu zola kutuba. Yayi disamba ya Eden. Mpe beno tala mwelo kaka awa, ya ke kuzibuka awa, ke funguka, mpe na mwelo yayi ya vwandaka na Bakeluba. Bakeluba! Mpe, beno bambuka moyo, ya me tuba ve “Keluba,” ya me tuba “Bakeluba.” Ba tulaka Bakeluba kuna samu na kukeba Yinki? Yinti ya Luzingu. Ya kele Yina bawu zolaka keba, Nzila ya Yinti ya Luzingu. Nzila, Nani kele Nzila? [Mpangi-bakala mosi me tuba, “Yesu.”—Mu.] Ya ke na kulakisa wapi kisika? Awa kele kisika ya santu, awa kele Bakeluba.

285 Ntangu yayi, beno tala mbote, beno sonika nyonso yayi. Awa kele Santu—Santu . . . yayi kele kisika ya Kulutula busantu ya

busantu, kisika ya Kulutila busantu ya busantu, *yayi* kele kisika ya santu, mpe *awa* kele mubu, mpe *awa* kele minda ya nsemo, basambwadi yina ke lakisa Nsemo ya *awa*, na kati *awa*, na kati *awa*, na kati *awa*, na kati *awa*, na kati *awa*, na kati *awa*, na kati *awa*. Beno me mona? Yinki bawu ke na kulakisa? Bawu ke na kukebaka mpe ke na kulakisaka na Tiya ya Nzambi Nzila ya Yinti ya Luzingu. Beno me mona, ya lenda katuka ve *awa*, na seminere ya ba-Presbyterien to na seminere ya ba-Pentecotiste, ya fwana katuka *Awa*, samu na kotalisa Nsemo. Mbote mingi.

286 Beno tala, Bakeluba yayi—yayi yina Jean monaka awa zolaka zola kukanga Yinti ya Luzingu, na yawu bawu zolaka zola bantu. To beno tanga Genèse, na kuvutukaka dyaka na Genèse, “Bawu vwandaka kanga Yinti ya Luzingu, vwandaka keba Yawu, Nzila ya Luzingu.” Nzila ya Luzingu! Yinki kele Nzila? Yesu tubaka, “Mu kele Nzila yango. Mu kele Dimpa yina me katuka na Nzambi na Mazulu. Kana muntu kudya Dimpa yayi, yandi ke zinga ya seko.” Ntangu yayi ya kele na Nzila ya kuvutuka na Yinti yango ya Luzingu. Beno me bakula yawu?

287 Ntangu yayi, na yayi, mu zola kulakisa awa mpe kukumisa yayi kieleka: ya kele autel. Ntangu yayi, yayi zolaka vwanda autel na disamba ya Eden. Mu ke tuba na beno samu na yinki. Beno ke bambuka moyo awa na Caïn mpe Abel bayina kwizaka kusambila? Na yina ya ke lakisa ti autel ya Nzambi vwanaka kwenda mpe vwanaka awa na disamba ya Eden, mpe nzila kaka ya kuvutuka na Eden kele na nzila ya autel. Beno bawu yayi dyaka, beno me mona, beto vutuka na Eden na nzila ya autel. Mpe ba zolaka kanga nzila yina kuna, kukeba yawu, ti bawu zolaka vutuka kuna ve tii ntangu autel yayi ke vwanda ya kufuka na menga.

288 O Nzambi, bantu lenda mona yawu ve? Beno me mona, kima ve kasi Menga! Ya fwana vwanda na kukatula-masumu, kiti ya kyadi kuna, autel yayi ya lufundusu fwana kuma kiti ya kyadi; mpe ntangu autel yayi, kana ba me katula Menga, kuna ke telama na Kilumbu yango ya lufundusu tiya dyaka ya nganzi ya Nzambi samu na kukeba Yinti yina. Kima mosi kaka ke kota dyaka na mwelo yayi na Eden, ya ke vwanda na nzila ya Menga ya Yesu Klisto. Beno me mona yawu?

289 Ntangu yayi, beno tala. Yinga, awa Caïn. . . Oh, *awa kele* Caïn; mpe *awa kele* Abel, Abel. Mbote mingi. Ntangu yayi, bana nyonso zole ya babakala kwizaka na mwelo yayi samu na kusambila. Ya kele kieleka? Na yina ya fwana vwanda autel ya Nzambi. Ya kele kieleka? Mpe na ntuala ya autel yayi ba tungaka kima yankaka, autel yankaka. *Beno tala* autel ya kieleka ya Nzambi, ya kele na kati ya ntima ya muntu. Na yina ya kele na autel yankaka *awa*, yina vwanaka lakisa kisika ya kulutila Santu na ya kulutila santu.



290 Oh! Oh! Mu ke tala mutindu kuzonza na bandinga. Oh, la la, Nkembo na . . . Beno lenda mona ve ti Yawu kele ya kulunga? Beno tala kaka! Oh, ya kele sama na yina mu ke tuba yawu, samu ti mu lenda tala ve bampova na Kingelezi ya munu na kutuba yina mu ke na kuwa. Beno me mona, kima mosi fwana kutuba.

291 Mutindu Mpangi Rowe, diplomate ya Ntwadisi ya yinsi . . . pene ya yiya to tanu ya Bantwadisi ya yinsi, yandi tubaka, “Oh, Mpangi Branham, nkokila mosi mu kwizaka na lukutakanu.” Yandi tubaka, “Mu vwandaka zaba ve yinki ya kusala,” yandi tubaka, “Mu telamaka kuna.” Mpe yandi tubaka, “Oh,” yandi tubaka, “Mu zolaka Mfumu luzingu ya munu nyonso.” Yandi tubaka, “Mu vwandaka” (mu banza) “Episkopo.” Yandi tubaka, “Mpe mu banzaka ti mu vwandaka zaba Mfumu.” Yandi tubaka, “Mpe mpimpa mosi mu talaka na ziunga, mu zabaka ve yinki kusala.” Yandi tubaka, “Mu—mu ke kwenda ve ya mpamba, kasi” yandi tubaka, “Mu kuwaka Ndinga kukwiza. Oh, Ya bandaka na kukwiza.” Yandi tubaka, “Mu bandaka na kutambula nzila nyonso na ngaanda ya tenta, na kutambulaka kukwenda mpe kuvutuka,” mpe yandi tubaka, “na mbala mosi mu lendaka ve kvingila na kukuma na kyelo, mu komvulaka na yisi ya yawu ntangu mbokolo na autel kusalamaka, mpe kimaka na autel mpe fukamaka, yandi tubaka, ‘Mfumu, mu kele musumuki!’” Mpe yandi tubaka, “Na yina Yandi fulusaka munu na Mpeve-Santu ya Yandi.”

292 Mpe yandi tubaka, “Mu lenda tuba bandinga nana ya kuswaswana,” samu ti yandi kele diplomate. Beno me mona? Yandi kele . . . yandi kele na . . . yandi—yandi kele diplomate na lweka ya Ntwadisi ya yinsi, mpe . . . tuka Woodrow Wilson na yisi. Yandi kele diplomate ya mosi na mosi ya Bantwadisi ya beto ya yinsi, diplomate na bayinsi ya nzenza yandi lenda zonza ndinga nyonso ya bayinsi ya nzenza. Yandi tubaka, “Na kutala mu zaba bandinga nyonso ya kusonama na yinza.” Kasi yandi tubaka, “Mu vwandaka mingi ya kifuluka na nkembo ti mu lendaka ve kusadila mosi ya yawu na kukembila Yandi, na yina Mfumu me pesa munu mosi ya malu-malu ya Mazulu samu na kukembila Yandi.” Oh! Ooh! Beno bawu yayi.

293 “Kukeba kyelo yayi.” Cain mpe Abel me kwiza awa samu na kusambila. Na yawu ya zolaka vwanda autel bawu zolaka keba. Ya kele kieleka, Bakeluba yayi?

294 Kima yankaka, beno tala awa kele kimbangi yankaka. Cain . . . Beno tala mbote Biblia ntangu yayi! Mu ke zola beno kubaka yawu, kasi ya . . . beno bika, beno lenda kuzwa yawu na Genèse. Mbote mingi, beno tala mbote. Cain kwendaka kuna, Cain kwendaka na Mvwandulu ya Mfumu na mwelo ya disamba. Na yawu Mvwandulu ya Mfumu zolaka vwanda na autel, mpe autel vwandaka na mwelo. Nkembo! Oh! Mbote mingi. Ya kele kisika ya Nzambi ya kuzinga, na autel ya Yandi. Ntangu yayi, Cain kwendaka kuna na Mvwandulu ya Mfumu, na kisika yayi.

Beno zola kusionika yawu? Genèse 4:16, kana beno zola kusionika yawu. Ntangu yayi, ntangu yayi, beno me kuzwa nyonso yina, beno me sonika?

<sup>295</sup> Ntangu yayi, mu kele na kima yankaka yina mu zola kufikula awa kaka minuti. Mu banza kaka ti ata mosi ya madeso ya beno ke na kuzikaka, to nyonso na . . . Ntangu yayi, beno tala . . . Ti ya kuzika, ya kele mbote, ya ke beba na mutindu nyonso. Beto—beto banza na yawu awa, yayi kele—yayi kele kima yina—ya kele kieleka.

<sup>296</sup> Ba zangulaka Moïse na Mazulu, Moïse, bakaka yandi na ntoto na Mazulu mpe monaka autel ya Nzambi. Ya kele kieleka? Mu ke na kumeka na kutalisa kisika ya munu awa. Beno zaba yina mu ke mekaka na kusala, mutindu yina ve? Mbote mingi. Yandi mataka na Mvwandulu ya Nzambi. Mpe ntangu yandi kulumukaka na Mvwandulu ya Nzambi, yandi tubaka, Mo- . . . Nzambi tubaka na Moïse, “Sala nyonso na ntoto mutindu na Mazulu.” Ya kele kieleka? Mbote mingi.

<sup>297</sup> Ntangu yayi, na yina ntangu yandi salaka yawu, ntangu yandi salaka Nzasa ya Ngwisani, yandi tulaka Bakeluba zole na kukeba nzasa. Beno me mona yinki ya kele? Ya vwandaka tempelo . . . ya vwandaka autel, mikengi ya Kiti ya kimfumu. Bakeluba zole yina, Yandi tubaka “Sala yawu na kisengo mpe tula mapapu ya bawu kusimba mutindu *yayi*,” samu ti ya kele kieleka yina yandi monaka na Mazulu.

<sup>298</sup> Ya kele kieleka yina Jean monaka na Mazulu, Bakeluba yiya yayi na balweka yiya ya nzasa ya Kiti ya kimfumu na Mazulu. Ba vwandaka mikengi ya nzasa. Bakeluba, mikengi na kiti ya kyadi.

<sup>299</sup> Kana beno zola kutanga Masonuku yina (beto kele ve na ntangu ya kubaka yawu), beno sonika Exode 25:10 tii na 22.

<sup>300</sup> Ntangu yayi, bawu ke keba kiti ya kyadi ntangu Nzambi kele na Nkembo ya Yandi ya Shekinah. Wapi kisika vwandaka Nkembo ya Shekinah? Na kiti ya kyadi. Ya kele kieleka? Bawu vwanda keba Nkembo ya Shekinah. Hmm! Fiu! Beno kuwa, bankundi! Kuna ya ke lakisa ti konso kimpumbulu ve lenda kwiza kuna mpe kubaka Yawu. Beno fwana kubama ntete beno kota na Mvwandulu ya Yandi.

<sup>301</sup> Beno tala Aaron, na kifwani. Ntete . . . Ntangu yayi, beno bambuka moyo, dibuundu na bilumbu ya bawu zolaka belama ve na yawu. Kasi ntangu Aaron kotaka . . . Bambala yikwa yandi zolaka kota na kati ya Yawu? Mbala mosi mvula. Wapi mutindu yandi kuzwaka . . . ? Yandi zolaka lwata mutindu mosi ya bilele, yina vwandaka ya kutunga na mutindu mosi ya maboko, bilele ya mutindu yankaka. Yandi zolaka lwata bilele ya mutindu mosi. Yandi vwandaka na bambuma ya grenade mpe ngunga, ti ntangu nyonso yandi vwandaka tambula ya zolaka bula “Santu, santu, santu, kele Mfumu.” Yandi vwandaka belama na kiti ya kyadi, na menga.

<sup>302</sup> Mpe yandi zolaka vwanda ya kupakulama na mutindu mosi ya mafuta, yandi vwandaka ya tula mananasi mosi ya mutindu yankaka ya rose ya Sharon. Mpe Yesu vwandaka Rose ya Sharon yina. Mpe, beno tala, rose kele kima ya kitoko mingi, ya kele na mananasi na kati ya yawu. Kasi ntete mananasi kubasika, ba fwana nika rose, mpe kuna ba ke kuzwa mananasi na rose. Yesu, na luzingu ya Yandi, vwandaka luzingu mosi ya kitoko mingi yina me zingaka ntete ve; kasi Yandi zolaka vwanda kaka ve mutindu yina, samu ti Yandi zolaka kupakulama Dibuundu ya Yandi (samu na kubelama Busatu ya Yandi), na yawu ba katulaka luzingu ya Yandi. Mpe Mpeve-Santu mosi yina vwandaka na zulu ya Yandi kele ya kutula na zulu ya Dibuundu, mpe Yandi ke sala Yandi mutindu mosi mazono, mpe bubu yayi, mpe kukonda nsuka, Rose ya Sharon, mananasi ya yawu. Muntu yina ke belama na kati ya kisika yayi ya kulutila Santu na ya kulutila santu fwana vwanda ya kupakulama na Mpeve-Santu mosi. Mpe na yina yandi vwandaka tambula, “Santu, santu, santu, kele. . .” (Ve na cigare na yinwa ya yandi.) “Santu!” (Ve na nkingu ya yandi ya kubaluka.) “Santu, santu, santu” ya kulwata na busantu ya Yesu Klisto. Hmm! Mutindu Nge kele mbote! Oh!

<sup>303</sup> Ntangu yayi, “kiti ya kyadi.” Ntangu yayi, kiti ya kyadi na kati ya ntima, kiti kisika ke lezimaka Nkembo ya Yandi—ya Yandi na kati ya bana ya Yandi, Nkembo ya Shekinah na kati ya ntima ya muntu. *Awa* kele ntima ya muntu. Ya kele kieleka? Yina kele kiti ya kyadi? Wapi mutindu beno ke kumina na Yawu na nzila ya ba-systeme yankaka yayi? Na nzila ya luzolo ya beno mosi, luzolo ya beno. Yina ke kota *awa*, mpe ke lutila *kuna*, ke basika *yinki*? Nkembo ya Shekinah. Yinki—yinki kele Nkembo ya Shekinah? Ya kele Mvwandulu ya Nzambi. Mpe ntangu bakala ke tambula, to kento, yandi ke lakisa Nkembo ya Shekinah. Yandi ke kwendaka ve na bansaka ya mbongo mpe—mpe ke sala nyonso, mpe ke basika awa mpe ke manga Ndinga. Ata yina bantu ke tuba, ntima ya yandi kele ya kuvwanda na zulu ya kima mosi: Nzambi. Mpe kana kieleka ba me bokila yandi na Nzambi kuna Yesu Klisto ke lakisa Yandi mosi na nzila ya yandi na Nkembo ya Shekinah, ke sala bima mutindu mosi yina Yandi salaka ntama kuna; ke talisa Nsangu mosi yango ya mbote, na kulongaka Ndinga mosi, Ndinga mosi me talana na kitezo mosi yina ya vwandaka kuna, kaka mutindu ya vwandaka kieleka na Pentecote ya me tezama dyaka. Oh, la la!

<sup>304</sup> “Kiti ya kyadi.” Ezéchiel mpe Jean kumonaka bima mosi. Ntangu yayi, beno tala, ntangu yayi beto me kuma na nsuka, kaka na mwa ntangu fyoti. Ntangu yayi, beno tala kisika mu zola ti beno simba kima. Oh, lemvo beno kondwa yawu ve! Ntangu yayi, bantu yikwa zaba ti Bakeluba yango vwandaka *Bivangu ya moyo* mpe bibulu ve? Bawu vwandaka . . . kisika ya kulutila zulu.

<sup>305</sup> Ntangu yayi, Wanzio kele na kisika ya kulutila zulu na muntu to kisika ya kulutila yisi? Mbote mingi, tata. Nani me

lutila nene, mwana ya Nzambi to Wanzio? Mwana ya Nzambi! Nani Nzambi ke kuwa mbote, Wanzio ya kutelama kuna na ntwala ya Yandi yina ke lomba kima mosi, to mosi ya beno nyonso ke lomba? Mosi ya beno nyonso! Beno me mona, samu ti beno kele bana ya babakala mpe bana ya bakento. Bawu kele—bawu kele bisadi. Beno me mona? Bawu kele bisadi, mpe beno kele bana ya babakala mpe bana ya bakento. Na yawu beno ke mona mutindu ya lutumu beno kele na yawu, beto kele kaka na boma ya kusadila yawu.

<sup>306</sup> Ntangu yayi, mu zola beno kutala awa, yayi kele kitoko. Oh, la la! Beno bika mu luta awa mpe kubika mosi ya yayi samu ti mu kuma mbangu na yayi. Beno baka bilapi ya beno ntangu yayi, beno tala yina kieleka mu vwandaka zola ti beno kubaka. [Mpangi Branham me sala kifikulu na tablo—Mu.] Mu banza ti mu fwana sala yawu mwa fyoti mingi. Ntangu yayi, Israël na nzyetolo ya bawu, ntangu bawu vwandaka vwanda na ba-camp, ntangu yayi beno tala yayi mbote, bawu vwandaka vwanda na ba-camp: mosi, zole, tatu, yiya. (Ve, mu banza ti mu kele na foti.) Mosi, zole, tatu; mosi, zole, tatu; mosi, zole, tatu; mosi, zole, tatu; ya kele kisika bawu vwandaka vwanda na ba-camp na ziunga ya kiti ya kyadi. Ntangu yayi, mu zaba, beno nyonso zaba yawu, beno me talaka yawu mbote mpe me tangaka yawu na Ngwisani ya Ntama.

<sup>307</sup> Ntangu yayi, na lweka ya esete, na lweka ya esete, kaka *awa*, mu ke tula yawu na yisi mutindu ti kieleka beno kuzwa yawu. Esete, lweka ya esete vwandaka ntangu nyonso Juda. Yayi kele mwelo, J-u-d-a, Juda. Mpe na Juda. . . vwandaka yintu ya makanda tatu na bendele ya bawu; makanda tatu na bendele ya bawu, bendele ya Juda. Beno ke bambuka moyo. . . Bantu yikwa me monaka *Balutumu Kumi*, ya Cecil DeMille *Balutumu Kumi*? Mbote mingi. To, beno tanga yawu kaka awa na Masonuku, na Masonuku kuna, na kisika, kuna vwandaka Juda na lweka ya esete. Mbote mingi.

<sup>308</sup> Na lweka ya wesete, *awa* na ysi, (Ntangu yayi beno sonika yawu, beno ke tanga yawu kaka. . . ya kele na Exode, mpe nyonso, mutindu bawu basikaka.) ya vwandaka na Ephraïm, E-p-h. Mpe yandi vwandaka na makanda tatu na bendele ya bawu. Mbote mingi, Ephraïm.

<sup>309</sup> Ntangu yayi, mpe na lweka ya sude vwandaka Ruben, R-u-b, na makanda tatu, mpe na bendele ya bawu.

<sup>310</sup> Mpe na lweka ya node vwandaka Dan, Dan na makanda tatu, mpe makanda tatu mpe na bendele ya bawu. Mbote mingi.

<sup>311</sup> Ntangu yayi, ya kele mutindu ba vwandaka vwanda na ba-camp. Ntangu yayi, beno bambuka moyo, beto tanga ntangu yayi na Masonuku ntangu yayi samu ti beto kuzwa kaka yayi kieleka. Mu ke banda na nzila ya 7:

*Mpe kibulu . . . vwandaka mutindu na nkosi, mpe . . . ya zole mutindu na mwana ya ngombe, (to ngombe ya ntwenya) mpe kibulu ya tatu vwandaka mutindu na kizizi ya muntu, mpe kibulu . . . yiya vwandaka mpe . . . kibulu ya yiya vwandaka mutindu ngononi ke pepa.*

*Mpe bibulu yango yiya mosi na mosi vwandaka na mapapu sambanu na zulu ya yandi; mpe bawu vwandaka ya kifuluka na meso na kati: mpe bawu vwandaka pema ve ntangu mpe mpimpa, na kutubaka, Santu, santu, . . . Mfumu Nzambi ya Ngolo nyonso, yina vwandaka, ya kele, mpe ke kwiza.*

*Mpe ntangu bibulu yayi kupesaka nkembo mpe lukumu mpe matondo na yandi yina vwandaka na kiti ya kimfumu, yina ke zinga kukonda nsuka mpe kukonda nsuka,*

*Bakuluntu yiya mpe makumi zole fukamaka na ntwala ya yandi yina vwandaka na kiti ya kimfumu, mpe sambilaka yandi yina ke zinga kukondwa nsuka mpe ntangu nyonso, mpe losaka bayimpu ya bawu—losaka bayimpu ya bawu na ntwala ya kiti ya kimfumu, na kutubaka,*

*Nge kele ya kulunga, O Mfumu, samu na kuzwa nkembo . . . buzitu . . . ngolo: samu ti nge me vangaka bima nyonso, mpe samu na kilengi ya nge ya kele . . . kwanga.*

<sup>312</sup> Ntangu yayi, ntangu yayi, beno tala mbote. Na lweka ya esete—na lweka ya esete, yandi monaka wapi mutindu ya kizizi? Kana beno tala, ya vwandaka nkosi, n-k-o-s-i, ya vwandaka bendele. Ya vwandaka bendele ya Juda. Samu ti Yandi kele . . . Yesu basikaka na . . . Kieleka! Mpe Yandi kele Nkosi ya dikanda ya Juda.

<sup>313</sup> Ntangu yayi, bantu yikwa me monaka ntete zodiake? Mingi na kati ya beno zaba yinki ya kele: mbwetete. Beno me mona? Yina vwandaka Biblia ya ntete ya Nzambi. Ntangu yayi, na yinki yawu me banda, ntalu ya ntete na zodiake, kidimbu ya ntete? Ya kele mwense! Ya kele kieleka? Mpe yinki kele ya nsuka? Leo, nkosi. Nkwizulu ya Ntete mpe Nkwizulu ya Zole ya Klisto, nyonso na nzila kuna. Bawu ke kuzwa cancer kuvukisa . . . to nsungi ya kuvukisa kele kaka kisika ya kele kuvukisa bambisi, yina kele nsungi ya cancer, mpe beto ke zinga kaka na nzila ya yawu.

<sup>314</sup> Mpe beno tala na pyramide ntangu yandi tungaka yawu, na ntangu ya Enoch, ditadi nyonso vwandaka kuna. Bawu zolaka teza bima yango kaka kieleka mpe kutuba bamvita mpe nyonso. Nyonso kele ya kulunga kasi Ditadi ya nsongi. Samu na yinki? Beno me talaka mbongo ya beno ya mukanda ya dollar? Beno baka yawu mpe beno tala, ya kele na plafo ve. Samu na yinki?

Ba tulaka yawu ata mbala mosi ve plafo. Klisto kele Ditadi ya nsongi yina ba losaka, Yandi vwandaka Ditadi ya nsongi yina ba losaka. Yandi ke na kukwiza ntama mingi ve. Beno tala mbote mutindu Dibuundu yina, kuna na nsungi ya ba-Luthérien, nzila nyonso na yisi; na manima kumaka nkonga ya fyoti, kulutila fyoti ndambu, kulutila dyaka fyoti tii ya me kulumuka; na manima ya me bika nsungi ya Pentecote, na manima me vutuka dyaka na konso ditadi samu na kukota mbote na kutula plafo kuna, Dibuundu yina ke nata Yesu Dan mutindu mosi mazono, bubu yayi, mpe kukonda nsuka. Kele kaka ya kulunga mutindu ya lendaka vwanda!

Ntangu yayi, Yandi vwandaka Nkosi ya dikanda ya Juda.

<sup>315</sup> Ntangu yayi, muntu nyonso yina me tangaka ntete Biblia zaba yinki vwandaka ntalu ya Dan, to yinki—yinki Dan. . . Oh, mu zola kutuba yina, yinga, yinki Dan vwandaka? Yandi, yandi vwandaka ngononi. Ya kele kieleka. Yandi vwandaka ngononi. Kana muntu me tangaka Biblia. Yandi vwandaka ngononi.

<sup>316</sup> Ntangu yayi, Ruben vwandaka muntu. Yandi vwandaka ya ntete, yina vwandaka ya kulemba mingi na kati ya nkonga. Jacob tubaka mutindu yina ve na—na Genèse 49? “Ruben, nge kele ngolo ya munu ya ntete; kasi mutindu maza, nge me mata na kisika ya munu ya kulala mpe me vwenza kisika ya munu ya kulala,” mpe zingaka na dikangu ya tata ya yandi. Beno me mona, ya kele buzitu ve samu na bantu. Beno me mona? Niama kele ve na buzitu yina, nkosi, ata mosi ya bima yayi kele na yawu; kasi muntu kele na yawu, ke basika na kento ya muntu yankaka mpe nyonso yina. Kaka mutindu. . . Kaka kima mosi, bima nyonso me mana.

<sup>317</sup> Ntangu yayi, yayi na yisi awa, *yayi*, Dan vwandaka ngononi. Mpe, *yayi*, Ruben vwandaka kizizi ya muntu. Mpe Ephraïm kele ngombe. Ntangu yayi, beno me kuzwa kizizi kuna? Ephraïm. . . Ya kele mutindu bawu vwandaka vwanda na ba-camp, na Biblia.

<sup>318</sup> Ntangu yayi, kana beno tala, Dan kele mfumu ya makanda tatu, Juda kele mfumu ya makanda tatu, Ruben kele mfumu ya makanda tatu, mpe Ephraïm kele mfumu ya makanda tatu. Tatu bambala yiya kele kumi na zole, makanda kumi na zole ya Israël. Beno me mona, mosi na mosi na benedele ya bawu; mpe benedele ya Juda vwandaka nkosi; benedele ya Ruben, muntu; benedele ya Ephraïm, ngombe; benedele ya—ya—ya Dan vwandaka ngononi.

<sup>319</sup> Ntangu yayi, beno tala na manima awa yina Jean tubaka, “Mpe mosi vwandaka na kizizi. . .” Beto tanga awa ntangu yayi, beno tala kana ya kele ve kima mosi yina vwandaka na Mazulu:

. . . *kibulu ya ntete vwandaka mutindu nkosi, (Juda) . . . kibulu ya zole vwandaka mutindu mwana ya ngombe, (yina kele ngombe ya ntwenya) . . . kibulu*

*ya tatu vwandaka kizizi ya muntu, mpe kibulu ya yiya vwandaka . . . ngononi ke pepa.*

320 Kaka kieleka mutindu makanda ya Israël vwandaka vwanada na ba-capm na ziunga, ke keba, ba kele mikengi ya ntoto na muzwa ya nzaza. Oh, Alleluia! Beno ke mona yawu ve?

321 Awa! Kyadi, k-i-t-i y-a k-y-a-d-i, “kiti ya kyadi.” Kima ve zolaka zungidila yawu kukondwa kusabuka makanda yango. Kusabuka yinki? Nkosi; kusabuka muntu, mayele ya muntu; mpe kusabuka mpunda ya kisalu, mutindu ngombe; to kusabuka ngononi, mbangu ya yandi yayi. Beno me mona? Mazulu, ntoto, na kati-kati, mpe nyonso na ziunga; beno me mona, bawu vwandaka mikengi. Mpe na zulu ya yawu vwandaka Dikunzi ya Tiya. Mpangi, kima mosi ve ke simba kiti yina ya kyadi kukondwa kubelama . . .

322 Mpe kima mosi kaka zolaka belama na ya vwandaka na nzila ya menga. Aaron vwandaka kwenda kuna mbala mosi na mvula na menga. Ntangu yayi beno ke mona yawu? Ntangu yayi, beno tala mbote. Konso mfumu ya makanda tatu vwanada keba kiti ya kyadi, kiti ya kyadi ya Ngwisani ya Ntama. Ntangu yayi, beno me baka yawu, muntu nyonso? Ntangu yayi, awa kele mosi ya malumu, mpangi. Beno kuwa yayi, na manima beto ke kwenda. Ntangu yayi, beno bambuka moyo ti, yina vwandaka mikengi ya Ngwisani ya Ntama. Bantu yikwa me tangaka ntete yawu na kati ya Biblia, beno zaba kana ya kele kieleka? Beno me mona, ya kele mikengi ya Ngwisani ya Ntama.

323 Ntangu yayi beto ke na kuzingaka na nsungi yankaka. Nkembo! Oh, mu zola nsungi yayi! Beno ve? Ntangu yayi, Nzambi kele na kiti ya kyadi ya kukeba bubu yayi. Beno ke kwikila yawu? Wapi kisika kele kiti ya kyadi? Na kati ya ntima ya muntu. Wapi kisika ya me katuka na ntima ya muntu? Na kilumbu ya Pentecote ntangu Mpeve-Santu (yina kele Nzambi) kwizaka na kati ya ntima ya muntu. Ya kele kieleka? Ntangu yayi, beto baka yayi awa, mpe beno kubama na kufikula yawu kana beno zola. Pentecote, P-e-n-t, mu ke tula Pentecote. Yayi kele kiti ya kyadi, Mpeve-Santu. Beno tula yawu awa . . . Mu ke tuba na beno yina, ya ke vwanda mbote mingi, beto baka awa “Yembe” yina zola kutuba . . . ndeke yayi, beno me mona. Mbote mingi, ke keba kiti ya kyadi, ntangu yayi Nzambi kele na mikengi samu na kiti ya kyadi bubu yayi? Ntangu yayi ti . . . Ntangu yayi, beno tala mbote mutindu kitoko ba me fikula yawu.

324 Mu vwandaka ya kuvwanda kilumbu yankaka yina mpe mu monaka yayi, mpe mu me dumuka kaka mpe me zungidila mpe me zungidila mpe me zungudila kiti, na kutubaka, “Nkembo! Nkembo! Nkembo! Nkembo!” na kuzungudilaka, kuzungudilaka. Charlie, mu ke salaka ya kulutila na yina mu ke salaka kuna na mfinda ntangu yankaka. Mpangi-kento Nellie, kana mu sala mutindu yina, nge ke basisa munu na nswalu

na yinzo ya nge. Huh? Oh, mu kuzwaka kaka ntangu mosi ya nkembo. Ntangu yayi, beno tala mbote yinki ya vwandaka, yina Mfumu salaka.

<sup>325</sup> Ntangu yayi, Pentecote, na manima ya Pentecote, ba sonikaka Buku ya (Yinki?) Actes ya Mpeve-Santu, A-c-t-e-s. Ya kele kieleka? Actes ke banda na yinki, kima ya ntete na kukota na mpulusu? Actes 2:38. Beno tala ya nsuka yayi, pene. Ya kele kieleka? “Bawu nyonso vwandaka ya fulukaka na Mpeve-Santu mpe bandaka na kutuba bandinga yankaka. Mpe Pierre telamaka mpe longaka bawu dilongi. Ba tubaka, ‘Yinki beto lenda sala? Wapi mutindu beto ke kota na yawu?’ Yandi tubaka, Actes 2:38, ‘Beno balula ntima, mpe mosi na mosi ya beno kubotama, na Nkumbu ya Yesu Klisto.’”

<sup>326</sup> Ntangu yayi, beno bambuka moyo, Nzambi kele na mwa mikengi samu na yawu—samu na kiti ya kyadi. Yinki kele kiti ya kyadi yina bawu ke keba? Mbote mingi. M-a-t-h, Matthieu, na esete; Luc, Luc; Marc; mpe Jean. Bansangu nyonso ya bawu yiya ya mbote siamisa Buku ya Actes ke kwiza, bawu ke bumbaka yawu kisika nyonso beno ke zola kutala yawu.

<sup>327</sup> Beto baka kaka mosi, kaka mosi, beto kele ve na ntangu. Mu kele na makumi zole to mingi ya kusonika awa, kasi beto baka kaka mosi samu na dilongi yayi ya mpulusu. Beto ke vwanda na ntangu ya kusambila? Ve, ya me kuma ngunga mosi, na yawu mu banza ti beto ke kuzwa dyaka yawu ve kana ti beno nyonso zola ba sambila samu na bambevo. Ntangu yayi, mu me . . . Mu kele kaka na ntangu mingi. Beno me mona? Mbote mingi.

<sup>328</sup> Ntangu yayi, beno tala yayi! Matthieu, Marc, Luc, mpe Jean, yinki ya kele? Ntalu ya ntoto, ya Bansangu ya mbote, yiya. Mbote mingi, beno tala.

<sup>329</sup> Ntangu yayi, Matthieu 28:19. 28, ntangu yayi, ya kele kisika beno bampangi ba-trinitaire ke talaka, na 28:19. Mbote mingi. Matthieu, na kitini ya nsuka ya kapu, ya ke tuba, “Na yawu beno kwenda, kulonga bayinsi nyonso, na kubotikaka bawu na Nkumbu ya Tata, Mwana, Mpeve-Santu”; kasi awa me kwiza Pentecote, mpe Pierre ke tuba “Beno balula ntima, mpe beno botama na Nkumbu ya Yesu.”

<sup>330</sup> Ya kele na kima ke tambula mbote ve kuna. “Matthieu, nge kele mukengi yango ya mwelo ya esete?”

<sup>331</sup> Wapi mutindu kele mwelo? Mwelo kele yinki? Yesu. Yesu tubaka, “Fyoti kele mwelo.” Ya kele kieleka? Ba ke sonikaka yawu . . . Wapi mutindu ba ke sonikaka yawu, f-y-o-t-i to k-u-s-u-n-g-a-m-a? [Na Kingelesi: strait to straight ke wakanaka mutindu mosi—Mu.] *F-y-o-t-i* zola kutuba “maza,” “maza kele mwelo.” Wapi mutindu beno ke kotaka? “Beno balula ntima, mosi na mosi ya beno mpe beno botama na Nkumbu ya Yesu Klisto,” samu na kufungula mwelo. Yinga! Fiu!



332 “Oh, kasi, Mpangi Branham, nge kele na Matthieu 28:19 kuna.” Ya kele kieleka mbote. “Kasi, Matthieu, nge kele mukengi ya yawu?”

“Kieleka, mu kele mukengi ya kulunga.”

333 Ntangu yayi beno baka Matthieu 1:18 mpe beno mona yinki ya ke tuba, beno tala kana ya ke keba—ke keba yayi. Beno tala kana Matthieu 1:18 ke keba Matthieu 1...28 mpe Actes 2:38. Beno mona kana ya ke keba yawu!

*Ntangu yayi Yesu Klisto butukaka mutindu yayi: . . .*

“Beno tala Tata ya Nzambi, Nzambi Mwana, Nzambi Mpeve-Santu,” bawu ke na kumeka na kutuba.

*. . . Yesu Klisto butukaka mutindu yayi: Na yina . . . mama ya yandi Marie wandaka fiancé na Joseph, ntete bawu kuvwanda kintwadi, yandi kuzwaka kivumu ya Mpeve-Santu.*

Nani? Yina me tula bawu zole Mosi!

*Mpe yayi wandaka . . . nyonso . . . me kusalamaka, ti . . . Mpe tala, . . .*

*Ntangu yayi Joseph bakala ya yandi, na kuvwandaka muntu ya mbote, . . . na kuzolaka ve kutalisa yandi nsoni na meso ya bantu, wandaka yindula na kufwa makwela na yandi na mutindu yayi.*

*. . . beno tala, wanzio ya Mfumu, kukulumuka, kwizaka na yandi (Nge zaba.) mpe tubaka, Joseph, nge mwana ya David, vwanda na boma ve na kubaka na nge Marie kento ya nge: samu ti kivumu yina kele na yandi kele ya Mpeve-Santu. (Benome mona?)*

*Mpe yandi ke buta mwana ya bakala, . . . ba ke pesa yandi nkumbu YESU: . . .*

*Yawu vwanmdaka . . . nyonso . . . me salama, ti ya kulungisa yina . . . na nzila ya profete, . . .*

*Yina kele, mwense ke vwanda na kivumu . . . (Esaie 9:6) . . . mwense ke vwanda na kivumu, mpe . . . ke buta mwana ya bakala, mpe ba ke bokila yandi . . . [Dibuundu me tuba, “Emmanuel.”—Mu.]*

334 Yandi ke kebaka yawu? “Tata, Mwana, mpe Mpeve-Santu,” Tata, Mwana, mpe Mpeve-Santu, kaka yayi: bisalu samu na Nkumbu yina. Na yawu mukengi ke telama kaka kuna samu na kusiamisa yawu. Benome bakula yawu? Oh, la la! Ntangu yayi, bantu yikwa zaba yawu? Yawu yayi! Yandi kele mukengi.

335 Ntangu yayi, ti kaka . . . Mu kele na kikunku yankaka ya muvimba samu na mpulusu, beno baka bayankaka yayi. Kasi ntangu yayi kana beto ke vwanda na mulonga ya bisambu kaka na mwa minuti, kaka na pene baminuti kumi beto meka kima

yankaka awa kaka minuti. Beto baka mwa Masonuku ntangu yayi. Wapi kisika mu me sonika yawu? Yawu yayi. Mbote mingi.

<sup>336</sup> Ntangu yayi beto baka mpe beto mona kana Matthieu awa ntangu yayi ke keba yawu samu na kubeluka ya Kinzambi. Beno me baka bilapi ya beno mpe nyonso ntangu yayi, ti beno ke na kusonikaka yayi? Mbote mingi. Beno mona kana Matthieu ke kabula . . . ke keba yawu. Beto baka Matthieu 10:1.

<sup>337</sup> Beto baka mpe beto tala kana Jean . . . kaka mosi to zole, beto baka zole, to mosi to zole ya yina bayayi kele, Jean 14:12, mpe 15:7.

<sup>338</sup> Beno mona kana bawu ke keba kubeluka ya Kinzambi na ziunga ya Kiti ya kimfumu ya Nzambi! Marc 16, Marc 11:21 mpe 22.

Luc 10:1 tii na 12, mpe Luc 11:29 tii na 31. Beto tala fyoti ya yawu, beno mona kana bawu ke keba, beno mona kana bawu ke keba mbote na kubeluka ya Kinzambi mutindu mosi bawu kebaka mwelo ya mbotika na Nkumbu ya Yesu. Beto lendaka baka yawu na nzila ya mosi na mosi ya yawu. Ya kele kieleka.

<sup>339</sup> Ntangu yayi beto vutuka mpe beto mona Matthieu 10:1. Beno vutuka kaka manima ntangu yayi samu ti beto . . . mpe na manima beto ke sukisa kaka na kutala na manima ya baminuti tanu, to kumi, na mutindu nyonso, kana Mfumu zola. Mbote mingi, beto baka Matthieu 10, beno tala kana Matthieu ke keba Bisalu ya bantumwa.

<sup>340</sup> Beno banzaka ti—ti Nzambi ke tula ve mukengi na ziunga ya Ndinga ya Yandi? Beno mona kana ngombe yina, nkosi, muntu, ngononi kele dyaka ve ya kuvwanda na myelo yango kaka awa na zulu ya ntoto ntangu yayi? Beno tala Nsangu ya mbote, Bansangu ya mbote yiya. Beno me mona? Mpe, beno tala, konso mutindu bawu vwandaka kwenda bawu vwandaka kwenda na ntwala. Bawu ke tulaka ntembe ve na mosi na yankaka, bawu ke vwanda na mosi na yankaka. Beno me mona? Mosi ke kwenda na mayele ya muntu; mosi yankaka ke kwenda na mbangu ya ngononi; yankaka yina kele pasteur . . . Mosi kele evangéliste, ke pumbuka mutindu evangéliste, beno me mona; yankaka yina kele pasteur; yankaka yina kele na ngolo; yankaka yina kele na mayele. Beno me mona, vwandaka keba lweka nyonso, Nzambi vwandaka keba Nsangu ya mbote ya Mpeve-Santu yayi! Beno ke kwikila Yawu, mpangi! Mbote mingi.

<sup>341</sup> Ntangu yayi beto baka Matthieu 10:1.

*Mpe ntangu yandi bokilaka na yandi bilandi kumi na zole, yandi pesaka bawu ngolo . . . (Hmm!)*

Bawu vwandaka ya kuvukana na kivinga ya zulu,  
Bawu nyonso vwandaka sambila na Nkumbu ya Yandi,

Botamaka na Mpeve-Santu,  
 Mpe ngolo ya kisalu kwizaka;  
 Yina Yandi salaka samu na bawu kilumbu yina  
 Yandi ke sala samu na beno mutindu mosi,  
 Mu kele na kyese mingi ti mu lenda tuba ti mu  
 kele mosi ya bawu.

<sup>342</sup> Oh, beno lembika kaka bébé minuti kaka ntangu yayi. Beno kuwa kaka, beno kuwa mbote:

*. . . mpe pesaka bawu ngolo ya kutelemina bampeve ya yimbi, . . .*

<sup>343</sup> Ba-pasteur mingi ke bikaka kaka bampeve ya yimbi kuvwanda kaka na kati ya dibuundu ya yandi; kulwata ya bakento, bisalu, bansaka ya bakalati, bansaka ya mbongo, mabina, kudya, nyonso . . . Oh, kyadi!

*. . . ya kutelemina bampeve ya yimbi, na kubasisa bawu, mpe kubelusa mutindu nyonso ya kimbevo mpe mutindu nyonso ya kubela.*

<sup>344</sup> Beno ke mona mukengi yina kutelama kuna na mwelo? Mukengi ya Nsangu ya mbote samu na kusimbidila buku yango ya Actes yina kusonamaka!

<sup>345</sup> Ntangu yayi, mu kuwaka ntama mingi ve mulongisi mosi ya nene, kutuba, . . . mosi . . . muntu ya nene, muntu ya mbote, mu kutanaka na yandi, mu pesaka yandi mbote, mpangi ya bakala ya mbote. Yandi tubaka, “Kasi Actes ya bantumwa vwandaka kaka lufulu ya Dibundu.” Huh! Na nzonzolo yankaka, yandi vwandaka lufulu *awa*, beno me mona. Na yina, Bisalu ya bantumwa vwandaka na kati, mpe Bansangu ya mbote yayi kele lufulu samu na kusimbidila Yawu kintwadi mpe kukeba Yawu. Beno me mona mutindu dibanza ya muntu lenda sala kima. Mu zolaka banza kima mosi kana ya vwandaka ve samu na Yandi. Beno me mona?

<sup>346</sup> Lufulu, Pentecote vwandaka ve lufulu ya Nsangu ya mbote. Bansangu ya mbote yiya kele lufulu ya Pentecote! Na manima bawu vwandaka na lufulu yayi, Pentecote kumaka moyo. Ya kele kieleka? Yinki ba sonikaka ntete, Buku ya Actes to—to bantumwa? Bantumwa. Yesu kwendaka na ntwala na kusalaka bisalu mpe kutubaka na ntwala yinki ke salama, mpe Matthieu, Marc, Luc, mpe Jean, mikengi yiya yina kwizaka mpe vwandaka sonika nyonso yina bawu monaka kusalama, na kutubaka kaka yawu mutindu ya kele, mutindu ya zolaka salama, yina zolaka salama. Na manima na mbala mosi ba kangaka Yawu na ziunga, mpe Yawu yayi! Amen! Matthieu, Marc, Luc, mpe Jean, kele lufulu, to kisalu ya mukengi yina ke kengilaka tempelo ya ntete, Kiti ya kimfumu, Lusakumunu ya Pentecote.

<sup>347</sup> Denomination ya ba-Pentecotiste ve, mpangi ya bakala, mpangi ya kento, ba kele na ngaanda ya kima ya muvimba, uhum, ntama mingi na mabuundu yankaka. Ba me kwenda ntama

kulutila ba-Luthérien vwandaka. Ba-Luthérien bumbaka mwa fyoti kulutila bawu, mpe ya kele kieleka, mpe mingi mutindu yina. Ya kele kaka kieleka, Gene, samu, ntangu yayi, mu me mona ve Yesu na ngaanda ya dibuundu ya ba-Luthérien, na kumekaka na kukota na kati, kasi na kumekaka. . . . samu mu banza ti Yandi vwandaka ata mbala mosi ve na kisika ya ntete. Kasi Yandi—Yandi vwandaka na dibuundu ya ba-Pentecotiste mpe ba tulaka yandi na ngaanda. Ya kele kieleka.

Ntangu yayi, Matthieu 10:1.

<sup>348</sup> Ntangu yayi beto kwenda awa na Jean 14:12 mpe kumona kana—kana—kana Jean ke simbidila mpe ke keba bima ya ntalu ya Pentecote. Na Jean, kapu 14 mpe nzila ya 12, Yesu ke zonza:

*Ya kieleka, ya kieleka, mu ke tuba na beno, Yandi yina ke kwikila na munu, bisalu yina mu ke sala yandi mpe ke sala; mpe bisalu ya kulutila nene na yayi yandi ke sala; samu mu ke kwenda na Tata ya munu.*

<sup>349</sup> Oh, mpangi, mwelo yina kuna, kisika ngononi vwandaka ya kuvwanda kaka kuna samu ti ya kele kimalu ya kumwangisa nsangu, beno zaba, kupepa mutindu ngononi. Mbangu, kumata mbala mosi na yinsi ya profesi na zulu kuna, beno me mona, lenda mona bima na ntuala mpe kutuba bima yina vwandaka, yina kele, mpe ke kwiza. Beno me mona? Vwandaka kaka ya kuvwanda kuna na kukeba na yawu, yandi tubaka, “Bisalu yina mu ke sala!” Beno tala mbote ngononi yango, beno me mona.

<sup>350</sup> *Awa kele nkosi, kisadi. Yesu pesaka bawu ngolo. Mpe Yandi vwandaka keba Yawu, Yandi vwandaka keba Actes 2:38. Yandi simbidilaka yandi tii kuna, nkosi yina.*

<sup>351</sup> Awa ke kwiza mbangu yango ya Nsangu ya mbote, na ngononi yayi, ke tuba, “Bisalu yayi mu ke sala beno mpe ke sala. Beno ke sala ya kulutila yayi,” beno pepa na Yawu na yinza ya muvimba! Mutindu yembe yina vwandaka na yintu ya mpangi ya kukatuka, mpe ya kutula na zulu, menga vwanda mwangana na ntoto, na kubokaka, “Santu, santu, santu, kele Mfumu,” samu na kuvedilsa muntu ya bwasi. Yinga.

<sup>352</sup> Ntangu yayi, mu ke na yankaka kuna, Jean 15:7. Beto baka kaka kapu ya 15, nzila ya 7:

*Kana beno kangama na kati ya munu, ntangu yayi, mpe bandinga ya munu. . . . (ndinga ya seminere ve). . . . bandinga ya munu kukangama na kati ya beno, beno ke lomba yina beno zola, mpe ya ke salama na beno.*

<sup>353</sup> Ya kieleka? Na yina Nsangu yango ya mbote kukebamaka kaka awa. Lusakumunu yayi ya Pentecote kele ya kukeba na Jean mpe Nsangu ya yandi ya mbote; Yawu kele ya kukeba na Matthieu, na Nsangu ya yandi ya mbote.

<sup>354</sup> Ntangu yayi, beto kwenda na Nsangu ya mbote yina ke landa, Marc, kapu ya 16, beno tala kana Marc kebaka

Lusakumunu yayi ya Pentecote. Marc, kapu ya 16. Ntangu yayi, beto banda awa na . . . na manima . . . beto zonzila na yina me tala mvumbukulu ya lufwa. Ntangu yayi, beto landila na kukwenda tii beto ke kuma na nzila ya 14 ya Marc 16:

*Na manima yandi monanaka na kumi na mosi na yina bawu vwandaka na mesa, mpe sembaka bawu kukondwa lukwikilu ya bawu mpe ntima ya bawu ya ngolo, samu ti bawu kwikilaka ve bayina monaka yandi na manima ya kuvumbuka ya yandi.*

<sup>355</sup> Bawu kwikilaka ve bayina ti vwandaka meka na kupesa bawu nsangu. Beno me mona, ya kele mutindu ya kele bubu yayi. Bantu yina kele na kimbangi ya Mpeve-Santu; bantu ke tuba, “Buzoba, ba kele nkonga ya ba-exalté.” Mpe Yandi sembaka bawu samu na bantima ya bawu ya ngolo, beno me mona, mpe kukondwa lukwikilu ya bawu; bayina zabaka Yandi na mvumbukulu ya Yandi.

*Mpe yandi tubaka na bawu, Beno kwenda na yinza ya muvimba, mpe beno longi nsangu ya mbote na muntu nyonso.*

<sup>356</sup> Yinki? Kulonga . . . yayi . . . ya kele kaka na Nsangu mosi ya mbote; mikengi yiya. “Beno longi Nsangu ya mbote yayi na muntu nyonso!” Ntangu yayi, beno bambuka moyo ti, Yandi ke na kubakaka nyonso zole, mikengi nyonso yiya (Matthieu, Marc, Luc, mpe Jean), beno me mona, “Beno longi Nsangu ya mbote na muntu nyonso!”

*Yandi yina ke kwikila mpe ke botama ke kuzwa mpulusu; mpe yandi yina ke kwikila ve ke kuzwa kitumbu. (Beno me mona, beno fwana kota na mbotika yayi awa.)*

*Yandi yina ke kwikila mpe ke botama ke kuzwa mpulusu; . . . yandi yina ke kwikila ve ke kuzwa kitumbu. (Oh, mpangi, beno kwikila, lemvo ya beno!)*

*Mpe . . . (Muvukisi-bampova, samu na kuvukisa bafaze yankaka kintwadi.) . . . Mpe bidimbu yayi ke landa bawu yina ke kwikila; . . .*

<sup>357</sup> Mbote, ntangu yayi, beto tala, yinki ba-Methodiste ke tuba? “Kana beno boka, kuzinga luzingu ya mbote.” Ba-Baptiste ke tuba, “Beno vwanda kaka na lukwikilu mpe beno botama.” Episkopo ke tuba, “Telama mutindu Episkopo, mutindu yina, mpe beno kulumusa yintu ntangu nkunga ke wakana.” Katolika ke tuba, “Beno tuba ‘Mbote, Marie.’” Ba-Pentecotiste ke tuba, “Kota na denomination ya beto. Beno botama na Nkumbu ya ‘Tata, Mwana, mpe Mpeve-Santu.’” kuna beno me kwenda. Beno me mona?

*. . . bidimbu yayi ke landa bawu yina ke kwikila; Na nkumbu ya munu . . . (Hmm. Ve “Tata, Mwana, Mpeve-*

Santu” na zulu ya yawu.) . . . *Na Nkumbu ya Munu ba ke basisa bampeve ya yimbi; ba ke zonza na bandinga ya malu-malu;*

*Bawu ke simba banyoka; . . . kana bawu kunwa kima ya yimbi, ya ke sala bawu mpasi ve; bawu ke tentika maboko ya bawu na bambevo, mpe bawu ke beluka. (Amen! Oh, mpangi!)*

358 Ntangu yayi beno vutuka na nzila ya 11, mpe kuna beto me yilama kaka na kusukisa. Matthieu 11, mpe mu kele na 20 mpe 21, Yesu ke na kuzonzaka. Nyonso yayi kele Yesu ke na kuzonzaka, ntangu yayi, ve mosi ya bawu kasi yina Yesu ke na kuzonzaka, na mosi na mosi ya bawu.

*Mpe kilumbu landaka, ntangu bawu . . . kumaka pene-pene ya Béthanie, yandi kuzwaka nsatu:*

*Mpe na kumonaka yinti ya fike . . .*

359 Ya kele kisika Yandi singaka yinti (ya kele Matthieu 21). Mu kele . . . :12, lemvo ya beno. Marc 11:21 mpe 22:

*Mpe Pierre bambukaka moyo tubaka na yandi, Mfumu, tala, yinti ya fike yina ke singaka na nzila . . .*

*Mpe Yesu vutulaka mpe tubaka na yandi, Beno wvanda na lukwikilu na Nzambi. (Beno me mona?)*

*Samu ti ya kieleka mu ke tuba na beno, (kuna, ya kele na kati) . . . ke tuba na beno, Ti muntu nyonso yina ke tuba na mongo yayi, Ti katuka, mpe ti losama na mubu; mpe ke sala ntembe ve na kati ya ntima ya yandi, kasi . . . kwikila ti bima yina yandi me tuba ke salama; yandi lenda . . . yandi ke kuzwa nyonso yina yandi me tuba.*

360 Mwana, mwelo ya sude kele ya kukeba na ngombe. Mwelo ya node kele ya kukeba na nkosi, nkotolo ya node . . . mu zolaka tuba mwelo ya esete. Mpe mwelo ya node kele ya kukeba na ngononi ke pepa, Jean, evangéliste. Mpe dokotolo na lweka yayi, Luc, muntu.

361 Ntangu yayi, beto mona yina Luc ke tuba. Beto baka Luc, kapu ya 1te . . . Mu banza ti beto kele na Luc 10:1 tii na 12, ya kele—ya kele lutumu. Beno nyonso zaba yinki ya kele, kasi . . . Luc, kapu 10, mpe 1 tii na 12. Mbote mingi, beto lenda kwenda na ntuala mpe kutanga yawu nyonso, kasi beto ke kuzwa ve ntangu ya kusala yawu. “Beno kwenda . . .” Mu ke banda na nzila ya 3:

*Beno kwenda: beno tala, mu ke fidisa beno mutindu bana ya mameme na kati-kati ya bayingo.*

*Beno nata ve mbongo, to nkutu, . . .*

362 Beno me mona, “Beno kwenda ve na nkumbu ya denomination mosi. Beno kwenda mutindu mu me fidisa beno. Beno me mona? Beno kwenda ve na kivuvu ti beno ke kuzwa

bankama ya mafunda ya ba-dollar samu na reveil yayi; kana ve, beno kwenda ve. Beno me mona. Beno sala ba-campagne ya beno.” Yandi tubaka, “beno kwenda kisika mu ke fidisa beno.” Beno me mona.

*Beno nata ve mbongo, to nkutu, to mapapa: . . .kupesa muntu mbote ve na nzila.*

363 “Beno telama ve mpe beno tuba, ‘Mu ke kwenda kuna mpe ke mona mutindu . . . bayayi ke na kusalaka . . . mutindu bayayi . . .’ Beno landila kisika Mu me fidisa beno. Beno landa ve yina muntu yankaka ke sala.”

*Mpe na yinzo nyonso beno ke kota, . . .tuba ntete, Ngemba kuvwanda na yinzo yayi.*

*. . .kana mwana ya ngemba kele kuna, ngemba ya beno ke vutuka . . .ke pema na zulu ya yandi: kana ve, ya ke vutuka dyaka na beno.*

*Mpe beno vwanda kaka ngunga beno vwanda kaka na yinzo yina (na kisika) beno vwanda, na kudyaka mpe kunwaka yina bawu ke pesa: (Ntangu yayi, bima nyonso yayi samu na “kudya musuni ve, mpe nyonso yina.” Oh, mawa! Beno me mona?) samu ti kisadi fwana kuzwa difuta ya yandi. Beno kwenda ve yinzo na yinzo.*

364 Beno ke kwenda bubu yayi na Kingandi, na kudya, mpe kukwenda na—na bankwelani yankaka kilumbu yina ke landa, mpe na bankwelani yankaka kilumbu yina ke landa. “Beno vwanda kaka kuna!”

Ya kele samu na yina ntangu mu ke kwendaka na balukutakanu, beno zaba, samu na yinki mu ke vwandaka kaka na hotel, mpe ke vwanda kaka kuna, ya kele kieleka kisika mu ke kuzwaka ngemba. Beno me mona? Beno kwenda ve yinzo na yinzo!

*Mpe na mbanza nyonso beno ke kota, kuna ntangu ba yamba beno, beno kudya bima nyonso yina ba ke pesa beno:*

*Mpe beno belusa bambevo—beno belusa bambevo yina kele kuna, mpe beno tuba na bawu, Kimfumu kele. . . ya Nzambi me belama na beno.*

365 Kasi ntangu yayi, mbote, beno bika munu kutanga nzila yina ke landa:

*Kasi na mbanza nyonso yina beno ke kota, mpe ti ba yamba beno ve, beno basika . . .mbanza na . . .ya yawu . . .kilumbu, . . .*

*Mpe fundu-fundu ya mbanza, yina me kangama na zulu—na zulu ya beto, beto . . .(Beto mona ntangu yayi.) . . .Mpe . . . Mpe . . .Mpe fundu-fundu ya mbanza ya beno, yina me kangama na zulu ya beto, beto ke*

*kubula beno yawu: kasi beno zaba yayi, ti kimfumu ya Nzambi me belama na beno.*

*Kasi mu ke tuba na beno, ti ya ke vwanda mbote mingi na kilumbu ya lufundusu ya Sodome, ti samu na mbanza yina.*

<sup>366</sup> Oh, mpangi, na kivuvu yina ya kusakumuna! Kana bawu mona ve, kuyamba beno, beno kwenda na ntwala, beno tuba kaka, “Mbote, kana beno zola munu ve, mu ke kubula kaka fundu-fundu, mpe ke katula mapapa ya munu, mpe ke kwenda na mbala mosi.” Na nzonzolo yankaka, beno tuba, “Mu bakaka kima ve; kana mu me kudya kima, mu ke futa beno samu na yawu, mpe beto kwenda na ntwala.” Yandi tubaka, “Ya kieleka . . .” Mpe mosi na mosi ya bambanza yango yina bawu kwendaka mpe yina yambaka bawu ve, mosi na mosi ya bawu dyamaka mpe kele ya kufwa bubu yayi. Mpe konso mbanza—mbanza yina yambaka bawu, kele ya kutelama tii bubu yayi. Beno bawu yayi.

<sup>367</sup> Ntangu yayi, mosi dyaka, mpe na manima beto ke sukisa. Beto mona, beto kele na 10. 11:29 tii na 31, Luc 11:29 tii na 31, beto ke sukisa. Oh, mu zola Yayi!

*Mpe ntangu bantu vwandaka kintwadi . . .*

<sup>368</sup> Beto mona, mu kele . . . Ya kele Luc yango, Luc 11:29? Inga, mu banza ti yayi ke vwanda yawu. Ee:

*Mpe ntangu bantu kuvukanaka kintwadi, yandi bandaka na kutuba, Yayi kele nsungi ya yimbi: bayina ke sosa kidimbu; mpe ya ke . . . vwanda . . . kidimbu ve . . . ke pesama na yawu, kasi kidimbu ya Jonah profete.*

*Samu ti mutindu Jonah vwandaka kidimbu na Ninive, mutindu . . . mpe Mwana ya muntu ke vwanda na nsungi yayi.*

*Ntinu ya kento ya sude ke telama . . . kufundisa . . . ya nsungi yayi, mpe ke bedisa bawu: ntangu yandi me katuka na bansongi ya ntoto na kuwa ndwenga ya Salomon; mpe, beno tala, ya kulutula nene na Salomon kele awa.*

*Bantu ya Ninive ke telama na kufundisa nsungi yayi, mpe . . . bedisa yawu: samu ti bawu balula ntima ya bawu na malongi ya Jonas; mpe, beno tala, ya kulutula nene na Jonas kele awa.*

<sup>369</sup> Yinki mu ke tuba ntangu yayi? Samu na kumanisa, mu fwana bika kaka yankaka. Kasi, samu na kumanisa, mu zola kutuba yayi samu ti mu me baka beno ntangu ya yinda. Yinki Yandi ke na kutubaka awa? “Ya ke kwiza kilumbu yina bantu ya yimbi mpe nsungi, ya kindumba,” (Ntangu yayi beno bambuka moyo!) “ke sosa kidimbu. Mpe yayi kele nsungi ya yimbi mpe ya kindumba.” Mpe Yandi tubaka, “Nsungi yina ke kuzwa kidimbu.” Beno tala



mbote mutindu ya ke tandama na yankaka ya Biblia, kidimbu ya Jonah. “Jonah vwandaka na kati ya kivumu ya diteli bilumbu tatu mpe bampimpa tatu; mutindu zolaka vwanda Mwana ya muntu na kati ya kivumu ya ntoto bilumbu tatu mpe bampimpa tatu.” Yinki ya ke vwanda? Kidimbu ya mvumbukulu. Beno me mona? Kidimbu ya mvumbukulu ke salama na nsungi ya yimbi mpe ya kindumba, mpe ya salamaka na Buku ya Actes. Yesu vumbukaka na lufwa, me kwiza na Pierre, Jacques, mpe Jean, mpe bantumwa, mpe bawu salaka Buku yayi ya Actes (ya vwandaka ve bisalu ya bantumwa), ya vwandaka bisalu ya Mpeve-Santu yina vwandaka sala *na kati* ya bantumwa.

370 Ya kele muntu ve bubu yayi; ya kele Mpeve-Santu ke na kusalaka na nzila ya muntu, to bantu, beno me mona, yina ke salaka kisalu. Ya kele muntu ve; muntu kele kaka vaze, beno me mona, kasi Mpeve-Santu kele Mafuta yina kele na kati ya vaze. Beno me mona?

371 Mpe beno tala yina bawu salaka, beno tala na bidimbu yina bawu salaka ya Yesu. Ba zolaka tala na yawu samu ti . . . Bawu—bawu vwandaka bantu yina zabaka kima ve, bayina longokaka ve, Pierre mpe Jean. Kasi ba zolaka tala na bawu, bawu vwandaka na Yesu! Bawu salaka bima yina Yandi salaka. Na yawu, beno me mona, konso Buku na Biblia, konso . . . Babuku yiya, Bansangu ya mbote yiya ke kebaka Lusakumunu ya Pentecote na konso Masonuku samu na kusimbidila yina bawu tubaka. Mpe ntangu yayi Actes ya bantumwa ke siamisa bubu yayi na Bansangu ya mbote yiya ti Yesu Klisto kele mutindu mosi mazono, bubu yayi, mpe kukonda nsuka. Beno zola Yandi?

Bawu vwandaka ya kuvukana na kivinga yina  
ya zulu,  
Bawu nyonso vwandaka sambila na Nkumbu  
ya Yandi,  
Botamaka na Mpeve-Santu,  
Mpe ngolo ya kisalu kwizaka;  
Yina Yandi salaka samu na bawu kilumbu yina  
Yandi ke sala samu na beno mutindu mosi,  
Mu kele na kyese mingi ti mu lenda tuba ti mu  
kele mosi ya bawu.

372 Bika mu yimba yawu:

Bawu vwandaka ya kuvukana na kivinga ya  
zulu,  
Bawu nyonso vwandaka sambila na Nkumbu  
ya Yandi,  
Botamaka na Mpeve-Santu,  
Mpe ngolo ya kisalu kukwizaka; (Yawu yina  
beto ke na yawu nsatu bubu yayi.)

Yina Yandi salaka samu na bawu kilumbu yina  
 Yandi ke sala samu na beno mutindu mosi,  
 Mu kele na kyese mingi ti mu lenda tuba ti mu  
 kele mosi ya bawu.

Bantu yayi lendaka longuka ve na kuvwanda,  
 (Ve . . . Kaka mutindu Pierre, Jacques, mpe  
 Jean.)

To kusala lunangu na kuzabana na yinza,  
 Bawu nyonso me kuzwa Pantekote ya bawu,  
 Kubotamaka na Nkumbu ya Yesu;  
 Mpe ke na kutuba bisika nyonso, ntangu yayi,  
 Ngolo ya Yandi kele dyaka mutindu mosi,  
 (Kaka mutindu ya vwandaka.)

Mu kele na kyese mingi ti mu lenda tuba ti mu  
 kele mosi ya bawu.

Mu kele mosi ya bawu, mu kele mosi ya bawu,  
 Mu kele na kyese mingi ti mu lenda tuba mu  
 kele mosi ya bawu;  
 Mosi ya bawu, mu kele mosi ya bawu,  
 Oh, mu kele na kyese ti mu lenda tuba mu kele  
 mosi ya bawu.

Oh, beno kwiza, bampangi ya munu, sosa  
 lusakumunu yayi

Yina ke vedisa ntima ya beno na disumu,  
 Yina ke sala ngunga ya kyese kubula  
 Mpe ke bumba moyo ya beno na tiya;  
 Oh, ya ke na kupela ntangu yayi na kati ya  
 ntima ya munu,

Oh, nkembo na Nkumbu ya Yandi,  
 Mu kele na kyese mingi ti mu lenda tuba ti mu  
 kele mosi ya bawu.

Mosi ya bawu, mosi ya bawu,  
 Mu kele na kyese ti mu lenda tuba mu kele mosi  
 ya bawu; (Alleluia!)

Mosi ya bawu, mu kele mosi ya bawu,  
 Mu kele na kyese mingi ti mu lenda tuba ti mu  
 kele mosi ya bawu.

<sup>373</sup> [Kisika ya mpamba na bande—Mu.] Ya ke vunaka bantu  
 mingi na kati ya bawu. Kele . . . Bantu mingi awa na bala-bala  
 bayina ke kwendaka na dibuundu, kele ya mabuundu, ba me  
 vuna bawu mutindu Eve vwandaka na mbandukulu. Ba zaba ata  
 luswaswanu ve.

<sup>374</sup> Oh, beno kwiza baka Yinti ya Luzingu! Ntangu yayi, na  
 kisika ya Bakeluba . . . Ntangu yayi, mu zola kutuba kima. Na  
 kisika ya Bakeluba yango ke kebaka Kiti yayi ya kimfumu, bawu  
 kele awa na ngaanda ke na kusosaka, na kumeka na kutwadisa  
 bantu, kukeba bawu na Kiti ya kimfumu, na kumekaka na

kulutisa bawu na mwelo, na kuvutula dyaka bawu na Yinti ya Luzingu samu na kubaka Yayi. Yesu tubaka, “Mu kele Dimpa ya Luzingu yina me katuka na Nzambi na Mazulu. Yandi yina ke kudya Nsuni ya Munu mpe ke kunwa Menga ya Munu kele na Luzingu ya Seko mpe Mu ke vumbula yandi na kilumbu ya nsuka.” Ya kele kieleka. Oh, mu kele na kyese mingi!

<sup>375</sup> Bambevo yikwa kele na kati ya kivinga? Ti beto mona maboko ya beno, beno telemisa maboko ya beno. Mbote mingi. Bantu yikwa kele. . . Ya kele. . . Mu—mu kuwaka mbote Billy? Wapi kisika yandi kele? Yandi kabulaka bakalati ya kisambu? Nge. . . ? [Kisika ya mpamba na bande—Mu.] Mbote mingi, nani kele na. . . [Kisika ya mpamba na bande.]

<sup>376</sup> Ntangu yayi, beno tala lweka yayi, beno nyonso. Ntangu yayi, ya kele kaka mutindu ya kele ntangu ya kwizaka na yisi ya Nkembo awa, beno me mona. Beno me mona? Beno me mona? Ya ke kwizaka. . . Ya kele Nsemo na lweka awa. Beno kwiza awa, beno me mona. Ntangu yayi, beno tala, ya kele kaka—ya kele kaka kifwani, kaka kifwani, ya kele, beno me mona. Ya kele ve Nsemo. Beno tala Nsemo kaka na zulu awa, beno me mona, kaka awa na kento yayi. Mu me bakula Yawu mpe mu banzaka ti Yawu vwandaka na zulu ya muntu.

<sup>377</sup> Ntangu yayi, beno ke na kumonaka mosi mpe mu ke na kumonaka zole. Mosi ya yawu kele ya yinza, mpe Yina yankaka kele ya Kimpeve. Ya kele na muntu ya kuvwanda na ngaanda awa, na nzila ya mulonga yayi ke na kutalaka na lweka ya Nsemo yango. Yawu me bula yandi. Yandi me katuka Seymour, na Indiana, mpe yandi kele. . . me kuzwa dyambu na vasculaire cérébral. Kana nge ke kwikila, tata, Nzambi ke belusa nge na dyambu ya vasculaire cérébral. Amen! Kwikila ntangu yayi!

<sup>378</sup> Nge ke kwikila na ntima ya nge ya nyonso? Na yina kana Mfumu Nzambi, Mvangi ya mazulu mpe ntoto, ke bika mu sala kima samu na kusiamisa nge ti ya kele Nzambi, kuna nge ke kwikila na ntima ya nge nyonso? Dyambu ya nge—ya nge kele dyambu ya kudasuka samu na menopause. Nge ke kwikila ti Nzambi ke belusa nge? Nge mpe kele ve ya awa.

<sup>379</sup> [Kisika ya mpamba na bande—Mu.] . . . yina kele mpasi ya nge? Mpe, na kusalaka mutindu yina, ti Yandi ke belusa nge? [Kisika ya mpamba na bande.] . . . lendaka kumisa beno mbote, samu ti ya kele beno ve ke zola kukuma mbote, ya kele mwana ya beno ya bakala. Beno me mona? Yandi kele na Virginie. Nge ke kwikila ti mu lenda tuba na nge yina ke tambula mbote ve na yandi, na lusalusu ya Nzambi? Yandi kele na ulcere. Ya kele kieleka. Mpe ya kele dyaka na kima yankaka ke tambula mbote ve na yandi, yandi kele ya kuvuuka ve. Mpe nge ke na kusambilaka samu na yandi. Ntangu yayi, Mama Baker, vutuka na Somerset mpe kwikila na ntima ya nge nyonso, Yesu Klisto ke belusa yandi. [Kisika ya mpamba na bande.] . . . ? . . . belusa

nge, nge ke ndima Yandi mutindu Munganga ya nge? Kana nge lenda . . . [Kisika ya mpamba na bande.] . . . munganga. Paul tubaka kilumbu mosi . . . [Kisika ya mpamba na bande.]

<sup>380</sup> Bantu yayi yina me kuwa mbote tii ntangu yayi awa na kilumbu, Mfumu, ntangu yayi, Mfumu Nzambi, mu ke sambila ti kyadi mpe mambote ya Nge vwanda na zulu ya bawu.

<sup>381</sup> Satana, mu ke telemina nge na Nkumbu ya Yesu Klisto, basika na bantu yayi! Bawu me vwanda samu na kuwa Nsangu ya mbote. Nge lenda kanga dyaka bawu ve. Ti ngolo ya dyabulu yina me kanga bantu yayi, kukwenda!



*APOCALYPSE, KAPU YA YIYA KITINI YA III* KNG61-0108  
(Revelation, Chapter Four Part III)

BANDANDANI YA LUZAYIKISU YA YESU KLISTO

Nsangu yayi ya Mpangi William Marrion Branham, kulongamaka na Kingelesi, na Lumingu na suka, na kilumbu ya 8 na Ngonda ya ntete, na mvula 1961, na Branham Tabernacle, Indiana, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2022 VGR, ALL RIGHTS RESERVED

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)